

**SAMMLUNG
DEUTSCH-
SCHWEIZERISCHER
MUNDART-
LITERATUR: AUS...**



STANFORD

1860

STANFORD UNIVERSITY

STANFORD UNIVERSITY

STANFORD UNIVERSITY

STANFORD UNIVERSITY









Schweizer=Dütsch

Aus dem Kanton
Luzern

Erstes Heft

Gesammelt und herausgegeben

von

Professor O. Sutermeister.



Zur gef. Notiznahme.

Indem wir auf den in Heft 1—4 des „Schwizerdütsch“ veröffentlichten Prospekt verweisen, erlauben wir uns folgende nachträgliche Bemerkungen dazu.

Jedes Heft bildet zwar für sich ein Ganzes, doch so, dass hinwieder das gesammte Material für jeden Kanton nach dem für die ganze Sammlung festgehaltenen einheitlichen Schema angeordnet erscheint: I. Kunstprodukte in Prosa und Poesie; II. Volksüberlieferungen.

Die circa 20 ersten Hefte, welche die erste Serie bilden, werden mit einem Heft abgeschlossen, das unter dem Titel „Schlüssel zum Schwizerdütsch“ Aufschlüsse über Mundartliteratur im Allgemeinen und über die bei der Sammlung befolgten Grundsätze bezüglich Auswahl und Schreibung im Besondern, sowie das unentbehrliche kleine Wörterbuch (Glossar) zu den sämtlichen Heften enthalten wird.

Originalbeiträge für eine in Aussicht genommene zweite Serie, die jederzeit dankbarst entgegengenommen würden, wolle man gef. an die Verlagshandlung oder direkt an den Herausgeber adressiren.

Erschienen sind:

Die Kantone: 1. Bern, 2. Basel, 3. Aargau, 4. St. Gallen und Appenzell, 5. Zürich, 6. Uri, Schwyz und Unterwalden. 7. Glarus.

Jedes Heft kostet nur 50 Cts.

Inhaltsverzeichnis.

1. Kanton Bern. Bekentnisse einer alten Frau, v. M. Walben. Zwei schöne Seelen, v. J. Gotthelf. Treu Liebi, r. T. Liehti. Wi dr Ueli a b' Bärge meind geit, v. S. Liehti. Gegen das ülerhandnehmende Brauntweintrinken, aus „Der Schweiz. Volksredner.“ Der Milchschnauz, v. F. Höflichkeit, v. L. Maienthal. Tannefritz, v. G. Straßer. Der Goldner, v. G. Wartenstein. Ds Chalb ist greiset, v. F. Haller. Ds Breneli uf em Wyler-Kamp, v. J. R. Wyß, der ältere. Deppis für Depper, v. G. J. Ruhn. Mein Liebchen, v. G. J. Ruhn. Hoffnungsblüemli, v. R. Ryß. Mein Blümchen, v. G. J. Ruhn. Längizyti, v. G. Straßer. Gott, la mi b' Liebi hhalte! v. G. Straßer. u. u.

2. Kanton Basel. Der Kasper vo Binze, v. L. Sieber. Der Dieb. E Raibergschichtli, v. L. Sieber. S' Liebeserame, v. L. Sieber. Em Aehnigroßbabb si Baarebli. Brief a be Her Rebaggter vom Blettli (Basl. Nachr.), v. G. Hebel-Hebel. Der ledig Herr Meyer am Wienechtsober, v. G. Hebel-Hebel. Künstler und Kunstkenner (Basl. Nachr.). Wie me b' Frau Schindler in Aprille gschiggt het (Basl. Volksfrb.). Wie die simf Bluemen us em Aeschlemer Raffikranz zue ihre Männer so sind (Basl. Volksfr.).

Sammlung

deutsch-schweizerischer Mundart-Literatur

Aus dem Kanton Luzern

Erstes Heft

Gesammelt und herausgegeben

von

Professor O. Sutermeister



Verlag von Orell Füssli & Cie. in Zürich

1882

22 32 240572 005 53 XL 1

~~~~~  
Buchdruckerei Fijch Wild & Cie. in Bragg.  
~~~~~

Ein Schwank vom „Mutschli“.

1.

¶ Der Pfistergaß z' Luzärn händ vor etliche Johrzähnte zwee Noohbere gläbt, wo zur schönen Usnahm vo der Regel enand guet händ möge; hi und do het der Eint im Anderen e lustige Streich gspilt, daß Beed händ möge drab lache. De größsch ist dā gsy mit em Mutschli und dā will ich iez verzelle.

Dem Einte vo dene Zweene wāmun mer Schmidfränz säge; der ist halt e Schmid gsy, hed sich 's do aber spöter lo wohl sy und 's Gschäft im Sohn übergäh. Nur hi und do hed er no gholfen uufha, wenn es Noß i d' Schmitte cho ist, oder de hed druufgschlage, wenn sie gschwäizt händ. Rohdinoß ist em aber di Sach immer meh a d' Händ äne cho, oder besser gseid a Lyb äne. ¶ Dene Johre, wo die Gschicht vorchond, hed er halt asig e fürchtig e große Buuch gha, win e Rootsherr, und grüüslig Pfuusibagge und e roti Nase win e chlyne Chupferhase. Wenn en aber Eine hed welle späzzle, se hed er em aggäh, die rot Nase häig er vom Umgoh mitem Fuur und fuurigen Nse. 'S ist aber nid wöhr gsy; er hed dā Zulge erst übercho, sitdem är und de Nachber, de Pfisterseppel (wo sis Gschäft au im Schwigersohn übergäh und us de Zeise gläbt hed) all Tag öppe drü Mol sind go Gschäftsreise aträte. Einist hed de Schmidfränz de Frau gseid, im Stärne (wo 's sib Langem de best Italiäner hed) müeß er gogen e Gschäftsfründ us Belgien aträffe. Wemm mer aber i Stärne ggange wär, hätt mer chönne gseh, win er mit em Seppel e Stallchnächtejaß gmacht hed. Es anders Mol hed e Müller us em Hinderland de Pfisterseppel i Witechäller lo

brichte (wo s' die gröschte Borzione und guete Most händ) und wemm mer em noh ggange wär, hätt mer en atrofse, win er mit em Fränz gramset heb. Au i d' Leuegruebe händ sie müesse und i's Duubeli, wo s' best Bier und Chäschüechli z'ha ghy sind; us denen und diese Gründe; emel immer öppi's Gschäfts-sache heb sie det hee tribe. D' Fraue beheime sind natürli nid eso mitem Sach gschlage ghy, und händ sich scho echli chönne usmohle, wi die Gschäftsfründ öppen usgleid; aber es sind vernünftigi Wiber ghy und händ dänkt: iri Manne häigid lang gwärret und d' Sach im Trochne, es seig ene iez au es Freubeli z'gönne. Si sind de öppe au zäme ghöcset, händ es Beckli Kaffee trunke und im Ängel unde Schläüschüechli lo hole und debi händ si de d' Lüüt echli is Gebät gnoh, daß Lyb und Seel si Mähric gha heb.

Bi de schöne Tage sind di Zwee au mitenand uf 's Land go moste, wi das iez no de Bruuch ist. Nur wi mer iez meh uf Samichlaufe, Cheschtenebaum und Megge töset, ist mer do meh uf Bueri und Äbke und i d' Stube bi Adligeschwyl ggange.

De Pfisterseppel heb d' Gwonet gha, immer öppen es halbs Doze Weggli oder Mutschli mit em z'näh, wil men uf em Land fälte frisches Brod übercho heb. Si händ de Most und Chäas befolen und iri Mutschli dezu trücht. Uf em Wäg, wenn öppe d' Sunne gstoche heb, oder wenn si dur nes wüests Schnauswägli ggange sind, heb de Schmidfränz gly gschwigt win e Bär und mit em Fazenetli 's Gicht abtröchnet und gschnuufet und kyhet win e zweubeinigi Lokemativ, und er ist bim erste beste Schatteplätzli an es Poort abgsäffe. Im Pfisterseppel heb das nüd gmacht; das ist finer Läbtig en rahne Rärli gsi und er hätt mögen ässe, so wil as er hätt welle, er wär de glych Stichel blibe; es heb em eifach nüd agschlage. Und e Lunge heb er gha win es Roß und ist glause win es Gisi.

Wenn si de mitenand abgsäffe sind, heb de Schmidfränz allig schon e Hunger gha win e Wolf, daß er gemeint heb,

de möcht e Chue mitsamt de Hörnere. Di guete Muttschli, wo de Seppel im Sack gha hed, händ e de zängglet, daß er mängist, wil er em e Gspäß verzellt und e z'lache gmacht hed, gluegt hed, eis usem Sackfäcke z'fribize. Druuf ist er echli absits und wenn er 's Muttschli gschnabeliert hed, so hed er möge lache bin em sälber, win er de Seppel iez heig chönnen usen Gjel seke. Im Pfisterseppel isch es zerst gspässig vordho, daß er es baar Mol nur seuf Muttschli meh gfunde hed und er hätt si doch verschvoren, dr hätt sächs Muttschli mit em gnoh. Zwor, dänkt er, mer cha si vergoh, i cha mi überzellt ha, es cha mer eis usetrolet sy, i möcht do nüß säge. Druuf sod er si aso zelle beheime, daß er sicher gsy ist, und won em s' nöchst Mol wider eis fählt, wär 's em nümme azgäh gsy, en anderen als de Fränz heig dä Schelmestreich gspilt. Lo merke hed aber de Pfisterseppel ekeis Bizeli; er zied s' nöchst Mol dur alli Muttschli e wyße Fade und goht mit em Schmidfränz uf Bueri. Oben an Abite, ob mer i Wald ie chunnd, sind si chuun am Poort abgsässe gsy, so seid de Schmidfränz: „Lueg det win e prächtigi Umsle!“ Und wie de Pfisterseppel gugget, gseh er ekei Umsle, aber gwahret hinden am Rockfäcke Öppis hübschli zopfe. Ha di iez Vogel! dänkt er, und luegt ume. De Schmidfränz hed wi de Blitz de Doopen erwäg gha und i Buesen ie und ekeis Muul verzoge. Dänkt de Pfisterseppel: Wer ist ächt de Durtribner? tued, as win er wett s' Faze-netli usenäh, gwahret, daß eis Muttschli abzehrt und es anders useglampet ist, nimmt us der andere Täsche s' Nastuech füre, schnüüzt d' Nasen und dänkt: „Wart i will der s' Schnause vertrybe, aber nid iez.“ De Fränz hed si wider für nen Augenblick verärgüsiert, und won er ume cho ist, hed er chyni Brodbröösmeli am Schnauz gha. Z'Bueri hed de Pfisterseppel gschwind de Faden us de Muttschlene zoge und drufabe brüederlich mit em Schmidfränz teilt, as win er nid wüßt, wer em s' jächst usgfüert hätt.

2.

Es ist öppe 14 Tag noch dem Ußflug uf Bueri gsy, ungsöhr Mitti Wymonet, am ene schöne Tag. D' Sunne hed eistig no warm gschine, do seid de Pfisterseppel zum Fränz: z' Michelschrüüz obe seig so guete Most, schon echli grääzt, de stächi uf de Zungen und rüüchi i d' Nase win es Blüemli. De Schmidfränz hed si gärn lo brichte, hed d' Zettelschappen abto, d' Lätzschappen uufgleid, de schöner Nutzen ussem Gänterli füregnoh, de Frau Bhüet di Gott gseid und ist mit em Pfisterseppel über Abise, Dierike und Root gäg dem Michelschrüüz zue trätset. Wo Root uf Michelschrüüz gohd's immer sträng obfi, und schier e Viertelstund oben a Root seid de Fränz, daß er der Die nümme mög überko, dr müeß echli gruije. De Pfisterseppel tued au beglyche, dr seig müed und fuul, leid si under ne Baum und ist ygnickt. De Fränz hed wider si alt Hunger übercho, stibitzt em es Weggli, lid öppe zäh Schritt witer uf d' Site hindere Baum äne und mörpft am Wutschli und lachet im Gheime. Win er fertig ist, lohß er sie näher zum Seppel zue. Dä rñbt d' Auge, as wi wen er gschlose hätt, und seid: „Mer settid dānk witer? Aber wart!“ seid er, „do oben im nächste Buurehuus ist e böse Hund, wo mer vor eme Johr d' Hose verrissen und dezue non es Möckli vo mim heilige Lñb verwütscht hed; i dem han i Öppis mit-gnoh, daß em 's tued für 's Murre.“ Dä Seppel nimmt sini Wutschli use, luegt eis um 's ander a und seid ver-stuunet:

„Wo isch es ietzt? I gsehne das Chrüüzli niene“ . . . und er suecht no einist i de Rocktäschen und druuf i alle Bämpere, und won er 's nid findt, seid er:

„Jeses! i wird es doch nid verlore ha? Wenn 's au e Mönsch fund und äß!“

„Und was wär de? Warum sett er 's nid äffe?“ frogt de Schmidfränz chlyluut.

„Warum? wil i für dä Hund es ärtras Weggli zwäggmacht ha, daß' e verbutzi; wil i Müüsegift dry to ha.“

„Müüsegift?!“ schreit de Fränz und si Nase hed d' Kupferfarb verlore und desfür eini übercho win en Abwäschlumpe, und s' Gsicht ist wyß worde win es bleiftnigz Tuedch.

„Müüsegift seist? Jeses, Seppel i mueß stärke, i ha das Muttschli ggäffe!“

Und er verzellt i der Gschwindi, win er 's akehrt heig.

„Was Lütfels hest au gmacht?“ seid de Seppel, „aber hāb iez nid eso Angst, es ist au nūd so vil drinn gsy. Chumm i's Buurehuus ue, dert chauscht heiße Milch trinke, de macht 's der nūd.“

Und si sönd aso laufe wi nid gschyd duruuf, de Seppel ring, aber de Fränz hed gschwitzt und gschnuufet und s' Härz hed em bömmeret win en Ambos. S der Nildig hed er 's e länger si checher gwahret brönne im Buuch und hed eistig dākt: daß er iez müeß stärke.

Wie si zum Buurehuus ue chömid, und — de Seppel voruus — gāg de Tür zue wānd, ghörid si hinden obe de Hund bälle. De Seppel nimmt e Gump i d' Chuchi ie, de Fränz will au gschwind im Seppel noh und stürchlet am Stägetritt und s' rüert e grad voruse uf d' Nase. De Seppel hilft em uuf und chuum ist er gstande, ist de Hund scho do und will use Fränz los. Dā cha no grad über d' Türesellen ie, se vermütscht e de Hund am Rockfäcke, de Pfisterseppel schlekt im Hund d' Türe vor de Schnörre zue und iez ist de Fränz in ere gspäßige Stellig gsy. Witerß hed er nid chönne; de Rock ist i d' Türen yklamset gsy; dusse hed de Hund am Rockfäcke zerrt und knurret, daß si d' Türe nid hānd dörfe uftue. Dezue hed de Fränz gjommeret wāgem Müüsegift im Mage und hed nid emol gachtet, daß er vom Umgheie e wüeste Blātz a der Nase und s' Gsicht voll Blued gha hed. De Seppel hed a de Tür müeße darha und rüest luut, won er niemer umme gseh hed. Jez gohd e Türen uuf, und es schōns Buuremeitschi steckt de Chopf füre

und rüeft halb verschrocken und doch no härzhaft: Wer do?
De Fränz rüeft:

„I bi vergiftet. Ghömid, machid echli heiße Milch!“

De Seppel hed ere das Züüg no besser erlütteret (zvor nid gseid, daß er ire Hund heig welle vergifte), daß das Meitli zur Ueberzügig cho ist, es seigid ekeini Räuber. Es tuet Tür ganz uuf, und do gsehd Beed, daß 's es mächtig's alt's Huusgwehr i de Hände hed. S' Marili, so hed das Töchterli gheisse, stellt 's uf d' Siten und chunnd i d' Ghuchi und gseh, i weler böse Lag dā Fränz ist. Si seid, daß de Hund en usöde Kärli seig, wo ire chuun tät folge; si wüßi nüd anders, as mit ere Schär de Rockfäcken abzhaue; oder dā Ma sell usem Rock schlüüffe. De Fränz seid: „Ich Gsel, daß mer das nid z'Sinn cho ist!“ und er schlüüft us den Ermle und si verbindid de Türriegel. S' Marili hed gschwind Fүүr gmacht, Milch überto und de Fränz ist vorem Fүүrloch abgsässe und hed gar harmhärzig i d' Wält ie gluegt, de Schweiß ist em über 's Gesicht abe glosse; d' Nase hed wüest drygseh; im Schyn usem Fүүrloch hed de rot und blau Krauter ein a ne Mundöle gmahnet; de Buuch hed er i beede Hände gha und gsauslet und gjommeret. Sis Gjommer hed de Hund verusse begleitet, er hed a de Türe kräsmet und de wider ghüület win en Ufлот. 'S Marili hed im Fränz, wil d' Milch ob gsy ist, 's Gesicht vom Blued gwäsche und drufabe lääis Wasser z'trinke ggā, biß er si hed chönnen erbräche. „Es brönn ne scho vil weniger“, hed er grad druufnoche gmeint und wo do asig es Beckli heiße Milch dunde gsy ist, hed er e länger si meh Hoffnig gha, de chömm devo.

De Pfisterseppel hed meini heimli Gwüsseßbiß gha und ganz duuch drygluegt; s' Marili hed müeße Most und Ghääs go hole, und dezue händ si di Mutschli agfangen ässe. De Fränz ist nid guet z'baß gsy, wo do vor em zue das Zobig verraguutet worden ist, und Ghääs, Most und Brod händ e no einist besser aglachet as es anders Mol. Uf einist gumpet de Seppel uuf, luegt es Mutschli gnauer a und rüeft: „Jez

hätt ich 's bald ggäffe, do gsehjt das chly Chriüzli, won i i's Mutschli gmacht ha; i ha 's vori gar nümme chönne finde und drum gmeint, du heigisch es verwütscht.“ „Mulaß!“ heb de Fränz zerst i de Täubi kolderet, „was hesch mer au für nen Angst äne gmacht, hättist nid besser chönne luege!“

Dr ist aber doch gschwind zride ghy bim Danke, dr müeß iez nid a Müüsegift stärke. Er heb do wacker i 's Mostglas gluegt und e schöne Mumpfel Chääs und s' legscht Mutschli dezue gmufflet. Underbesse chunnd de Buur hei; dem heb s' Marili die Gschicht verzellt und gseid, daß er sell im Hund de Rock erwägnäh und de Hund yspeere. Dä heb das to und de Rock bbrunge. Ei Fäcke ist aber halb abzehrt und ganz verbisse ghy, daß de Fränz nümme e große Hochmuet druuf heb chönne ha. Wo si de Fränz vo sim Schräcke erholt gha heb, sind ar und de Pfisterseppel hei zue.

De Fränz heb nie vernoh, daß gar ekeis Gift im Mutschli inne ghy ist; e so ne grobe Gspäß hätt er nümme verzoge. Wo däiner Gschicht ewägg ist im Pfisterseppel keis Mutschli meh gftole worde; wenn de Fränz gärn eis gha hätt, heb er gseid: „Gimm mer es Mutschli, aber ekeis mit Müüsegift!“

Peter Halter.

3 w e u W a i ß e c h i n d .

Eine poetische Erzählung.

Es chüelet scho, 's will Obig wärde,
Und d' Sunn verschlүүft si under d'Ärde.
E nu, si heb si wacker gwehrt,
Heb 's Ändgras uf de Matte bdeert,
Den Öpfle roti Bäggli gmacht
Und d' Pförsech gfärbt, es ist e Pracht.
So jo, 's ist heiß ghy zum Vergoh,
I meine schier, es chönnt de no
Es tüchtigs Donnerwätter cho.

Jo, 's ruuschet scho e böse Wind,
Und d' Wolke flügid grüßli gschwind
Det am Pilatishärg verby.
E nu, 's sell cho, wenn 's doch mueß sy,
Nur bhüet is Gott au Hus und Hei
Und schick is keni Hagelstei!

Lueg det am Wäg, wär chunnd dohär?
Es Buebli isch; es schnuufet schwär,
'S präsfiert em halt, 's will dank no wit;
Bis 's nachtet, isch e churzi Zit.
E nei, es gohd zum Burehus.
Der Bur luegt grad zum Pfeister us,
Und 's Buebli redt e früntli a,
'S hed i der Hand sis Chäppli gha:
„O sind so guet, mi liebe Ma,
Und hemm mi doch au übernacht!“
Der Bur hed bösi Auge gmacht,
Ar ist en alte Gyzhals ghy,
E Gragger, hed 's Johr us, 's Johr n
Nur Taler zäme gramifiert
Und i si Truete ie gspebiert.
Ar schnauzt: „Vom Plaz, du Galgestrick!
I hez der just der Bleß uf 's Unid,
De wird der 's Bättle wohl vergoh.“
Do chehrt si 's Buebli, gohd devo
Und gwagglet bi der Schür verby,
'S ist wit und breit kes Hus me ghy.

Jez ist der Seppli übel dra,
Ar hed ke andri Ufsicht gha,
Als under Tannen oder Bueche
Im nooche Wald es Bettli z'sueche.
Ar wandlet vorwärts Schritt für Schritt
Und süüfzt und treid si Chummer mit.

Es Meiteli hacket näb der Stroß
Härdöpfel us; es gseh si bloß,
So feister isch. Se hör doch uuf!
Der Chorb ist voll, 's mag nūmi druuf.

Als leid der Charjt uf d' Achslen ue
 Und packt de Chorb, 's hed z'träge gnue.
 Grad stohd das Buebli bi nem zue,
 Und 's Bethli merkt 's, verschrickt echly;
 Doch bald isch wider muetig ghy,
 'S seid: „Gueten Obig au! Wo uus?
 De luegist dry, es ist e Gruus
 Und machst es fürchtig trurig's Gsicht.“
 Druuf seid der Seppli: „Los mi Vbricht!
 De wirsch es dank de wohl begryffe,
 I mag ned singen und ned pnyffe.
 I be do vore ghy bim Bur,
 Dä hed es Härz grad wien e Mur;
 Ar hed mer ned es Plägli gönnt,
 Won Eine hinecht schloooffe chönnt.
 Jez weiß i nūmi anders z'tue:
 Gotts Name suech i halt mi Rue
 Im Wäldli det, wo d' Wiggle wyßid,
 Und d' Eifer iri Buechli byßid;
 Säg sälber, sett i lustig sy?“
 Und 's Bethli druf: „E, wart no chly!
 Erzell mer tröüli, wär t' au bist!
 I bsinn mi de, was z'machen ist.
 I mueß halt hei, drum säg mer 's gschwind!“
 „O, wär i bi? Es Waißechind!
 Mi Vatter hed z'Billmārgen unde
 Sis Änd im Chugle-Näge gfunde,
 Und d' Mueter, wāgem Chrüüz und Chummer,
 Ist gestorbe no im gsyche Summer;
 Und d' Schulde hend is 's Heimet gnoh,
 Mir hend si nüü als d' Chleidli glo.
 Si hemm mi triben us em Hus,
 Jez ben i arm es win e Mus.
 I laufe sithär umenand
 Und sueche halt im ganze Land
 E Meister, mächt es Hantredh lehre;
 I tät so grüßli gärn in Chre
 Mit Schaffen au mis Brod verdiene:

O, 's nützt mi nüd, me will mi niene;
Me seid, i mües es Lehrgäld gä;
I ha jo nüd, wo wett i's nä?
Jez, Meiteli, weist, wi 's mit mer stohd."

Wi das im Bethli z'Härze gohd!
Är dduret 's halt, i ha 's scho dänkt.
Lueg, wi 's sis ordlig Ghöppli fänkt.
'S hed 's Buebli druuf bim Händli gnoh
Und gseid: „Wottst öppe mit mer cho?
I füer di uf en Yfahr ue;
Det findst im Heu e gueti Rue.
Häb nur ned Angst, mi Vatter gseh
Düs sicher wäg de Bäume ned,
Und 's Schürli dued is au verdecke.
Am Morge will di zitag wecke,
De gang mer furt, due 's ned vergässe!
Und hinächt bring der öppis z'ässe;
Was d' hütt ned magst, nimm morn nur mit!"

Si wanderid mit frischem Schritt
Dur 's Reindli uf, bald find si au
Bim Schürli scho, und Heu und Strau
Sid umme det i große Hüüffe
Und 's schmöckt grad zum drin ine schlüüffe.

Do trämpelet 's Bethli flugs is Hus
Und schwächt der Mueter Alles us;
Die hed si gfrent und gseid, 's seig rächt.
Si nimmt e Chorb, was will si ächt?
Si packt es chüstigs Brödbli y
Und dued e Mocke Chäs no dry
Und seid: „Gang, bring 's dem Waißechind!"
Do wädelet 's Bethli grüßli gschwind,
Und uf der Stell chunnd 's wider här,
Der Chorb ist nünmemeh so schwär.

Nacht isch, e schurig feistri Nacht;
Am Himmel hed fes Stärndli Wacht.

'S ist schad: Me heb 's jo eister gärn,
'S mag goh, wi 's will, wenn Stärn a Stärn
So früntli i der Hööchi zündt.

Und Stund um Stund verflügt; es brünnt
Res Liechtli meh i Stal und Hus;
D' Lüt gruejid halt es Bihli us
Und sterkid Lib und Seel für morn.
Los, Zwölfi schlohd 's im Chiletorn
Im Dörfli unde; 's dönt so schurig
Und zwüschen ine hület trurig
Der Bleß, 's goht eim dur Marg und Bei;
Was will er ächt au mit sim Gschrei?
Das Gruusch am Rigi gfallt em ned,
Är merkt dank, aß es Wätter gehd.
Dä Lärme heb das Buebli gweckt,
Und 's Bälle heb 's echly verschreckt.
'S springt uuf und gugget dur ne Rigi,
Grad zündt e rabiante Bliß
Und lüchtet schurig ufem See,
Uf Tal und Bärge und Gletscherschnee;
Und Baum und Busch und Hus und Schür,
Aus ist es einzig's fürchtigs Für.
Jez no ne Mol! . . . Gsehst det dä Ma
Hert a dem große Nußbaum a,
Lueg, lueg, grad näbem Bejestand?
Är heb e Schuslen i der Hand
Und wärchet, win e Ghnächt, druf los.
Der Seppli dankt: „'S ist furios!
Dä heb no Öppis fertig g'mache;
I ha ke Freud a fettige Sache!“
Är luegt no chly und gseh e gly
Vom Plaz ewägg i's Hus ie goh;
Und d' Schusle heb er mit em gnoh
Und hübschli, hübschli d' Döre bschlosse.
'S hed nome bliht und tüchtig gschosse.
E nu, 's ist au für öppis guet:
'S puht d' Lust und gid eim früsche Muet.

I ha 's doch gseid! Am Morge druuf
Stohd d' Sunne hunders luter uuf,
Wi wenn si Öpper gwäsche hätt;
Und d' Bögeli sind no nie so nätt
I alle Heegen umesprunge
Und hend no nie so lustig gsunge.
Ei wüßid dänk, aß 's Sunntig ist.

Lueg, 's Buebli lauft was d' heft was d' gift
Im Ströößli furt und luegt ned zrug;
Es hätt 's gar schräckli uf der Mugg,
Men 's öppe no der Bur möcht gseh.
Iez isch ewägg und niene meh.
I lo di iez i d' Wittli goh
Und rüef der nur no früntli noh:
„Se bhüet di Gott und Glück uf d' Reis!“ —

Es Johr verflügt und wider eis,
Und non e baar, me merkt 's jo chuun,
Und 's Läbe gohd verby wie Schuum.
Jo, d' Zit hed Fäcke, 's sälb ist woher;
Uf einist hed mer wyßi Hoor
Und gschmurrig Händ und schwachi Bei.
E nu, am Änd isch einerlei!
Ist Eine brav und redli ghy,
Se bruucht er ned im Chummer g'hy,
Und stiend er au am eigne Grab:
Das nimmt eim jo nur d' Brästen ab.

Emol im Herbst, am Seeletag,
'S hed grägnat, was vom Himmel mag,
Ist 's Bethli nochem Jobig-Ässe
Elei im Läubli usse gässe;
'S ist iez e hübschi Zumpfere ghy,
Nur luegt 's erbärmli trurig dry,
Und 's Lisme hed ned welle grote.

Uf einist ist mit strängem Ote
Es propers Bürstli z'laufe cho;

Baar tüchtig Schritt — do stoßb er scho
 Und seid: „Guet Tag!“ und streckt si Hand;
 „Nei, wettigs Wätter! 'S ist e Schand!“
 „I möcht au ned drin usse sy,“
 Seid 's Bethli druuf und ladet en y,
 I d' Stube z'cho, und goht vora.

Es dunkt mi schier, i könn dä Ma.
 Nei, luegid au, der Sepp! Allwäg!
 Posz dusig au, wie ist er zwäg!
 So groß und frösch, hed Chleider a
 Schegar es win en Edelman.
 Jo, jo, 's Glück ist em gnädig gsy!
 Uf seiner Wandrig hed er gly
 E brave, guete Meister gfunde,
 E ryche Bur im Aargau unde.
 Är ist es Acherbuebli worde;
 Das ist echly e schwären Orde;
 'S goht au verby! Do wird er Chnächt
 Und hed si ghalte tröü und rächt,
 Hed flyßig gschaffet, sauft für Zwee,
 Drum ist er gstige meh und meh.
 Sid Wienecht ist er Meisterchnächt,
 Si Bohn ist währli nümme schlächt.
 Är hed 's im Bur frei ordli chönne,
 Dä hed em Alles möge g'gönne;
 Der Sepp hed 's gha wi 's Chind im Hus.

Jez flügt er au emol chly us,
 Will luege, wi 's deheime göi,
 Ob d' Chile no im Dörfli stöi.
 Do chunnd dä umpauzt Räge-Guß,
 Jez mueß er halt e chlyne Ruß
 Im Schärme sy; gärn hed er 's to.
 Wie ist doch öüse Sepp so froh,
 E heimelig warmi Stube z'finde!
 Jez sikt er hinderem Ofen hinde,
 Und 's dunkt e rächt, aß 's ordli brönnt.

Bald hed e 's Bethli wider könn
 Und wellen allerlei vernäh.
 Är hed em gleitig Ufkunft ggä.
 Druuf seid er: „So, iez weisch mi Gschicht,
 Jez hätt i au no gärn e Bricht,
 Wi 's underdessa dir ist ggange.“
 Lueg, 's Bethli dued a d' Auge lange,
 I glaube, 's Briegge well em cho.
 Nei, 's wehrt si chäch; enanderenoh
 Fohd 's z'reden a und seid: „I ha
 E bösi, bösi Läbbig gha.
 Zwor han i i de Zugetjohre
 Mit gwüßt vo Chummer, Chrüüz und Gfohre.
 Ha z'schaffe gha und z'ässe gnue,
 E freine Batter no dezue
 Und au ne Mueter — tröst si Gott! —
 Lauf all Rantön uus hüft und hott,
 E besseri cha niene sy!
 Baar Föhrli gönd so gschwind verby.
 Uf einist ist es anderst cho;
 Mi Batter, just so frei und froh,
 Ist ganzig worde, duuch und still;
 'E ist trurig ggange — nei, i will
 Ned alls erzelle 's wär mer z'vill,
 Und d' Eltere darf mer ned verspide,
 Me mueß si halt i's Unglück schide!“
 Der Seppli seid: „De chaust mi ddure.
 Nur schynt 's mer schier, bi ryche Bure
 Sett 's eister öppe z'läbe sy;
 Und schlohd au mol es Wätter n,
 Se gohd doch d' Sunne wider uuf.“
 „Jo, men's nur wär!“ seid 's Bethli druuf.
 „'E ist wöhr, i miner Zuget hend
 D' Lüt gmeint, mer heigid was mer wend:
 E heitre Sinn und Hus und Hei
 Und Gäld dezue so vill wi Stei;
 Ha sälber glaubt, es seig eso.
 Do hed der Batter noh und noh

Verkauft im Jast um wenig Gälb
Die schönsten Acher, Matte, Wälb
Und Alls was vo de Wände lohß.
Sid siße Buchen ist er dob.
I will der Gnauers drüber bbrichte,
Zwor sind 's ned äbe gfreuti Gschichte.

Am leschte Chrüüzerhöchigstag,
Do schnitz i Öpfel, was i mag,
Und 's Liechtli hed mer eländ zündt,
Wi 's Allerseelelämpli brünnt.
Und duffe chutet 's, 's ist e Grus,
Der Sturmwind pfuset ruuch um 's Fuß,
'S hed schurig gwätterleinet; d' Houe
Hend i de Wälbde fürchtig gschroue.
Am Pfeister ist der Batter gässe;
Z'Nacht hed er nümme mögen ässe,
Ar ist unmäßig trurig gly.

„Ghörst, Bethli, au,“ so redt er gly,
„Wi 's macht? Es chan am jüngste Tag
Ned erger räble; Schlag uf Schlag!
Men 's gschlieg? — — 'S chönnt ned wichtig gschände;
'S ist nümme vill i öuse Wände;
Und was im Bode lgh verborge,
Für das mueß niemer grüßli sorge,
Das ist jo sicher vor em Wätter.“
Rätsch! rätsch! Do gid's es gschundrigs Gschätter.
Mi Mueter chunnd i d' Stuben ine;
Si ist mer win e Lych erschine,
So wuß vor Schrücke. „Jeses Christ!“
So hed si grüest, das Wätter ist
I d' Stube gfare, 's fählt te Chriß!
Gottlob, es brünnt doch ned; im Bliß
Ist nochcho ne chalte Brand.
Gschwind luegt si no chli umenand,
Und gseh de Batter dob him Pfeister,
Dob, dob und ohne Läbesgeister!
Und öuses Brieggen i der Nacht
Das hed e nümme läbig gmacht.

Chuum lyd der Batter i sim Grab,
 Se gib mi Mueter fürchtig ab,
 Und 's Närkefieber packt si a;
 Si hed ned lang me z'läbe gha;
 Am dritte Tag do stirbt si scho.
 I ha mer 's grüßli z'Härze gnoh,
 Vom Briegge find schier d' Auge blind:
 I bin iez au nes Waifschind,
 Weiß währli ned, wo ie, wo us.
 Morn z'Obig düend si öüses Hus
 Vergante; 's gilt mer gwüß ned vil,
 'S ist alt und böß; wär 's chaufe will,
 Mueß mit em Boue Chöste ha.
 Und d' Wassermatte näbe dra
 Gohd dank au spöttisch wohlfeil use,
 Und d' Chue und Geissen au; he nuse!
 I träge mit Gedult mis Leid,
 'S ist 's Best. Scho Mängi hed mer gseid:
 „„Dös, Bethli, 's will mer ned i Chopf,
 Ab du sellsch sy en arme Tropf!
 Di Batter hed jo früeher gha
 Ne Hof, wo trifft mer settig a?
 Und ledig ist er gsy und eige.
 Dank dra, es wird si spöter zeige:
 'S ist Gäld versteckt, seig 's det, seig 's do!
 I rot der, suech nur flyßig noh.““
 Und was si gseid hend, han i to:
 'S ist ned e Bluzger fürecho.
 Das hed ned bsunders vill z'bedüte;
 I cha jo wohl bi frönde Lüte
 Mis Brod verdiene, men i mueß.
 Nur das ist mir e herti Bueß,
 Mis Hus z'verloh; 's ist niene jo
 So schön und heimelig wie do,
 Mo Eis als Chind ist umesprunge
 Und d' Mueter Gim hed Liedli gsunge
 Und Sprüchli glehrt und Schmühli ggä.
 O, mueß i einist Abschied näh,
 Se mein i, 's wärd mer 's Härz verspränge!“

Lueg, 's Bethli dueb a d' Auge länge,
 'S lauft Wasser über d' Bäggli ie.
 Der Seppli gseh 's. Weiß Gott, no nie
 Hed ihn e Möntsch so härzli dduret.
 Är seid: „Los, Bethli, ned so truret!
 Es cha jo Alls no besser cho.
 I ha sid Johre noh und noh
 Es ordligs Gälbli jämeto.
 Vermag i's ächt, bis Hüsli z'chaufe?
 De muesch de ned i d' Fröndi laufe,
 De chaust de eister bi mer sy,
 So lang 's der gfallt — es blybt derby!
 I dank der miner Läbbig dra,
 Wi 't einist hest Erbarme gha
 I sälber schlimme Wätternacht:
 I möcht 's vergälte hundertfacht.
 De hest mer früntli z'affe ggä,
 So guet, es wurd 's no Mänge näh;
 Es appetitlichs Bett bezue:
 I will für das au öppis due
 Jez chumm mer no nes Sprüchli z'Sinn,
 Es steckt villicht es Gheimniß drin:
 „Was underm Bode lyb verborge,
 Für das mueß niemer grüßli forge.“
 Chumm gschwind und mach e Schusle zwäg!
 I gohnen afig ufe Wäg
 Zum Rußbaum näbem Bejestand.“
 Si laufid hurtig mitenand,
 Und 's Bethli frogt ned, was er well.
 Als holt die Schuslen uf der Stell
 Und bringt si flugs zum Bejestand.
 Der Seppli grabt uf Mord und Brand;
 Är grabt und grabt und 's wird em heiß,
 Und über nen abe lauft der Schweiß.
 Was will er ächt? 'S ist furios!
 Är grabt und grabt im Schweiß druf Los.
 Jez halt! Was sell dä Lade do?
 Se ruum ewägg! De gsehch es jo.

Rei, lueg, e Chiste! Drüber här!
 Zä wart echli, die ist no schwär!
 Nur gschwind der Deckel abe gschränzt!
 Herrjee, herrjee, wi 's glyßt und glänzt!
 Lueg, Chrüüglitaler und Brabänder,
 Bigopp, 's wär mängen Ängeländer
 Weiß Gott wie froh, är hätt so vill.
 Me cha nur näh so vill mer vill,
 Mer mag doch niene z'Bode gcho.
 „Gsehst, Bethli,“ seid der Seppli do,
 „Gsehst au die große Hüüsse Wäld?
 Do liggid die verkaufte Wäld,
 Die Acherstuck und Mattebläy.
 Nebwohr, es wär doch grüesli läy,
 Men 't i der sälbe Wätternacht
 Mir ned es Bettli hättist gmacht
 Im Pfahr obe? Do isch gseh,
 Aß ich e Ma ha grabe gseh
 Hert bi dem große Rußbaum a.
 Do han i zue mer gseid: „„Aha!
 'S ist gspässig, halt! Do dänk i dra!““
 Jez weisch das Gheimniß, freu di drüber!
 Was? Günd der wider d' Augen über?
 E nu vor Freud! 'S ist liecht z'verstoh,
 De mueßt jez ned i d' Fröndi goh.“
 Und morndes druuf ist d' Steigerig gsy.
 Der Seppli stellt si richtig y
 Und chaust die Matten und das Hus.
 Gly gseh das Güetli proper us.
 Und gohd im Früelig druuf e Ma
 Deby verby, so stuunt er's a
 Und seid: „Rei, Herrgott Niniveh!
 Was isch do für nen Ändrig gseh!
 Wie glänzid au die nöie Pfeister!
 Und 's Läubli hed e guete Meister
 Mit schöne Bildren usgstafiert,
 O wien e Pracht! 'S ist ned gväxiert,
 Men Eine meint, es dörfst e Grof
 Mit Ehre wonen uf dem Hof.“

Und' druuf am Sant Sulpizi-Tag —
 'S hed blüejet, was nur blüeje mag
 Und d' Bögeli hend gmufiziert —
 Do hed si 's Bethli usgstafiert,
 Es Chränzli uf sis Chöppli gleib,
 Und mit em Sepp im Hochsigchleid
 Isch glaufe i der Chile zue.
 Do hend si öppis Wichtigs z'due!
 Der Pfarer hed em 's ned lo näh,
 Ar hed si sälber zäme ggä.
 E, lueg au, was di Waifschind
 Doch für nes prächtigs Päärli find!
 Das ist e guete Säge gsy,
 Jo, dä verrunschet ned so gly.
 Die Lütli läbib schön im Fride,
 Und 's Zangge hend si flyßig gmide.
 Chan Eis im Andre hälfe, 's dued's,
 'S ist währli nüd als Liebs und Guets.
 Wäg dem isch au so herrli ggange,
 Jo besser chönnt mer 's ned verlange.
 'S blybt wohr, der Friden im e Hus
 Erybt alli böse Geister us
 Und treid nur Glück und Sägen y;
 So isch es gsy, und 's wird so sy,
 So lang am Himel d' Sunne stohd,
 Es Möntschgehärz uf Erde schlob.
 Der Seppli hed ned übel bburet;
 'S hed währli nur bar Zöhrli dduret,
 Bis das Verhaufnig noh und noh
 Mit Buz und Steel ist umecho.
 Bald find au Chindli umegsprunge,
 Und d' Mueter hed ne Liedli gsunge
 Und Sprüchli glehrt und Schmückli gmacht;
 Der Batter au. Das ist e Pracht,
 E son es Läbe, häh is Gott!
 'S ist Alls, was Eine wöüschte sott.
 Und wurd 's i jedem Hus so wärbe,
 So wär der Himel uf der Erde.

J. Bucher.

Zweu Mueterli.

Im Bording, ob 's i Himmel gohd,
Im Chilhof ob mim Dörfli zue,
Im Grab, wo Chriüz und Truurwid stohd,
Zweu Mueterli händ gueti Rue.

Das Erst hed mir Chuum d' Tür usto
I d' Wält voll Morgerot und Pracht,
I luege zugg — do isch 's dervo,
Mi Morgestärn hed nünne glacht.

Es hed mer mit sim Läbe kauft
Mis Läbe, hed im letschte Schmärz
Sis Chind mit Augewasser taufst;
Es brönnt mer iez no ufem Härz.

Und win i ha im Dummergrau
Verlassen usgstreckt 's Händli do,
So Chunnd e liebi gueti Frau
Und hed mi an en Arfel gnoh.

Mi Bäsiggotten isch es gsy,
Die hed mi gschwägget, hed mi träyb
Und gschmühlet wi 's erst Mueterli
Und z'Dbig warm i's Guutschli gläyb.

Si hed mer Liedli gsunge süeß
Und hed mi 's Vatterunser glehrt
Und 's Ave, wenn die Glogge-Grüeß
Wi Ängel sind i d' Hüüser fehrt.

Si hed mi kleidt und für mi gschafft
Vo Morge früe bis z'Dbe spot
Und mänge Bage zämmegrafft
Mit Fäble, Näije, Noht für Noht.

Und wenn au einist d' Not is Huß
Ist do, se hed si d' Gotte gjagt
Ganz ghäim zur hindere Türen us;
Gus Chind hed nie de Chummer plagt,

Und wenn si i de Chranke gwacht
Am Bettli mir und briegget heb
Und mini Bäggli gstreichlet z'Nacht
Und mit em Herrgott lischli gredt,

De han i erst die Liebi gseh;
E Mueter chönnt ned besser tue.
Setzt ind si oben unterm Schnee
Bi miner erste Mueter zue.

Si hed z'vil kümmeret und to,
So gschaffet hed si bis a's Änd;
Im Fieber blüezt am Lyntuech noh
Händ iri wyße magre Händ.

Und no bim Störbe hed si gsäid:
„Bis brav und schaff und hätt derby;
'S ist jedes guet für d' Ewigkeit,
Für 's Läbe gib 's de Säge dry.“

So isch si gstorbe lieb und guet,
Es goldigs Härz im arme Chläid,
En Edelstei, wie vornäms Bluet
Ned unterm sidige Mantel träid.

So isch si gstorben am Samstag z'Nacht.
I gseh si no im Totebaum,
Der Mohn hed mit mer bin ere gwacht
Und hed si gschmüht im letschte Traum.

Die schönste Rose hämm mer gnoh
Im Garte, gwunde zu me Chranz;
Wil schöner hed gwüß glüüchtet noh
Die Seel im Tugedbluemeglanz.

Si hed es lieblichs Lächle gha
Im Gesicht — i will mer 's düte guet;
'S ist ghy es jäligs Lächte dra,
Wi 's nur vom Himmel glänze tuet.

Setz liggid ufem Chilhofsgrund
Zweu Mueterli i glycher Gruft
Und wartid uf die Osterstund
Und wartid uf die Mäjeluft.

Und Blueme glänzid blau und rot
Und d' Schwalme singid süeß und lind
Um liebi Gsichter, wo ieh tod,
Um tröui Auge, wo ieh blind.

Es Ehrüüz streckt d' Arm wie d' Mueter us:
„Bis brav und schaff, bis d' Sunne sinkt,
Und chunnst am Obig müed i's Hus,
Se weist, wo dir es Bettli winkt.

Und chunnst am Obig us der Färn
Mit schwärem Härz zum Dorfbachstäg,
So findst is scho — der Obigstärn
I Chilhof zeigt er dir de Wäg.

Zum Chilhof chunnst, de weist ned wie,
Im Dorf, wo d' gspilt hest als e Chnab;
I Schlummer singt di d' Linde hie,
Daß 's heimli ruuschet bis i's Grab.

Do grue de bi de Müeteren us,
Du gruest a guete Härze zue;
Und wenn d' Posune tönt i's Hus,
Se trägid s' di i Himmel ue.“

Peter Halter.

Die Mutter selig.

Wer lyb im Bett so fromm und still?
I weiß nid, was i säge will!
Gönd luegid d' Mueter no nemol —
Doch brieggid nid — 's ist ihre wohl!

Si lyb so still und früntli do,
Me meint, si los und hör is no,
Und lächled gar, du lieber Gott!
Als wenn si näumis säge wott!

Si hed es bchümmerets Läbe gha;
Jez seid si: 'S gryft mi nümnen a,
Mi letzte Wunsch ist jeh erfüllt,
Gott hed mi Chummer alle gstilt!“

Wie hed si willig Alles treit,
I Chrüüz und Chummer, Freud und Leid.
Si seid: „Was gohd und was' no git,
Im Chilhof unde hör i's nit!

Bil suuri Zyte hed si gha.
Si seid: „Jez dank i nümme dra!
Und was mir fehlt, das gid mir Gott
Und geb au euch en sanfte Tod.“

Si schloft und lueget niemer a,
Und hed eus alli lieb doch gha.
Si seid: „Will 's Gott, mer werde scho
Denn einist wider zämme cho!

Drum brieggid nid, ihr liebe Lüt!
Es ist mer wohl und fehlt mir nüt
Und ist mir leicht im chüele Bett —
I wett nid, aß i 's anderst hätt.“

Der Klausner vom Salberg.

Ke Mueter meh!

Du arme Tropf, wie hest so gly
Verlore, was ke Guet und Gält
Erseht und was der 's Liebst ist gsy,
Dis Allerliebste uf der Wält!
I biner Gifalt weist nur ned,
Wie schwer di 's Unglück troffe hed.

U brave Vater hed 's, 's ist wohr,
Dä gid em Obdach, Spyß und Trank.
Wäg Not und Hunger hed 's ke Gfohr;
Me holt de Dokter, isch es krank.

Me schickt 's i d' Schuel und schickt 's zum Heer;
Wenn 's nochen ist, i d' Christelehr.

Doch währli, mag em de au 's Glück
So früntli lächle, als 's nur cha,

Es blybt em doch e Legi zrüch,
'S hed finer Läbtig z'färble dra:
Das Chind hed halt fe Mueter meh,
Was hätt em chönne Schlimmers gscheh!

Ber mohled em es Osterei?
Ber zündt em a de Wienechtsbaum?
Ber macht em wider „heichei“,
Wenn 's uuffchreit us eme böse Traum?
Ber chunnd em z'Hilf und bringt em Trost,
Wenn's ghooret wird vo 's Nochebers Jost?

'S cha goh, wo 's will, seig 's nooch, seig 's wyt,
Und hösle cha 's, wie 's stohd und gohd;
Wenn 's nur zur Äß- und Schlofes-Zyt
Sich wider einist füre lohd.
Gib 's öppe strängi Arbetstäg,
So ist 's de überall im Wäg.

So wird 's em werde, so wird 's cho,
Wie 's mir jekt vor den Auge schwäbt;
Drum danki Gott und seig nur froh,
Wem no en liebi Mueter läbt.
Wer so nes Glück ned z'scheke weiß,
Und wär 's e Fürst, verdienet keis.

Hans Heiler.

Der Näijeren ihr Obigstied.

Firobig hed Alles gmacht,
Nur ich mueß no buezen und näije
E sibigs Chleid die Nacht
Und Stichli a Stichli räije.
Wie mieh si für mich das Chleid,
Dezue die goldige Röckli?
Doch isch es en Andri wo 's treid
Und niemer luegt uf mis Röckli.

Es Chleid so vo Siden und neu
Und Gald! De tät er 's woge —
Mis Härz voll Liebi und Treu,
Das chunnd er nid cho froge.
I wett em z'Lieb All tue
Und wett e bsorgen und pfläge,
Doch han i keis Gold dezue;
Gib das elei de Säge?

So näy i do Tag für Tag
Und mängischd no z'Nacht bis am

Morge,

En iede Stich e Schlag,
E Schmärz, e früschi Sorge.
I 's Härz trifft iede Stich
Und tued es Blüemli verdärbe,
Es goldigs Dingli, daß ich
No mueß am Näije stärke.

D' Schwalme flüegid zum Huus
Und d' Amsle singid no immer,
Es strycht e Flädermuus
Duffen umen im Dimmer.

I cha bloß d' Noht meh gseh,
I mueß echli gruejen und traume
Und luegen übere See;
Der Mohn chunnd cho hälfe gaume.

D' Schwalme sind iez still
Und alli mini Gedanke;
Es mag iez cho, wi 's will,
I will im Liebgott danke.
I tuene nes Chleid bis z'Johr
Für 's Läben und Stärke näije —
Und chunnd kei Chranz i's Hoor,
Se chunnd uf 's Grab e Mäje.

Peter Halter.

E Brief vom Chrishindli a die chlyne Büebli und Meiteli.

D' Bienecht ist vor dr Tür. Us de Wälde sind d' Tannli scho ghaue
Und mit Chramänzel verziert, mit rotem und gälem und grünenem;
D' Kerzeli stedid scho dra und erwartid, aß me si azündt.
D' Nüßli sind kaufd und si glänzid wie Gold und wi d' Stärnen
am Himmel;

D' Birewegge sind zwäg, und Basler Lächerli han i
Hundert Hütteli voll, Lächuechen und anderi Guetli;
Rösseli han i au gnueg und Wägen und Geislen und Dampfschiff,
Lokomotiven und Pflüeg und Trummen und Pfyffen und Dibbi,
Geißen und Schof und Busi und Hünd und anderi Tierli,
Süberli gschmizlet und dräit, me cha si ned zelle, so vill sind 's;
Strümpfli und Schue, Belzstößli — und Hüet mit mächtige Strüße,
Die sind für d' Büebli, wo gärn Soldätklis machid im Huzgang.
'S Allerischönst chunnd zletscht: das sind Büecher mit prächtige Helge,
'S Aeschebrödeli drin, d' Frau Hulle mit gräßlige Zände,
Risen und Zwärg, 's Dornrösli im Schloß und dr gstrubelig Peter,
Und no vill Anders derzue — i darf iez ned Alls scho verrote.

Grüßtet ist au mi Chnächt, dr Schmutzli; är möcht scho uf d' Reis goh;
D' Ehräzen ist gfüllt, und dr Stäcken ist zwäg, d' Belzschappen und
d' Holzschue.

„'S wär mer doch rächt“, so dampet er gäng, wenn i einist chönnt
afoh;

D' Chindeli plangid scho lang und rüefid mer: „Schmutzeli, humm au!“
Aber en andere Chnächt, dr Ruprächt, stampet und trablet,
„Ish nonig Zit?“ froget mängischet dä Schalk, und 's prässiert em
gar grüßli.

Das ist ke früntliche Ma, nei wägerli, schwarz wie der Löffel,
Auge heb er wi Föür und e Stimm wien e lötigen Nöbär;
Ruete treid er es Paß, e Goliath möcht si chuun gschleppe.

„Wartid echli!“ so han ene gseid; „morn z'Oben am Föufi
Göm mer uf d' Reis; gänd ordeli Aht de und machid mer d' Sach
rächt!“

So! iez han i no Zit, es bigeli z'frogen, ir Chinde.

Sägid, wie hend er ech ghalte 's Johr uus? I frog ech uf 's
Gwüsse.

Lügid mer ned! i weiß ech jo Alls; i ha flyßig vom Himmel
Nidfi ggugget uf d' Wält und gluegt, was er tryhid und schaffid.
Will hend ordeli to; es freut mi, aß i's cha rüeme.

Uffstoh öppe zur Zit, es Gebättli verrichte mit Andacht,
D' Händli schön inenand und zum Himmel ue Äugeli grichtet!
Wäschen und strähle dernoß und sedh alegege wi 's Bruuch ist,
Druuf zum Mueterli goh und zum Vatter und ordeli d' Hand gä
Mit eme früntliche Grueß: „Guet Tag au, Vatter und Mueter!“
So isch es rächt, und das gsehn i so gärn, und es dued mer im Härz wohl.
Und de am Tisch eso heiter und froh bim gfuerigen Aesse:

Gfägn ech's Gott! E chrestigi Ghost ist besser as Schlächzüg.
Milch und Brod, Härbdöpfel und Fleisch und vom Brunnen es
Glas voll,

Das macht rüstigi Lüt, die cha mer de bruuche zum Wärsche.
Schaffese düend si scho gärn, wenn d' Händli und d' Beindli no
chly sind,

'S Stubeli wütschen und d' Gäng, Holz tragen und Wasser i d' Ruchi,
Gras usjätten im Garten und Stei ufläsen im Mattli,
Kumissione verrichte, zum chlynere Brüederli luege,
Aß es nid fällt und ke Rodlen erwünscht und nid d' Stägen abtroset.

Wägerli jo, z'bue git 's eso vill, und doch frogid no mängsmol
Flißigi Chind: „Säg, Mueter, was heft is de öppe no z'mache?
Gib is en Uftrag! Rueg, 's ist gmacht, was d' vorig verlangt heft.“
„Jo,“ seid d' Mueter im Witsch, „gchwind bringid der chränklische
Husfrau,

Wo det am Ächerli wont, es Anfestöckli, es Halbbrod,
Mähl, es Budäneli Öl und es Stückeli Fleisch, aß si gfund wird!
Packid 's i Chorb und iez gönd! ir wüßsid doch rächt, wär i meine?“
„Jo,“ seid Gis, „e di Frau, wo die härzige, härzige Chind hed!
'S Betheli hed erst näcti es Tschuppeli Nägeli bbrunge.“
Säg, was hend si im Sinn? Die Frageli rönnid i d' Stube,
Düend 's Schublädeli uuf, 's Sparhäfeli schleipfed si füre,
Fingerlid Baheli druus, die Frau und die härzige Chindli.

'S Schaffen ist doch e herrlichi Sach, es bewahrt eim vor Sünde
Macht eim heiter und froh, wohlthätig und Fridli und höfli.
Achtid ech nur, wi 's Buebli präffiert, sis Chäppeli abznäh,
Wenn 's der Inspätker gseh, dr Pfarer, der Lehrer und sunst no
Ggachteti Lüt, und es seid: „Grüß Gott!“ und gid nen e Titel.
'S Mäiteli lauft, was 's mag, und streckt scho sis Händli vo witemä,
'S rächt natürl — es weiß 's und vergißt 's gwüß nümme im Yfer.
Gönd si i d' Schuel, so lehrd si brav, gänd ordeli Achtig,
Was me ne säg, und si bhaltid 's im Chopf, und es gfallt ne gar
grüßli;

Und so wärde si gschyd, und si wüßsid, was rächt und was läß ist.
Settigi Chind sind e Säge für 's Hus und was d' Sunne für d' Ärde.
Chumen a 's heimelig Hus und böppele hübschli am Pfeister;
Gschänkli bring ene mit, 's sind prächtigi Sachen und nühli,
Öppis z'schlädelen au, — nur einiñt im Johr, das verschändt nüüd.
Blyb mer vom Hus ewägg! i will der scho rüefe, wenn d' cho mueßt!

Aber es gid au Chind, wo mer anderst mueß mit ene rede:
Buebe mit schmirrigem Gsicht, wo verlieberlet ume vagierid,
D' Ghleider verrysid im Strit und d' Schue i de Pfütze verhergid.
Rede düend si so wüest, aß en ehrliche Möntsch nid cha lose,
Fluechen und schweeren und d' Lüt usspotte, die besten am ergste.
Schaffe, das mögid si ned, und 's Lehre chunnd ene dumm vor;
'S Schuelhus hassid si gar und d' Ghile wi Gift; wenn dr Batter
Oder d' Mueter si mahnt, so lausid si, aber 'dr läß Wäg.

Gid men en öppis z'tue, so verständlet si d' Zit, aß e Gruus ist;
 'S luegt nüd use deby, und Alls ist verchehrt und verpfuschet.
 Aber bi lumpige Streiche, do sind si buscher und häluuf;
 D' Trübeli stälen am Hag und Pflümeli bängle vom Bäumli,
 D' Glogge zie ame Hus, Hünd blöge und Bögeli mörde,
 Und de no lüge bezue und laugne bis usen und use:
 Jo, das chöned si guet, Hauptfärli sind si im Bosge.
 Aber i will ech nid Alls ufzelle, 's Register wär z'trurig;
 D' Auge wärdid eim naß, wemm mer dänkt, wie die lockere Burschte
 'S Glück wägstokid mit Gwalt und schnuerstracks rönnid i Abgrund.
 D' Wienecht ruckt, und de chunnd der Ruprächt mit ere Ruete
 Settige Chinden i's Hus, und er list ne de Tägt, aß si's merkid.
 Anders verdienet si nüüb. Ruuch mueß mer verchehre, wenn d' Güeti
 Nümi vermag. Wenn 's nur battet und hilft! 'S ist besser, dr
 Ruprächt

Zeigi bizite, wi 's gieng: i dr Juget ist d' Besserig liechter.

Läbid iez wohl, ir Chinde, bis morn! De mach ech es Biüechli,
 Braven e Freud und de schlimmen e Strof, grad wi si's verdienid.
 'S gfiel mer gar grüfeli wohl, wenn einist dā gschluderig Ruprächt
 Nümme so wättere müest, und wenn e ne nümme müest mitnä.
 Chunnd 's ächt emol bezu? . . . Das wär mer e fröhlich Wienecht!

J. Dacher.

Brustand.

Wen i bruuni Nägeli gsehne
 Näb me Rosmary,
 Fallt mer allemyle wider
 Guse Brutstand y.

So nes Strüßli ha der einist
 Vor dñs Brusttuech gstedt,
 Und das het us dunkle Träume
 Uuf dy Liebi gweckt.

Nur vo Chile hei und stedtsch es
 I dñs Chilbiglas.
 Metti, Müeti mitenandere
 Frogid: „Was gib das?“

Rot wirft und zupfst a dr Scheube,
 Stotterist echly . . .
 Ich, won i's vernoh ha, juchze:
 „Meili, du bist my!“

Hans Theiler.

'S ißt fchad.

Du bist as wien e Rose —
Wer äigeli luegt, gseh d' 's Dörnli;
Du bist grad wie en Ängel —
Wer Ächtig gib, gseh d' Hörnli.

Du tuest, as wien es Lübli —
Doch ist de Schnabel gspazig;
Und Edelstei sind d' Auge —
Doch zimli tüür ist d' Fassig.

Du gauglischt wien es Chähli —
Die Pfötli händ au Chralle;
Du singscht as wie e Lärche —
Nid eim ellei, i Alle.

Du bist e Stärn, dä Lüüchtet —
Am liebste vile Lüte;
'S ist grad wi bim Vergante,
Wo Jede sett cho hüte.

'S ist schad, die goldige Lööli,
Mer sett si chönne scheke,
Und d' Edelstei vo Auge —
Und Beedi de verseke.

'S ist jammerschad, daß 's Händli,
Wo am Klavier cha poche,
Nid au cha sääge, wäsche
Und gueti Suppe choche.

'S ist schad gwüß, daß dä Liebreiz,
Wo cha mängs Härz umstricke,
Nid au cha — Strümpf verbüeze,
Und blödi Hose flicke.

Peter Halter.

Was ned z'heilen is.

Es chlopfet Eine by mer a?

Nur ie! — „I bin en arme Ma:

Es Wätter heb mer 's Huus verbrönnt;

Ich bin i obdachlos und frönd

Und was mer 's Föör heb übrig gloh,

Das trög i i dem Bündel noh.“ —

Hest hächi Glider; bist no härsch.

Drum rot i dr, tue ned so närsch.

Gang schwiß es Johr, i wette druuf:

Du boust dys Hüßli wider auf.

Es chlopft e Zweute by mer a?

Nur ie! — „I bin en arme Ma:

Der Find ist cho i's Bätterland,

Heb ghuuset, 's ist e Spott und Schand.

Heb gwüetet wie ne Wirbelwind,

Und blost mi furt mit Wyb und Chind.“ —

Hest gsundi Chind; es chunnd der guet;

Hend Bagge grad wie Milch und Bluet;

Findst gueti Lüt no da und deet,

I wette druuf, es fehlt der need.

Es chlopft e Dritte by mer a?

Nur ie! — „Sind Ihr de Wunderma?

Dublone han i zäntnerwyß;

Doch battet mer kei Tranf und Spys.

I stoß elei und mag ke Fründ;

D' Wält ist mer z'voll vo Fehl und Sünd.“

Du arme Tropf, du chunnst wohl z'spot;

Für deren Übel gib 's kei Rot:

Wer 's Härz im Loh verdoore lohd,

Blyht elend, won er gohd und stoht.

Hans Heiler.

Der Wildbach.

Es stugt so grau, so fyster uuf
Det Wulk a Wulke druuf und druuf;
E Donnerwätter, schwarz und schwer,
Schlycht höch am stoßige Bergstöck her;

Scho fod es hässig z'brummlen a,
'S wird Galle vil im Herze ha.
Was han i gseid? 'S will unthüür cho,
Es wird jo eister fyster no.

Scho spannt der Sturmwind d' Sägel uus
Und fahrt mit Gwalt a's Wulkehuus;
Und chybig bütschid f' anenand
Die Wulke ob der Felsjewand.

Und lueg! wie zwirblet 's zringlet um
Die Näbel schwarz am Felsgrot chrumm;
Und los! wie 's choche, toose tued —
Bim Bluest! i trau der Sach nid guet.

E Bliß! und 's chrachet usenand
Der Wulkeberg am Gletscherrand
Und schüttet Chyb und Gallen uus
I volle Ströme, 's ist e Gruus!

Und i die Felspiß ringsumher
Schießt 's Wätter n mit Schläge schwer.
Erdattret stöhd die Bergstöck do
Und mögid chuun meh z'Ote gcho.

Und los, wie 's füürig Bergesbluet
Höch i der Wildi toose tued!
Us alle Obre strömet 's uus
I Bäche voll mit Sturm und Bruus.

Ganz teuf im fyster Tobelschlund
Schloßt eister no uf trochnem Grund
Der bösi, trohigi Wildibach — —
Zetzt weßt en uuf en Donnerchrach.

Wild springt er uuf, rybt d' Augen uus,
 Fuegt fräch i Stürm und Wätter uus,
 Wyt d' Hömmlißermel hindre glist,
 Scharf d' Nägel a de Böde gspiht.

Und uuf und furt; wie 's blyt und chragt,
 Bruust usen er i d' Wätternacht
 Wild über Stei und Felswand,
 Voll Schuum sis Gsicht und bluetig d' Händ.

Die Bäch ringsum, all, groß und chln,
 Zue springid s' i si Kumpang;
 Er nimmt si use Buggel all
 Und abe brüelid s' luut i's Tal.

Großmächtig Felsstei rhyid s' los
 Und trölid s' abe hüsergroß;
 Ganz Wättertanne zerit s' uus
 Und — furt wird 's gstürmt i Suus und Bruus.

So huusid si im Alpeland
 Die wilbe Buebe mitenand;
 Und Alles rüeft im Bodegrund:
 Fliend! Fliend! Der bösi Bergbach chunnd!

O Je, ihr grüne Matte my!
 O Je, ihr liebe Hüfeli!
 Wie wird 's ech goh im Wisegrund,
 Wenn er, der Wilbbach, abechunnd!

O fliend, do chunnd er wäger jo! —
 'S macht nüüd! Wer wend e baschge scho:
 Wend e i Zucht und Ufsicht neh,
 Zletscht cha 's no öppis us em gü. —

Vigopp, 's isch wöhr! Do lyb er scho
 I Damm und Bett ganz ordli do
 Und schnuufet so si Wilbi uus
 Im neue, starke, hölzige Huus.

Säg, Bürschli, säg, wie gfallt 's der do?
 De wirsch di gwöhne nottenoh.
 Wend öppe ordli mit der sy,
 Wenn d' öppe folgisch ordeli.

„He nu se de — so cha mer jo!“
 Seid druuf mi Burscht; und bald dernoh
 Streckt er ech sini früschen Arm
 Zum Sägen uus für Rydch und Arm:
 Do trybt er flingg es Mühlrad
 Und näbezue e Stampfi grad;
 Det länkt er lieb i d' Matten uus
 Und sägnet 's Fäld und sägnet 's Huus;
 Druuf kehrt er in e Schmitten y
 Und blost im Blosbalg Läben y
 Und trybt ech förm 's groß Chammerrad,
 Er und si lustig Kammerad.
 Jä he, das Bürschli macht si guet,
 He, mit sim füürige Alpebluet!
 Zum Sägen ist er worde do —
 Mit Gottes Hülf, natürli jo.

Jg. Röchelin.

' S S c h w i z e r h u u s .

Wend er mer es bißli lose?
 Bald ist jo mis Gsägli uus.
 Nur bar Bärtsli möcht i säge
 Vom e wundersöhne Huus.
 'S Schwizerhuus, das mein i äbe!
 'S heimlet Ein gar grüsli a,
 Wemm mer nur echli dra dänke,
 Nur der Name ghöre cha.
 Einist sind vor vile Johre —
 'S dued iez keim ke Zand me weh —
 Bäckri Manne zämegstande
 Am e hübsche grüne See.
 Prächtig hend ne d' Stärne gschine,
 Uf de Bärge heb der Schnee
 Glänzt im Mondschyn, 's ist ned
 j'äge,
 Jo, das fett mer sälber gseh.

„Guegid, gueti Fründ,“ seid Eine,
 „Düses Land ist ehrewärt:
 Matte hemmer, grünen und saftig,
 Beh, so vill mer nur begährt;
 Losid au, wi d' Trychle schällid
 Vo de Weide hüft und hott;
 'S Härz möcht eim vor Freude
 flüge,
 'S weiß ned rächt, wo 's äne wott.
 D' Brünne gänd is chüstigs
 Wasser,
 Und es buschbers Lüstli chunnd
 Vo den Alpen oben abe,
 Und das macht is früsche und
 gsund.
 Aber öppi's Wichtig's fählt is:
 Simm mer doch no eister j'huus!

Nei, das wemm mer nümme lyde,
Und mer wend es eiges Huus!"

'S hed den Andre grüßli gfallt.
Gleitig sönd si z'wärschen a.
Frili hend si müesse schwiße,
Mänge Schummer hend si gha.
Tröü und ehrli hend si gschaffet
Mit me felsefeste Muet;
Und am Änd ist 's Huus erstande,
Chly no, aber förm und guet.

'S Fundemänt hed halt ke Bräste!
'S ist bigopp au nötig ghy:
Schuum ist 's Hüüsli underm
Dächli,
Schlob au scho nes Wätter y.
'S hed ned zündt, und 's Huus
ist blibe.

Mänge Sturm ist cho dernoß,
Mängist hed 's abschüli gstrußeß,
Und im Huus hed's doch nüd to.

'S ist nur eister größer worde;
Do nes Stuck und det es Stuck
Hend si agseht, stoff und proper,
Wi ne Goldschmid a nes Gschmuck
Öppen au no Bärlen asieht,
Do und det en Edelstei:
Prächtig, wemm mer 's Ganz
betrachtet,
Jedes nätt für sich elei!

'S Schwizerhuus hed Alle gfallt.
Mänge frömde Herr ist cho,
Ritter hend si ganzi Schaare
Und Soldate mit ne gnoch,
Und hend 's wellen überrumpfe;
Aber d' Schwizer: „Win er wend!"

Hend si gseid und buschber tanzet,
Wi di Andre ggyget hend.

'S Gyge hed ned welle grote,
D' Gyger chömid usem Takt,
Und si hend si anderst bsunne,
Hättid lieber zämepackt.
Aber 's ist ke Zit me blibe,
Oni Gyge uuf und druus!
D' Schwizer hend de Bode bhaup-
tet,
Grettet hend si 's Schwizerhuus.

Mänge Meje hend si gwunne
Zum e stolzen Ehrehranz;
Eine vo den Allerschönste
Hend si gholt vom Murtner-Tanz.
Mängist hed 's in alle Stöcke
Krachet win im Sturm e Wald;
Aber 's hed si wacker ghalte,
So nes Huus verschrickt ned bald.

Gott si Dank! es stohd no eister.
Groß ist iez d' Familie driinn,
Und die Brüedreund die Schwöstre
Hend e rächte Schwizerfynn.
Gid 's au mängist öppis z'händle,
Nu, wo trifft mer das ned a?
'S hed jo ned so vill z'bedüte:
D' Liebe mueß jo zangget ha.

Alli dänkid — wemm mer hoffe —
'S seig doch schön im Schwizerhuus!
Und wenn öppe Gsöhre dreutid,
Nied si gwüß ekeine druus.
Und i meine, 's gäb ekeine,
Wo ned au 's Johr y und uus
Mängist, mängist härzli bättet:
„Gott erhalti 's Schwizerhuus!"

J. Bucher.

D' Bruust.

'S ist imme Dorf vor Zyte
Schier z'migt es Hüüsli gsy,
Verstreut uf alle Syte
Vil Hüüser, groß und chly.
Es stohd am Hüüsli gnohlet
Und gschribe mitenand:

Chor: „Das Huus, genannt
Zum Schwizerland,
Das stohd i Gottes Hand.“

Hend d' Lüüt agfange zangge
Fast imme jedere Huus,
Wär nur hed möge glange,
Hed gjagt enandren uus.
Nur i dem chlyne Hüüsli
Löst Als no uf enand.

Chor: Das Huus, genannt zc.

'S will Als enand verwütsche;
Me meint, es heig fei Gfohr;
Zletst tüend Al d' Chöpf ver-
pütsche

Und hend frömd Händ im Hoor.
Hend ihr ech müüslistille
Z'migt inne mitenand.

Chor: Das Huus, genannt zc.

'S nimmt Mänge jeht unbsunne
Im Born es füürigs Schyt —
Wie bald wär 's Dorf verbrunne!
Doch er dänkt nid se wyt,
Verfolgt wie taub sy Nochber
Und schüücht nid Mord und Brand.

Chor: Das Huus, genannt zc.

Was glygt eso dert inne?
Wär schreit scho Füürio?

Zäntumme fohd 's a brünne,
Und eisder meeh achoo;
Gott bhüet das mittlist Hüüsli,
'S hed jeht e schlimme Stand.

Chor: Das Huus, genannt zc.

'S schweert Mänge alli Zeje
Und gid sy Nochber d' Schulb.
Me jagt ein usem Reje,
Als wenn fes Löfche gult.
'S Füür lohnd si nümme dämme,
'S ganz Dorf stohd halt im Brand.

Chor: Das Huus, genannt zc.

Das Hüüsli zwüschet inne
Hed nid emol nur gschmürzt;
Me meint, es chönn nid brünne,
Wenn 's Dorf scho zämme stürzt.
Me weiß schier gar nid z'fasse,
Wora daß das ein mahnt.

Chor: Das Huus, genannt zc.

'S hed do und dört e Glöfje
Uf 's Hüüsli äne treid.
'S hed Mänge welle göhje,
Me hed eim 's Byß ygleid.
Hätt 's au es bigli gfadlet,
'S wär doch nid cho zum Brand.

Chor: Das Huus, genannt zc.

Zhr wüßsid, was das Mährli
Ungfähr z'bidüüte hed;
Es fasset 's Mänge mährli,
Erst wenn er 's brünne gseh,
Wenn 's z'spot ist scho zum Löfche
Und 's Füür nimmt überhand.

Chor: Das Huus, genannt zc.

Drum sött halt Niemer zanke,
Wär i dem Hüüsli wohnt;
Und Gott vo Härze danke,
Daß er is eisder schont.
Wär ohni Gott will huuse,
Chunnd sicher zletscht uf Gant.

Chor: Das Huus, genannt zc.
Mit Gott söhnd aso huuse,

Und löhnd enand mit Freeb,
'S Chunnd gwüß alls besser uuse,
Und anderst gid's es ned:
Nur Gott und Rue und Fride,
Erthend is 's Batterland.

Chor: „O Huus, genannt
Liebs Schwizerland,
Du stohst i Gottes Hand!“

J. B. Häffiger.

Was suft d' Schwizer bruuchid.

Chor. Was bruucht men i der Schwiz?
Was bruucht me suft im Schwizerland?
He! heissassa, o Batterland!
Was bruucht men i der Schwiz?

E Milch, die süß, nid suur,
Dervo der Schwizerpuur
Mängs hundert Zäntner Anke macht,
Daruus die beste Chüechli bacht:
Das bruucht men i der Schwiz.

Chor. He! heissassa, o Batterland!
Das bruucht men i der Schwiz.
E gueten alte Chääs
Im Schwizerpuur i's Gfräas;
Daß 's Lyb und Seel hübsch zämme bindt,
Am jüngste Tag im Buuch no findt:
Das bruucht men i der Schwiz.

Chor. He! heissassa, o Batterland! zc.
Der Ziger ist au guet,
Er chüelt is euses Bluet;
Het eine gueten Appetyt,
Se frist er, bis er niderlybt:
Das bruucht men i der Schwiz.

Chor. He! heissassa, o Batterland zc.

E schöne, hüele Wy,
 E guete Fründ derby;
 Denn ist me lustig mitenand,
 Und drückt enand echly a d' Wand:
 Das bruucht men i der Schwiz.

Chor. He! heissassa, o Vatterland zc.

Gott, Frid und Einigkeit,
 Und Muet und Tapferkeit,
 De simm mer jo die freinste Lüüt,
 Und fürchtib Stuck und Büchse nüüb:
 Das bruucht men i der Schwiz.

Chor. He! heissassa, o Vatterland zc.

Sust bruuchid mer nüüb meh,
 Als Gsundheit eusem Beh
 Und eufne Wybern au beheim
 Und dir und mir und eusereim:
 Das bruucht men i der Schwiz.

Chor. He! heissassa, o Vatterland!

Das bruucht men i der Schwiz.

J. B. Hüfflinger.

Luzärner Lied.

Wenn nur ned just de Düügel zied
 Am läge Gloggeseil,
 So ist mer mis Luzärnerbiet
 Um keini Pryse feil.

Git 's uf der Wält es Paradyß,
 Hent mir Luzärner drin de Schlyß,
 Jo drin de Schlyß. (Wellebige Zabler.)

Im Entlibuech hest Senteglüüt
 Und Geissen uf der Flue.
 Dert sind der zäächi gschaffig Lüüt;
 Hent Tag und Nacht lei Rue.

Si fensterlid, bis d' Leitere bricht,
 Und schägib d' Meitschi noch der Gwicht,
 Noch alter Gwicht.

Bist aben uf Wohlhuse cho,
Verlürst du dert de „Grind.“
Doch frogt dem Niemer nüd bernoh,
Will 's Alli gwohnet sind.

Jez bsinn di gschwind bim Sapperlott;
Do unde chaust jekt hüft und hott,
Chauft hüft und hott.

Witt Surfi, Rußwil, Wange zue?
Züntume gfallt 's mer wohl.
Fast überall git 's Sache gnue,
Sind Bäum und d' Schüüre voll.

Und sälber wo mer meint, 's ist z'ruuch,
Se grotid d' Ghind, so ist 's de Bruuch,
So ist 's de Bruuch.

Do Augeweid, dert Herzeschoft,
Do süezi, suuri Milch!
Dert Chrapfe, Ghüechli, guete Most,
Es Tröpfli By z'Gizchilch.

Wend aben i's Gizchilertal,
Und werbid is au d' Stroße z'schmal —
Und z'chrumm und z'schmal.

Los, z'Heidegg het 's e ganzes Chor,
'S tönt wie ne Bejischwarm;
All d' Chappededel über 's Ohr;
Das Ghegle macht ne warm.

Und luegst das Voldch vo wytem a,
So gheht du chuum e ghehlte Ma,
E ghehlte Ma.

Jekt d' Ghegel weg und 's Glas i d' Hand
Und singid mer das Lied:
Der schönsti Fläc im Vatterland
Ist doch 's Luzärnerbiet!

Git 's uf der Wält es Paradyß,
Hend mir Luzärner drin de Schlyß,
Jo drin de Schlyß.

Hans Cheiler.

'S Luzärner Böörlä.

Sich öppe Narrety
Luzärner Böörlä z'ig?
Nei, 's ist ke Narrety
Luzärner Böörlä z'ig.

Wie ist der See so liebli blau!
Und d' Bärge und d' Hübel — luegid au!
Si gügglet drin enand grad a,
Als wettit 's more Hochsig ha.
(Refrain:) 'S ist ke Narrety ze.

Af üse Matte wachst es Gras;
Es glustet Mängen ase das,
Er möcht — verzieh mer 's Gott — echty
Statt Mönischeind es Chueli sy.

'S Chorn bückt si unter eigner Last,
Af d' Blüemli sigid d' Impli z'Gast;
Der Mescher puht i Suus und Bruus
Sim d' Chiselftei zum Güdel uus.

Me milcht es Tschuppli Chue und Geiß,
Me chäset mager, chäset feiß,
Und chlopft bim Scheid en Armen a,
Sell Zigermilch bis gnueg är ha.

Und Obs a jedem Stufee gib 's —
Das gib e süesse, fastige Schnitz,
Es Möstli, daß bim Sapperlott
E Schluck die Tote läbig rodt.

Und eufi Wybervöschli — ei,
Si sind wie d' Rösli jo im Mai.
I nippt vo ihrem Hung so gär,
O wenn i doch es Impli wär!

Hest 's Schätzli unter d' Hube to,
So bsorgid Hunn und Hei dernoh,
Und wysid d' Chind mit Ernst und Treu,
Wie 's über d' Wäلت zum Himmel göu.

Es zeigt us Heer und Schuel und Rot,
Wie 's obfi gohd, wie 's batte sott;
Nu schaffid früntli mitenand
Für Gott und 's liebi Vatterland.

In üse Manne schloß es Härz
Für Brüderglück und Brüderschmärz,
Si bouid mit em Schweiß der Härz
Und schüßid ihn mit gwektem Schwärt.

Hend Land und Lüt der Liebi wärt,
Gänd Jedem, was e Jedem ghört,
Vor Lug und vor Verlünderei
Bewahrid Härz und Zunge frei.

Wallfahrß mer öppe hie und do
Zum Chäppeli ob Sempach — jo —
Da hätt zum alte treue Gott:
„Der Vätter würdig sy i wott.“

Schirm, Herr, mit dyner Lieb und Macht
Mys Land und Volk vor Sturmesnacht!
Hoch läbe soll, wer syner wärt,
Mit Wort und Tat syß Glück begährt!

Laurenz Hildebrand.

Dr Luzärner Veereli im Aexame.

Si hend dr Veereli i's Aexame gnoh,
Do heb dr Veereli gseid:
Si were mi scho wider laufe lo,
Das heb dr Veereli gseid.
Si hend e gfrogt us em latynische Buech,
Do heb dr Veereli gseid:
Bi us deheim ist dütsch dr Bruuch,
Das heb dr Veereli gseid.
Si hend e gfrogt us dr Geometry,
Do heb dr Veereli gseid:
I lone dr Zirkel lo ggegget sy,
Das heb dr Veereli gseid.

Si hend e gfrogt us dr Algebra,

Do heb dr Beereli gseid:

Mit X schrybt me ke Ürti a,

Das heb dr Beereli gseid.

Si hend e gfrogt us dr Wältgeschicht,

Do heb dr Beereli gseid:

Was überen ist, das figget mi nid,

Das heb dr Beereli gseid.

Si hend e gfrogt us dr Astronomy,

Do heb dr Beereli gseid:

Im Stärne trinkt me ne guete Wy,

Das heb dr Beereli gseid.

Si hend e gfrogt us dr Geografy,

Do heb dr Beereli gseid:

Näben eusem Huus ist 's Noohbers gsy,

Das heb dr Beereli gseid.

Si hend e gfrogt us dr Theology,

Do heb dr Beereli gseid:

Dr Luther isch e Chäzer gsy,

Das heb dr Beereli gseid.

Si hend e gfrogt us dr Filosofy,

Do heb dr Beereli gseid:

Dr Plato isch e Cholderi gsy,

Das heb dr Beereli gseid.

Si hend e gfrogt us dr Mineralogy,

Do heb dr Beereli gseid:

Mit Steine hänglet me d' Schynben y,

Das heb dr Beereli gseid.

Si hend e gfrogt us em Chilerächt,

Do heb dr Beereli gseid:

Es gid vil Heere, si predige schlächt,

Das heb dr Beereli gseid.

Do hend si dr Beerli zur Tür uus feit,

Do heb dr Beereli gseid:

I ha's jo glei vo Afang gseid,

Das heb dr Beereli gseid.

Vollständiche Erweiterung nach Eduard Pfyster.

Volksüberlieferung.

Sagen, Märchen und Schwänke.

Die Schrattenfluh.

(Entlebuch.)

Ob Flühli, gäg der Beichle zue,
Da lyt die grüßlig Schrattelflue.
Si mißt i d' Läng und mißt i d' Breit
I glaub e Stund so allbereit.
Da hei vor langer, langer Zit —
Doch welis Zit, das weiß i nit —
Drei Brüeder schöni Alpe gha.
Wer gloubti hüt das danig da?
Der Eint ist blind, doch fromme ghy,
Die Andre gfund, doch böß derby.
Die hei nur z'balb, wie 's z'öfterst gett,
Enander nümme guet vertreit.
„Ihr Brüeder!“ seit emal der Blind,
„Wer Fride heb, ist Gottes Chind;
Wo Händel und wo Zwentracht sy,
Da geit der Leidig uus und y.
Wie wird der Fride wider cho?
I meine fast, er chöm eso:
Mer wei verteilte, was mer hei.“ — —
„Das wei mer!“ säge alli Drei.
„So teilit,“ seit der Blind, „de wohl,
Doch bschyßet mi kes Dügli voll;
Wer bschyßt en arme, blinde Ma,
Deß Sach soll ds Herre Born zerschla.“
Die Teilig geit zu Änd — doch wie? —
Der Blind um d' Alp sett ds Chörzer zie. —

Wo more ds Glöggli z'bätte mahnt,
 So lege d' Brüeder Hand i Hand;
 E jede lut und heilig schwört:
 „Es werd dur Gottes Zorn zerstört,
 Weß er dur Trug und Ranc und List
 Dur d' Teilig jeh im Vortel ist“ ... —
 Der Bode gwagglet her und hy —
 Es schlat der Bliß wie grimmig dry —
 Und uf der Alp — o — o — wie 's chracht,
 Als hättit tusig Donner Schlacht! —
 Wie 's füüret uf der Alp und dampft! —
 Wie 's güßet, brüelet, chräblet, stampft —
 — — Es tönt das z'Bättegglöggli no —
 Doch d' Alp! — — ist z'Staub und z'Aesche cho.
 Wie gheht 's ächt jeh dert obe uus?
 O bhüet üs Gott! es ist e Gruus:
 Nur Spält und Chräche ohni Grund,
 Und Schutt und Stei, so wit me chunnt.
 Wo 's no es ganzes Plähli git,
 Si Geißesüß und Mönchetritt,
 Und Totehöpf und Totebei
 Im wilde, yseherte Stei.
 Und hüt no wächst kes Stübli da;
 Es will kes Gräsli Würze schla.
 Gäß wie me löst und wie me ghört,
 Kes Läbeszeje wird verspört. —
 Nitwahr, er wüßtit jeh no gär,
 Was mit de Brüedre gange wär?
 Der Blind ist z'guete Duge cho;
 Die Andre — — het der Leidig gnoh.

Laurenz Hildebrand.

E N ü b e r g s c h i c h t.

(Habsburger Amt.)

Dr Rißfigwald ist en uheimelige Patron, das weiß es
 nieders Ghind, wo dā Name scho ghört hed. Und wahrhaftig,
 i chume jeh no Hüenerhut a d' Waggen über, wenn i dra

dänke, daß i einist z'nacht am Olsi, und de no im Winter bim ene fürchtige Näbel, mit dußig Gulde Gälb im Sack, ha müesse durdure goh, in ere Zit, wo vorhär und nochhär mänge ruhige Wanderer det apackt worden ist.

Einist — es sind sithär vill Johr übere gange, und die Lüt, wo 's agod, hend ietz kes Zändweh meh und müend d' Hor au nümme lo bschäre — chunnd bim Zuenachte ne bravi Burefrau zue dem Wald, si ist us der Stadt cho und hed hei welle. Do dänkt se do: „Wär i nur scho durdure! I will wahrhaftig gärn i de Kapetschinere nes Ankestöckli verehre, wenn mer nüd gsched.“

Si drämpelet ganz hübscheli und schnüfelet nur eso win öppen es Bögeli, daß se doch Niemer merki. Aber chuun ischi e bar Schritt gange gsy, se gsed si es verdächtigs Wibervoldch näbem Wäg sto. „Gueten Obig!“ seib se, und die Ander au: „Gueten Obig!“ aber mit eme furiose Don, ungsöhr eso wie d' Ehreie gärid. Und wo das Mueterli witeres düßelet, so rüeft em das verdächtig Mönisch no noch: „E gueti, glücklich Reis!“

Öppe no drei Minute ghört di verschrocknig Frau nes Schelnepfiffli us dr Gäget, wo dä uheimelig Nachtbuz gluret gha hed. Si sob aso springe wi nes Füllli — scht! Do runschet 's hindere eme Dambuschli, und wirrimisch! rönnt e große Kärli vore, stod äraht vor si zue und seib: „Sind so guet und gänd es Wäggälb! Luegeb, do isch dr Schlagbaum, und dä lob niemer verby, wo ned zahlt.“ Bi dene Worte schlingget er en armsdicke Chnüttelstücker i dr Luft ume, daß 's suset wi nes Wätter.

„E wi vill wend Er?“ frogt d' Frau und hed vor Angst schier nümme chönne rede.

„Jä luegeb,“ seib dr Spitzbueb druuf, „'s ist Nacht, und do gsed mer ned Gälb z'zelle; drum goht 's ned anderst, Dr müend grad alls voregä!“

Das arm Fraueli zied 's Fazenetli us em Sack und stretcht 's

im Räuber äne und stotteret: „Es sind — drü — drühundert Franke drinn!“

„’S dueb ’s für einist; Dr chönid iez goh,“ seid dr Schelm, won er gmerkt gha hed, daß öppis Schwärs im Tüchli seig.

Wo si zum Wald uus chunnd, so wird ’s ere erst rächt schwär im Härze. „Was seid au min Ma, wenn i die drühundert Franke ned bringe?“ so dänkt si noch und weiß ned, wo uus und wo a. Do gheb si uf einist rächts näbe dr Stroß unde nes Hüttli und drinn es chlys Liechtl. „Do wil i es bißli uf dä Stei sitze,“ seid si, „’s chumm mer de villicht öppe d’ Sinn, was i sell afo, und do dueb mer gwüß Niemer nümeh z’leid.“ Chuum ischi abgläße, se ghört si, aß bunden in Hüsli nes Chindli ganz marterhaft schreit, wie wenn ’s am ene Spieß wär. „I will doch go luege, was ’s au heig,“ dänkt si, und de chan i villicht au no grad brichte, was mer begägnert ist.“ Nu, si lauft abe, dueb d’ Husbör uuf und gratet i d’ Stube. Do färblet uf em Disch es Armseellämpeli, und näbem Dse im ene Winkel dreid se nes Brieggididdi i sim Bettli ume; ’s dueb erschrockli müest und hed alls abegsporret gha. Si god gschwind zue nem äne und will grad ’s Lyn-tücheli und ’s Deckeli zwägmache. Drabb — drabb! drabb! Öpper dure Husingang, und wie müetig chunnd e Ma ine und rüert es Fazenetli ufe Disch, aß ’s rächt klapperet hed, und lärmet, ohni rächt ume z’luege: „So, bist scho da, du donners Fulpelz du! Chauft nümme glure im Wald, öb öppis z’pache seig? I will gschwind wider luege, villicht chan i no eso ne Fang mache. Dänk dra, daß d’ bald wider a dim Blatz bist im Wald, und versorg mer zerst das Gälb do guet!“ Mit bene Worte strycht er se wider.

’S ist es großes Glück ghy, aß ’s Lämpeli so eländ brunne hed, suß hätt dä Ma liecht chönne merke, daß ned si Frau mit dem Chindli verkehrt, und de hätt ’s gwüß e trurigi Gschicht abgsetzt. Nu, Golt Lob und Dank! är ist wider furt. Aber das guet Mueterli hed so i dr Angst gläbt, aß em ’s Bluet zufferst i d’ Fingerbeeri ufe geschossen ist.

Sobald aß si 's Chindli nes bißli i d' Ornitg gmacht gha heb — 's heb ere grüßli prässirt — do god si flugs zum Disch uf das Fazenetli los. Lueg, bim Dufig au! 's ist grad das glychlig, wo si dem Spitzbueb im Wald änegstreckt gha heb; und richtig, wo si 's lüpft, so gspürt si, daß die drühundert Franke no drinn sind, und 's ist ere schier gschwunde vor Freude. Si packt 's wider y und macht, aß si zum Staub uus chunnt; wi 's Bisewätter ylet si hei, uf Oberchilch zue. Irer Läbtig heb si im Herrgott danket, aß' so guet abglaufen ist, und d' Kapetschiner z'Sursee hend scho morndes z'Obig das versprochnig Ankestöckli übercho.

J. Bucher.

En armi Muetter.

Los, los! 's ist öppis Ingrads vorem Fuß,
Dr Ringgi bued und hület, 's ist e Grus,
Är zwirblet zringelum es wie ne Mugg,
Und immer wüester! Los, är gib nid lugg!
Was isch es au? Herrjee, was isch es au?
Lueg, lueg bim Brunne det die schneewiß Frau!
Si stod und stuunet sit de Zwölfe det,
I möcht nur wüffe, was si z'glure het.
'S ist doch wahrhaftig au ne herti Strooff,
Um Mitternacht, zur Zit vom beste Schlooff,
Im Schnee und Wind und Wätter usse z'stoh!
Was heb ächt au das Muetli Böses to?

Gib Acht! Det lauft e rabiate Ma —
Dä mueß es bißli vil Guräsjchi ha —
Är god im starre Schritt uf 's Fraueli zue
Und frogt se a: „Nu säg, wrum heft kei Rue?
Wrum chunnst cho wandle grad i eusem Land?
Das bringet is bi de Nochbere rächt i d' Schand!“

„Gott Lob und Dank!“ so seid s' em früntli druuf
Und richtet gschwind de Chopf es bißli uuf
Und gib em so ne kuriose Blick,
Aß lutere Schweiß im rislet über 's Gnid.

„Gottlob, i bin erlöst, i säg dr Dank.
 Wenn 't lose witt, se bbricht der frei und frank,
 Wie 's mit mer stod und was i gglitte ha.“
 Nu, 's ist em grüßli rächt. Do fod se a:
 „Mer hend zwe Stund vo do nes Heimet gha.
 Det han i ggluegt und gschaffet druuf und dra,
 I ha kes Hälmli druff lo z'Schande goh.
 Umsunfst, umsunfst! Mi Ma hed alls verto,
 Är ist e Trinker und e Spiler gsy.
 Im Schwick isch halt mit eusem Glück verby,
 Und d' Schulde hend is Hus und Husrod gnoh.
 Do macht se druuf mi Ruedi flug dervo
 Und dinget z'Chrieg und lod is i dr Not.
 Mi 's Buebli, o nes Chind wie 's Morgerot
 So fräsch, das han i no, und ach! kes Brod!
 Und am enen Obig nimm i's usen Arm
 Und streichl em d' Baggli, o so lind und warm!
 Und danke bi mer: „Ach, daß Gott erbarm!
 Du härzigs Chind, wie muest doch Hunger ha!
 Und bist so frei und lächlesch mi no a!
 O, 's will mer 's Härz verspränge, weh, o weh!
 Furt müem mer hütt, es gib ke Ufschueb meh.
 Gotts Name de, se chumm, se chumm, liebs Chind,
 Mer wend drin use go in Sturm und Wind.“
 I laufe blindlings, was i laufe cha,
 Uf 's Grotwol, ha nid gwüßt wo uus wo a.
 Do chum i äntli zu dem Brunne he,
 Uf sälbem Träm — de chauch es jez no gseh —
 Det sitz i ab. Do hed mi d' Chraft verlo,
 I hätt kei Schritt meh, witer chönne goh.
 Do lueg i no ne mol mi 's Buebli a,
 Es hed no grad es rüleigs Schlöfli gha.
 I ha sim Baggli gschwind es Schmückli gmacht —
 Druuf lueg i obfi — e, das ist e Pracht!
 Dr Mond chunnt äbe zu de Wulken us,
 Und d' Stärne zündet schön im Himmelhus.
 Do dank i: „Dobe mueß 's doch prächtig sy,
 O wär mi 's hungrig Buebli au deby!“

Do bin i nümme bi mer sälber gñ —
 Es schwindlet mer — i weusch mer nur der Tod —
 E Schwung — e Schwung — und 's Ghindli lyb im Sod!
 Do fällt 's mer schwär uf 's Härz es wie ne Stei,
 Si 's Briegge schnyt mer scharpf dur Marg und Bei,
 Und 's hed mi töt: Do bin i 's Marters ab.
 Det äne ufem Ghilchhof ist mi 's Grab.

Und won i bi vor 'd' Himmelstüre cho,
 So lutet halt der Richterspruch eso:
 „De mueßt bim Sod go wandle, bis d' emol
 Di Sünd bekönne chaust; de isch dr wohl,
 De bist erlöst und darfst i Himmel cho.“
 Jez isch es gicheh, wi bin i au so froh!
 I sag dr Dank — läb wohl! Jez will i gschwind
 I Himmel und zum liebe, liebe Ghind.
 'S streckt gwüß sis Händli uus und rüeft mer scho:
 „Gumm, gumm, liebs Mueterli, enandereno!“ —

Wo druuf der Bur no Ade säge will,
 So ist die Gestalt scho furt, und Alls ist still.
 Ar wanderet zfride hei, er hed nid wit —
 'S hed nümeh Ungrabs gä sid sälber Zit. J. Bucher.

'S eebig Gländ.

Der lieb Heiland und St. Peter sind einist greifet und
 chömmen usen Oben in es Dorf. Si froge bi alle ryche
 Hüsere, ob si nid chönnten übernacht blybe der Gottswille;
 denn Geld heige si keis. Aber nei währli, niene hed me ne
 welle Herberig gä. Bleist chöme si z'ufferst im Dorf zum
 e chlyne elände Hüsli, 's Gländ het drinn gwohnt. Der Hei-
 land frogt 's au a und es seib: „So fryli, vo Herze gern
 chönnet er do sy, weder i chamm ech nur chlyni Hebbirreli gä
 z'ässe, anders nüt, und Strau zum Ligge, i ha 's sälber nid
 besser.“ Die Beebe sind grüßli müed gñ und ghungrig und
 nähnd 's a. Am Morge, wo si wider furt wänd, danke si
 schön und der Heiland seib: „Es heig das Wenig mit guetem
 Herze gä, zum Dank derfür chönn es e Wunsch tue.“ „He

nu," seid 's Gländ, wenn der wänd so guet sy, so machit, aß e Jede, wo mer am Baum im Gärtli inne will Beere näh, nümme cha drab aben oder dervon ewegg." — Spöter einist chunnd der Tod zum Gländ und wott 's mit em i d' Gebigkeit äne näh. Es seid: „So fryli will i cho, weder wänd er au eso guet sy umb mir uf dem Baum e par Beere goge hole, aß i öbbis ha use Weg.“ Der Tod ist dienstfertig und gohd und ryst e par Beeren ab, chann aber zletst nümme abem Baum abe, er mag zable, wien er will. Er bittet 's Gländ, es sell e der doch au los und abelo, er well 's de grüß und eigeli i Rue lo bis am jüngste Tag. 'S Gländ willfahrt em und drum blybt 's am Labe bis am jüngste Tag. So und vil Lüt chönnit 's guet.

J. Egli.

De gulbig Wage im Sörebärg

(im südlichsten Teil des Entlebuch).

3'Sörebärg ist im ne Weier mol vor vile hundert Johre
Ganz e gulbige Wage gläge — ha 's so ghört mit eignen Ohre;
3'Nacht am Zwölfi chöm er füre — heb mer gseid — und wär 's
de bbräji,

Dörf ne ohni Sgruppel bhalte, daß se Hahn bernoß me chräji.
Aber, wer e well erwütsche, dä mües schwige wien es Müsli,
Bis der Wage stöi deheime; sußt verschwind er — 's wär au grüßli.

Einist i de lengste Tage gönd vier chärschi Kamerade

Mit enand am spoten Obig i dä Weier goge hade.

Eine seid do: „Lofid, Buebe, wemm mer use Wage bbasse?

'S wär ned dumm! I weiß sis Plägli.“ — „So bigopp, me wend
e fasse“,

Sägid druuf die Andere hurtig, „jo, mer wend dä Gspäß probiere;

Still sy! Hu, es wär es Glückli, mit dem Wage heizmarschiere!“

Au, si wartid non es Wpli. Hei! dä ghört mr fürchtig fufe;

'S blygget uf de Wälle schuurig, und e Diechfel gugget use.

Gschwind drahee! Sie ziend — und richtig, 's chunnd e gulbige

Wage füre;

Brr! Das glänzt und zündt und funklet — gönnt mer schier no 's
Gischt verlüre!

Vorwärts god 's. Die Neder zwirblid, d' Manne schwigid scho
wie d' Bäre;

No ne Hübel ist z'erstnge, und dr Wage soh d a schwäre.

'S will do neue nümme rucke, und das Fuermärch ist am Bstecke.

Eine rüest do: „Hü! ihr Buebe, lönd ech nume ned verschrecke!“ —

Brugg ist flugs dā guldig Wage platfch! i Weier abe ggumpet —
Flueche tüend si? Nu, was nützt das? 'S Gschäft ist halt emol
verlumpet.

Los! Dr Wassergeist mit Spöttle rüest ne no vom Weier noch:

„Gönd jeh hei! Mit öuer Sterchi dörfed er wahrhaft ned bboche:

Wär sy's Mul ned sträng cha halte, sett er z'Äsche drob verbrünne,

Dā verdienet doch au gwüß ned, aß er so ne Schatz chönn gwünne.“

J. Bucher.

Wi 's emol i dr Zuger Allmänd gspuckt hed.

Unden am See bi Zug ist vor Ziten e prächtigi Weid gsy,

Allmänd gnännt, und do ist ech es Gräseli gwachse, so chustig,

Das mol e Rotsherr seid: „Bim Dügel, wenn i das Gras gseh,

Möcht i schier wöüschle bigost, aß ich libhaftig e Chue wär!“

Chue sind vill uf dr Allmänd gsy; si hend gfeizet und drüjet,

Öppe wie d' Chüechli im Anke, wenn 's Für rächt fladret und
gaugglet.

Aber emol gohd 's schief; do liggid ech am ene Morge

Uf eme Bort zue Chue mustod, vo de schönste, wo 's gha hed,

Und am andere Tag grad wider so vill und am dritte,

Und eso witer und witer. Do heigt 's grad überal: „'S gspeistet!“

Jede betüret, är heig es Unghür gseh i dr Allmänd:

Öppen e gschudrige Buz — heig Hörner gha und e Geißfueß —

Oder e gräßlich'i Hår — die seig ufem Bäsestil gritte —

Oder e bsunderi Chaz mit fürigen Auge wi Redli,

Hünd mit drü Beinen und Füchs, Nachthöüel und glühigi

Mandli.

D'Bürger hend weideli Rod, wi mr gönnt abhälfe dem Uheil.

Mänge hed gredt und si Meinig gseid, und e bösi Debatte

Hed 's abgseht, und de Heiri hed gseid, dr Baschi seig schuld dra,

Und dr Baschi heb 's flugs im Gög zuteilt, und dr Gög druuf
Wider im Sepp und so fort. Do holderet Eine: „Ihr Märe!
Zanggid doch ned! Was hilft denn au das? I machen e Vorschlag:
Hurtig e Zauberer här! so ne Döfelsbeschweerer vo Züri
Oder Luzärn — 's ist glych wohär, wenn das Gfindel nur wägg
chunnd!“

Ali hend d' Händ uufgga, hend grüest: „Jo bim Lufig, so wemm
mer 's!“

Vo Luzärn wird e Zauberer gholt; dä heb 's grüntli verstande,
Wi mr mit Döfle verkehrert, mit Hären und allerlei Unghür.
Hurtig uf d' Almänd use sind d' Lüt mit em glause wi ghaglet;
Jede heb 's gwunderet, z'gseh, wi das chuzelig Gschäftli well ussgoh.
Mängem heb 's gchrüselet zwor, me chönnt doch am Änd no um 's
Hoor cho.

Was doch dr Gwunder ned duet! — Dr Zauberer zwirblet uf
Ein Fueß

Drümol flugs zringelum, macht Auge zum Fürchten und Gruse,
Fahrt mit em Fingerli zmist uf si Stirne und seid do bedänkli:
„Losid, i ha's! 'S ist aber nüüd Schöns! Wi läbelang han i
Nüüd eso Gschuderigs gseh! Wi 's do wimmlet vo Düssen und
Gspeistre!“

Eis vill wüester as 's ander! Do brucht's ech e chrestige Zuespruch,
Bis mr das Gfindel verschreckt! Gänd Ächtig, iez wemm mer 's
brobiere!“

Druf heb er d' Arm ussgstreckt und heb gmurmlet zwüsche de Zände
In ere gspässige Sproch, wo Niemer verstande heb; aber
Gspeister hend gmerkt, was z'Trumpf ist! Jo wahrli! Do blihet 's
und dondret 's!

D'Almänd gwagglet, — do suust 's — und es Roß stngt — husch!
us em Bode —

O, es verwunderlichs Gschöpf! Für speuzt 's und es luegt wie
ne Satan.

Weidli dr Zauberer druuf! Hü hü! flüht 's übere See furt.
Aber im Schwick isch' ewägg. Die verschrochnige Lüt uf dr Almänd
Stund dem Unghür noh; das Ding heb Niemerem gfallt.
Gwüß, i bigrnf 's — son es Roß mit Fäcken und grüßligen Auge
Gfiel mer au sälber ned rächt, und bsunders wenn 's de no Für
speuzt.

'S duuret ned lang, so gsehnd do di Lüt dā Zauberer wider
Vor ene stoh; win er zrugg cho seig, öb gschwumme, öb gsfloge,
Kene heb's gwüßt: so erbutteret sind si do gsy vo sint Abliß.
Aber dr Zauberer seid iez früntli zur ganze Versammlig:
„Luegid nur heiterer dry! iez sind si baschget, die Unghür;
Dänkid, i bi mit dem wüeste Komplott höch uf e Pilatis
Gritte und ha det oben i See ie gjagt das Bagaschi.
Räble chönid si det wi si wend, rumoren und spude:
'S schadt det Niemerem nüüd. Jez losid no, was i will säge:
Ungrächt Lüt sind under ech gsy; wäg dem ist das Unglück
Über ech cho; jo List und Betrug und unbändig Habsucht
Rüefid ech d' Döfel i 's Land. Drum luegid, as Niemer nüd stäli,
Niemer belug und betrieg; gwüß sind er de sicher für eistig.
Jsch es ned wöhr, so sell mr dr Spächt mis Lybli verbide!“

Druuf ist er ggange, dā Ma. Die aber, wo 's ghört hend, die
hend 's do
Süberli gmerckt, und nümme heb 's gspuckt i dr prächtigen Mämänd.

J. Bucher.

Win es arms Schnyderli uf ene schlaui Art i Himel cho ist.

Mol stirbt en arme Schnyder und mustod lyb er do,
Si Seel heb ohni Bsinne de Wäg i d' Höchi gnoch.
Ar heb au welle luege, wi 's möcht im Himel sy,
Und heb det welle sueche es wolfels schöns Loschy.

Ar böpperlet am Lädli ganz sittsam, win e Brut,
Und nimmt de Huet i 's Händli und 's Härzli chlopft em lut.
Do chunnt Sant Peter füre und duet de Schieber uuf,
Und güggelet dur's Löchli und ylig frogd er druuf:

„Was gib 's? Wär ist do usse?“ Dr Schnyder macht do gschwind
Es Kumpimänt und wuestet und lorgget win es Chind:
„He, mit Verlaub, e Schnyder, wo möcht i Himel cho;
E, sind so guet, Sant Peter, und düem mi ine lo!“

Sant Peter runzlet d' Stirne und schlekt das Dürli zue:
„Jez mach, aß d' furt chunnst, Schnyder, und lach mi hübsch i Rue!
I ha ned Platz im Himmel für jede Nobilema;
Und wär er zähmol witer, i chönnt di doch ned ha.“

Do briegget 's Mandli grüßli und seht si uf ne Stei
Grad vor der Himelsthüre und stüht sy Arm uf 's Bei
Und leid sy Hand i d' Bagge und grüblet drüber noh;
Und win er dänkt und grüblet, es will kes Tröstli cho.

Do ghört er fürchtig trable und 's chunnnd e stolze Ma,
Dä hed sy Schnauz lo zable und d' Nasen i d' Höchi gha.
Dä chlopfet härsch a d' Düre, luegt herrisch zringelum
Und lärmert ned gar früntli: „Nu, nu, Sant Peter, chumm!“

Sant Peter chunnnd gar gleitig und froget: „Wär doht eso?“
Do heist 's druuf: „E Draguner! Nu, löm mi ine do!“
Do gruchset d' Himelssporte, uuf springt si im e Schwid,
Und dänkt! Dä unbauzt Boldrer ist drin im Augeblick!

Do ist im arme Schnyder i d' Auge Wasser cho,
Gly dänkt er aber wider: „Das will mr merke, jo!“
Ar hed si ruhig ghalte bar Tag uf sälbem Stei,
Hed Bart und Schnauz lo wachse, druuf macht er si uf d' Bei.

Do duet er fürchtig trable und spilt e stolze Ma;
Ar hed sy Schnauz lo zable und d' Nasen i d' Höchi gha,
Und chlopfet härsch a d' Düre, luegt herrisch zringelum
Und lärmert ned gar früntli: „Nu nu, Sant Peter, chumm!“

Sant Peter chunnnd gar gleitig und froget: „Wär doht eso?“
Do heist 's druuf: „E Draguner! Nu, löm mi ine do!“
Do gruchset d' Himelssporte, uuf springt si im e Schwid,
Und dänkt! Dä unbauzt Boldrer ist drin im Augeblick!

„Wie isch es witer ggange?“ Jez löm mi mol enood!
I ha scho alles brichtet, was i de Chronik stohd.
Das Gschichtli hed mer gfallt, drum han i 's au erzellt —
Nur sell mer 's Niemer glaube, sust wär er fürchtig prellt.

J. Bucher.

Wi dr Herrgott i de Blißbürgere e neue Moon gschickt heb.

(Gäu.)

3'nacht plet es Büürli einiſt hei,
Är füert e Chue mit, juſt iſt er elei;
Das Mandli wanderet ſtyff und feſt,
Und 's Chueli mueß laufe, was giſt was d' heſt.
Do heb das Dierli noh und noh
E Durſt no Waſſer übercho.
Do gseh d' es Pfügli hart am Wäg
Und macht ſi gſchwind zum Trinke zwäg.
Das Büürli bſtellt ſys fürchtig Rönne,
Und mag im Chueli d' Schlüßli ggönne.
Är gseh im Glümpſi ne ſchöne Moon,
Und d' Chue ſuufſt Waſſer wie mit eme Gohn.

Uſtrunke iſt das Pfügli bald;
Und wägg iſt au im Moon ſy Gſtalt.
Und ſyſter wird 's i dr Sekunde;
Im Ma iſch ſchier vor Schräcke gſchwunde,
Sy Wiß, dā iſt em im Schwid verſtoße.
Är merkt ned, aß am Himel obe
Dr Moon i d' Wolken ine gſchloffe,
Är meint: ſys Chueli heig e gſoffe.
Är tappet hei, ſo guet aß' gohd,
Und brichtet im Dorf die Gſohr und Not.
Ach Gott! wie heb 's es Gjommer gā!
Ekeine lod ſech gärn ſo näh
Im liebe Moon ſy brächtig Glanz.

Die Nacht blybt 's ſyſter gar und ganz.
Do heb im Dorf Ekeine gſchlooffe,
Angſtſchweiß iſt über ſe abegloffe;
Dā folget Dag vergohd mit Not,
Do chunnd au äntli 's Obigrot
Und mohlet am Himel e gulbige Saum,
'S ganz Dorf lauft zāme bim Lindebaum,
Wo bi der Chilen am Brunne ſtohd.

Dr Gwunder quält se schier gar z'dob,
 Wi 's öppe mit em Moon well goh,
 Ob keine meh well füre cho.
 Si wartid und luegid zringelum
 Und glurid und find wie Müsli stumm.

Do ghört men uf einist es fürchtig's Gschrei,
 Si dät'schid i d' Händ und juzgeb: „Zuhe!“
 „Zuchheissa, zuchheissa! Hend er e gseh,
 Det äne näbet dem Bär? Zuhe!
 Dä ist so schön,“ rüest Einen etzücht,
 „Wie dä, wo 's Chueli hed verschlückt.“
 Wo 's do ne 's bizli verrauschet hed,
 Do sprüchet dr Amme no ne Red:
 „Ihr Lüte, i hätt mer 's nid lo näh,
 Dr Herrgott wärd is wider gäh
 Ne Moon; das hemm mer dörfe verlange:
 'S wär über 's Bohneliedli ggange,
 Wenn so ne bravi Gmein nie meh
 Im Moon sys Liecht hätt selle gseh —
 Nur wäg eme so ne dumme Beh.“

J. Bucher.

U kuriosi Chöpfete.

Emol im liebe Schwizerländli —
 I darf bigopp nid säge wo —
 Ist gäge so nes Schelmemändli
 Es Dodesurtel use cho.

Mä suecht do gschwind 's Land uf und abe
 De wölfeleist Schorfrichterchnächt:
 Doch all die grimmige Chöpferchnabe,
 Die lönd si zahle gar nid schlächt.

Zweuhundert Gulbi forderet Eine —
 Dä, wo de no am mindste will —;
 Zweuhundert Gulbi, sett mer meine,
 Ist doch bim Dögel grüßli vill.

Do wird do flugs der Rot versamlet;
 'S chunnd Jede hurtig wien e Bliß;

Und Jede hed sy Meinig gstimmet,
Bald öppis Dumms, bald öppis Gschids.

Zletzt seid der Schultiß du es Gsägli,
Dä giltet als e gwirte Ma.
Do schreit 's und lärmet 's druuf entschli:
„Jo, dä hed rächt, so wemm mer 's ha!“

Der Schultiß wird du Spruchverchünder. —
Wo dä i Kerker ine chunnd,
So stohd är herrisch vor dä Sünder
Und schnauzt en a grad wien e Hund:
„Me sett der morn de Chopf abschlöpfe;
Doch will der Meister Birlibärt
Zweuhundert Guldi für di z'chöpfe —
Das bist de doch wahrhaft nid wärt.

Drum hemm mer bschlosse, dich lo z'laufe;
Mer gänd der hundert Guldi mit;
Zueg sälber mit e Döber z'haufe —
Und lach di chöpfe wo 't de witt.“

Im Schelm isch' schier vor Freude gschwunde.

Är nimmt das Gäld und rönnt mit fort.

Doch öb er do ne Chöpfer gfunde —

Mi Chronik seid vo dem fes Wort.

J. Bucher.

Z'dod hätte.

Mol im ene Kapetschinerchloster,
Do hed e Pater vill Paternoster
Fromm bättet i jeder Not und Gfohr,
Und ghulfe hed 's, das sälb ist wohr.
Drum ist denn au 's Land uus und y
Dä Pater ggehrt und ggachtet gsy.

Zu dem chunnt mol e Burema:
Dä hed es chuzligs Gschäftli gha,
Das gsehnd mer em scho vo witem s a.
Das Mandli seid: „Guet Dag, Herr Pater,
Mi Nochber do, dr Nazi Brater,
Dä ist ä wüestä Galgestrid;

Wahrhaftig jeden Augenblick
Duob dä mer wider öppis z'leid;
Är ist dr Wüestift wit und breit.
Drum hend doch au die Früntlichkeit
Und hätteb mer dä Nazi z'dob:
Är lohnd mi fust jo nie enob."

Dr Pater luegt das Burli a
Und seid: „So, jo, mi liebe Ma,
I hätt Ech scho, das säg Ech bstimmt,
Das 's Eine von euch Beede nimmt;
Doch dä, wo läz heb, dä muosß fort!“
Do fällt em 's Burli flugs i 's Wort:
„Um 's Himmelswillä,“ seid es do,
„Düend 's Bättä unterwägä lo!
Wer weiß, wie 's do chönnt usä cho!“
So seid 's und macht si gschwind devo.

J. Bucher.

Entlibucher Gesetzes-Paragraph.

Bi de gueten alte Junkerziten ist Herr Eduard Pfyffer Statthalter gsy im Land Entlibuech. Einist chunnd e Ratscherr vo Marbach zuen em. Der Statthalter frägt e: Was säge die Entlibucher zum neue Gsetz, wo mini gnädige Herren und Obere usgä hei?

Ratscherr: Ja, das neu Gsetz da? (Kraht hinter den Ohren.)

Statthalter: Wird 's Gsetz au ghalte?

Ratscherr: Ja, ja, Herr Statthalter! das Gsetz da — ja, ja, 's wird ghalte.

Statthalter: So, so, he nu es freut mi.

Ratscherr: Ja... Herr Statthalter! ja... 's sind nume Vier, wo 's halte.

Statthalter: So—o—o, nur Vier? und die Vier sind?

Ratscherr: Ja, heit 's ume nid für uguet: — Die vier Nägili haltit 's, mit bene mer 's a 's Sprüehüsli töri agnaglet hei.

J. Egli.

Volkslieder und Sprüche.

Chuereje der Entlibuecher bim z'Alp fahre.

Zuheie, der Mene
Duet d' Chüeli jez reye;
Die Matte, die grüne;
Der Winter ist hy;
Uf d' Alp mit de Chüene;
Lait fröhli us sy!
(Fodler.)

Zuheie, die Chüeli
Wei lieber uf d' Flüeli;
'S schmöckst nümme i Ställe,
I fysterer Schüür;
Si hei uf de Gfälle
Kei Strich und kei Tür.

Zuheie, es schället,
Der Ringgili bället.
Ihr liebliche Täler!
Süß — scheide duet weh,
Doch d' Wohnig wird häler
Uf lustiger Höh.

Zuheie, die Weide
Si bluemigi Heide!
Bis hindere a d' Schratte
Vom Nisete-Loß
Läbt wie i der Matte
'S lieb Behli und 's Roß.

Zuheie, mer singe!
Und d' Freiheit z'erringe,
Wenn öppe de d' Finde
Cho wette i d' 's Land:
Da wei mer is finde,
Da gäm mer ech d' Hand!

Zuheie, ihr Lüte,
Gott well is bihüete
Vor näbliche Tage,
Vor Hagel und Schnee!
De hei mr is nüüd z'chlage,
N' es drückt is kes Beh!

Entlebucher Kuhreihen.

Ufse Ätti — bas er täti
Mit dem Chüeli und dem Stüeli
Vor das ganzi Ländli stah!
Er cha Chübeli, Bräntli mache,
'S bruucht e Ma zu söllige Sache;
Mi Ätt isch gar e brave Ma,
Wie me keine finde cha.

Ich nit alte, cha Holz spalte,
Schrybe, läse und das Wäse,
Ich e gar studierte Ma!
Chönnt i so wie mi Ätti schrybe,
Lang wett i nit meh ledig blybe;
So wie der Ätti wett i 's ha,
'S müest mir endli o guet gah.

Bueb nimm 's Bräntli, gang jehet endli,
Nimm ds schwarz Chueli, tryb 's zum Ueli,
Du muefst aber tugli tue!
'S tuet 's gar brenne, 's tuet 's gar steche,
'S Ätterli will ihm schier zerbreche;
Es lydet notti o so gnue,
Häb mir ja fry Sorg derzue!

Der ordligi Bue.

Jeh lueget mi a, wien i vor ich dastah:
Bin i nit en ordlige Bue, bin i nit en ordlige Bue?
Chor: Bin i nit en ordlige Bue?

Han i nit gar ordligi Schüeleli ah,
Und au gar ordligi Schnälleli dra?
Chor: Mini Schnälleli, mini Schue!
Bin i nit en ordlige Bue?

Han i nit gar ordligi Strümpfeli a
Und au gar ordligi Zwickeli dra?
Mini Strümpfeli, mini Zwickeli, mini Schnälleli, mini Schue,
Bin i nit en ordlige Bue?
Chor: Mini Strümpfeli, mini Zwickeli &c.

Han i nit gar ordligi Höfeli a
Und au gar ordligi Gälgeli dra?
Mini Höfeli, mini Gälgeli, mini Strümpfeli, mini Zwickeli &c.
Chor: Mini Höfeli, mini Gälgeli &c.

Han i nit gar ordeligš Libeli a
Und au gar ordligi Knöpfeli dra?
Mis Libeli, mini Knöpfeli, mini Höfeli, mini Gälgeli &c.
Chor: Mis Libeli &c.

Han i nit gar ordeligš Röckeli a
Und au gar ordligi Täscheli dra?
Mis Röckeli, mini Täscheli, mis Libeli, mini Knöpfeli &c.
Chor: Mis Röckeli &c.

Han i nit gar ordeligš Käppeli uff
Und au gar ordligi Feufeli druff?
Mis Käppeli, mini Feufeli, mis Röckeli, mini Täscheli,
Mis Libeli, mini Knöpfeli, mini Höfeli, mini Gälgeli,
Mini Strümpfeli, mini Zwickeli, mini Schnälleli, mini Schue,
Bin i nit en ordlige Bue?
Chor: Mis Käppeli &c.

D i s c h e n.

(Hergismyl.)

Je, wemmer mer ässe,
'S bitter Lyde und Sterbe nid vergässe;
'S heilig Chrüz isch euse Disch,
Die drei Regel sind eusi Fisch,
Das rosefarbe Bluet isch eusi Spys und Trank —
O Herrgott, mir säge dir Lob und Dank!

Inhaltsverzeichnis.

	Seite
Ein Schwank vom „Mutschli“, von Peter Halter	3
Zweu Waifschind, von J. Bucher	9
Zweu Mueterli, von Peter Halter	22
Die Mutter selig, vom Klausner vom Salberg	24
Ke Mueter meh, von Hans Theiler	25
Der Näijeren ihr Obiglieb, von Peter Halter	26
U Brief vom Chrischindli, von J. Bucher	27
Brutstand, von Hans Theiler	30
'S ist schab, von Peter Halter	31
Was nid z'heilen ist, von Hans Theiler	32
Der Wilbbach, von Jg. Röchelin	33
' Schwizerhuus, von J. Bucher	35
D' Bruust, von J. B. Häfflinger	37
Was fust d' Schwizer bruuchid, von J. B. Häfflinger	38
Luzärnerlied, von Hans Theiler	39
'S Luzärner Büürli, von Laurenz Hilbebrand	41
Dr Luzärner Beereli im Ärame, von Eduard Pfysfer	42
Die Schrattensluh, von Laurenz Hilbebrand	44
U Räubergschicht, von J. Bucher	45
En armi Mueter, von J. Bucher	48
'S eebig Gländ, von J. Egli	50
De guldig Wage im Sörebärg, von J. Bucher	51
Wi 's emol i der Zuger Allmänd gspuckt heb, von J. Bucher	52
Wi es Schnyderli uf ene schlau Art i Himel cho ist, v. J. Bucher	54
Wi dr Herrgott i de Blikbürgere e neue Moon gschickt heb, von J. Bucher	56
U kuriosi Chöpfete, von J. Bucher	57
Z'dob hätte, von J. Bucher	58
Entlebucher Geseßes-Paragraph, von J. Egli	59
Chuereje der Entlibuecher him z'Alpfahre	60
Entlebucher Kuhreihen	60
Der ordligi Bue	61
Tischsegen	62



Notizen über die Schriftsteller und Dichter des 1. Hefes.

Bucher, Jakob, Dr., von Eschenbach, geb. 1837, Professor und Rektor der Realschule in Luzern.

Egli, Johann, von Buttisholz, geb. 1822, Kaplan in Littau, Straßhauspfarrer in Luzern, gegenwärtig Pfarrer in Olzberg (Aargau), verfaßte: „Gespäß und Ernst, zumeist in Luzernerbütsch“, Luzern 1871.

Halter, Peter, von Hochdorf, geb. 1856, Verhörschreiber in Luzern.

Häffliger, Jost Bernard, geb. 1759, Pfarrer in Hochdorf 1793, gest. 1837; verfaßte: „Lieder im helvetischen Volksston“, Luzern 1801; „Schweizerische Volkslieder“, Luzern 1813.

Hildebrand, Laurenz, von Horm, geb. 1804, Lehrer, Großrat, Oberschreiber des Erziehungsrates, gegenwärtig Geschäftagent in Luzern.

Klausner vom Salberg, Pseudonym für Andreas Weber von Rickenbach, geb. 1803; Appellationsrichter in Luzern, gest. 1867.

Pfyster, Eduard, von Luzern, geb. 1800, Professor in Luzern, seit 1864 pensionirt.

Röthelin, Jg., Pfarrer in Meggen; verfaßte: „Schweizerberg und Thal“, Stans 1882.

Theiler, Hans (Pseudonym: Sprüehannes), von Rickensee; geb. 1829, Fürsprecher, Staatsanwalt, Stadtrat, Nationalrat, gest. 1872; verfaßte: „Rigiblummen.“

3. Kanton Aargau. Frib Reuter als Aargauer, v. J. Keller. Peter Sämig's Gränzbesitz, v. A. Gysi. In hundert Jahren, v. E. Kaller. Tierzeichnungen, v. Dr. R. Meyer. Naturgeschichte von den Aegerle, v. D. Sutermeister. Der Herbst, v. H. Wetti. S' Wienechtchindli, v. E. Döffel. Was weiß me? v. E. Lebensstufen, v. E. Erinnerung, v. F. K. Bronner. Seppli und Bethli, v. A. Gluz. I kennen es Chöpfli, v. E. Landolt. 2c. 2c.

4. Kanton St. Gallen und Appenzell. Die Landsgemeinde in Vergleichung mit der Vorzeit, v. J. Merz. Ein Pflaundersbüchlein in Innerrhoden, v. W. E. H. Das Weisbad, v. J. Merz. Aussicht von Walzenhausen, v. J. Merz. Die Urnäser-Kilbi, v. J. Merz. Der in die Alpfahrende Senn, v. J. Merz. Der Hirt auf den Alpen, v. J. Waldburger. Meh daß äbbe, v. F. Huber. 2c. 2c.

5. Kanton Zürich. Ein Wespentisch, v. A. Corrobi. Chellesländer-Stückli, b'schnitte und ausbüschget vo's Heiri-Heiche-Heigels-Heier, v. J. Senn: 1. Rettur. 2. Eb de Ribel müeß gfiht sy. 3. Ryd und Arm. 4. Der Buzima. Der Hochzyter, v. D. Hagenmacher. De Zeinmaa, v. E. Schönenberger. De Komet, v. D. Hagenmacher. Bime Glas Eigegwächz, v. St. S' Späzli, v. R. Meyer. Am BiziStollebergli, v. M. Heuser. Hans-Zoggeli, v. J. J. Bänninger. D' Krämeri, v. J. Staub. De Hanoppeli-Chly, v. E. Schönenberger. Haus im Glüd, v. E. Schönenberger. De Samichlaus, v. Tanner. Sylvester, v. E. Schönenberger. Der Bräutigam auf dem Wasser, v. J. Senn. D' Hüendli im Wümmet, v. W. Wadernagel. De Zoggeli. Schnaderhüpfel. Rätsel. Sprichwörter.

6. Kanton Uri. Räbesläif vom Fehn, v. F. Lufer. Lob der Kleinen, anonym. Seppli, das Wiegenkind, v. J. Wipfli. Ein Familienereignis, v. J. Wipfli. Der Hansli vor der Himmelpforte, von J. Wipfli. Die goldene Wurst, v. J. Wipfli. Der Tyfel im Urnerland, v. Huber. Das Dorfgericht, v. J. Wipfli.

Kanton Schwyz. Nuolen, v. P. Hengeler. Fründschastslied, v. P. Hengeler. Aus dem Hochsiglied, v. P. Hengeler. Uf nes Haasämöhl, v. P. Hengeler. Aus „Willkomm“, v. P. Hengeler. Aus „Der Dichter ist ä Kannall“, v. P. Hengeler. I weiß es Täli, v. E. A. Bruhin. Es gfallt mer, v. E. A. Bruhin. Im Rufftei, hunssteuf und berm Boda, v. E. A. Bruhin.

Kanton Unterwalden. Psi Fryheit, v. A. Businger. Der frohe Länder, v. L. Hilbebrand. D' Ghirmi, v. D. D. Der Tschäberibäch auf Emeten, v. D. D. Es Fischwyb, v. G. J. Kuhn. Naiver Trost, v. D. D. Rätsel, v. L. Hilbebrand. Wie d' Schochtelenolp e Risi worden ist, v. L. H. D' Rusibach-Här, v. W. Britschgi. Der Fridshöfler, von E. Deschwanen.

7. Kanton Glarus. Das grüne, rot und gelb Goggärbli, v. R. Freuler. D' Alpfahrt, v. R. Freuler. Alti und neu Zit, v. R. Zwitz-Laager. Das Lob vu üserem Land, v. Pfarrer Heer. Die Alpfahrt, v. L. Zwitz. Die Landsgemeinde, v. L. Zwitz. Die Räfelserfahrt, v. An der Linth (Dr. B. Veder). Das Scheibensfliegen, v. L. Zwitz. Sonnenaufgang auf dem Rigi, v. B. Veder. Der Glarner Schabzigerverkäufer, v. J. Kuoni. Guter Trost, v. B. Veder. Die Vergli-Aterer, v. Heer u. Blumer. Der Schaffelsanft, v. Heer u. Blumer. Der Oberblegisee, v. Heer u. Blumer. Der Glärnisch-Firn, v. B. Veder. Volksreime und Sprichwörter.

Im Verlag von **Dress Füssli & Co.** in Zürich ist erschienen:

Karte der Gotthardbahn

in Mappe. 1:100000. Preis nur 1 Fr.

Diese brillante Karte ist jedem, der die neue Weltbahn kennen oder bereisen will — unentbehrlich. Der Preis ist mit Rücksicht auf die vorzügliche Ausführung in 3 Farben ein außerordentlich billiger zu nennen.

In der nunmehr weltbekannten schönen Sammlung „Europäische Wanderbilder“ ist soeben erschienen:

Hefte 30, 31, 32 in einem Bande.

Die Gotthardbahn.

Text von **J. Hardmeyer.**

48 feine Illustrationen von **J. Weber.**

Preis Fr. 1. 50 Cts.

Dieses Heft übertrifft an schöner Ausstattung und reicher Illustration alle bis jetzt erschienenen Hefte der Wanderbilder. Jeder, der die Gotthardbahn bereisen will, wird doppelten Genuß haben, wenn er vorher diese anziehende Schilderung der Weltbahn gelesen hat. Für alle aber, welche bei Hause bleiben müssen, bietet dieses Buch in Zeichnung und Wort ein lebendiges und getreues Bild der Großartigkeit dieser Bahn, ihrer Anlage und der Gegend, die sie durchzieht. Der Preis des Buches ist ein unerhört billiger im Vergleich zur vorzüglichen und reichen Ausstattung.

Vogelschaukarte

der

Gotthard-Bahn.

(Von Zürich bis Mailand.)

Zwei Blätter, gezeichnet von **J. Weber.**

In Reisekartenformat gefalzt und in elegantem Umschlag.

Preis 1 Fr.

Mit dieser Vogelschaukarte möchten wir allen Denjenigen an die Hand gehen, die nicht in der Lage sind, jetzt gleich nach Eröffnung der Bahn die Reise durch die Alpen in die Poebene machen zu können.

Indem wir denselben ein Panoramabild bieten, das an Ausführlichkeit, Genauigkeit, künstlerischer Auffassung und Behandlung seinesgleichen sucht, setzen wir sie in den Stand, sich eine zutreffende Vorstellung zu machen von der Großartigkeit der Landschaft, durch welche sich die Bahn dahinzieht, so wie auch von der Größe der Hindernisse, welche die Natur dem imposanten Werke entgegengestellt hatte und die nun glücklich überwunden sind.

Für den Kunstwerth der Blätter spricht der Name des Zeichners: **J. Weber**, des genialen Illustrators unserer „Europäischen Wanderbilder“.

Schweizer=Dütsch

Aus dem Kanton
Luzern

Zweites und drittes Heft

Gesammelt und herausgegeben

von

Professor O. Sutermeister.



Inhaltsverzeichnis der bisher erschienenen Hefte.

1. Kanton Bern. Bekenntnisse einer alten Frau, v. M. Walben. Zwei schöne Seelen, v. J. Gotthelf. Treui Liebi, v. S. Liechti. Wi dr Ueli a d' Bärge meind geit, v. S. Liechti. Gegen das überhandnehmende Brauntweintrinken, aus „Der schweiz. Volksredner.“ 2c. 2c.

2. Kanton Basel, 1. Hest. Der Kasper vo Binze, v. L. Sieber. Der Dieb, v. L. Sieber. S' Liebeserame, v. L. Sieber. Em Aehnigroßbabbe si Baarebli, v. E. Hegel-Hegel. Der ledig Herr Meyer am Wienechtsobe, v. E. Hegel-Hegel. Künstler und Kunstkenner (Basl. Nachr.) 2c. 2c.

3. Kanton Aargau. Fritz Reuter als Aargauer, v. J. Keller. Peter Sämi's Gränzhezig, v. A. Gysi. In hundert Jahren, v. E. Jaller. Tierzeichnungen. v. Dr. R. Meyer. Naturgeschichte vo den Aegerste, v. D. Sutermeister. Der Herbst, v. H. Welti. S' Wienechtshindli, v. E. Döffel. Was weiß me? v. E., 2c. 2c.

4. Kanton St. Gallen und Appenzell. Die Landsgemeinde in Vergleichung mit der Vorzeit, v. J. Merz. Ein Blauberstündchen in Innerrhoden, v. W. S. H. Das Weissbad, v. J. Merz. Aussicht von Walzenhausen. v. J. Merz. Die Urnäsch-Rilbi, v. J. Merz. Der in die Alp fahrende Senn, v. J. Merz. 2c. 2c.

5. Kanton Zürich. Ein Wespenstich, v. A. Corrodi. Ghelländer-Stückli, b'schnitte und ausbütschet vo 's Heiri-Heiche-Heigels-Heier, v. J. Senn: 1. Rettur. 2. Ob de Ribel müeß g'st sy. 3. Ryd und Arm. 4. Der Buzima. 5. Der Hochzyter, v. D. Haggemacher. 2c. 2c.

6. Kanton Uri. Läbesläi vom Fehn, v. F. Lufer. Lob der Kleinen, anonym. Seppli, das Wiegenkind, v. J. Wipfli. Ein Familienereignis, v. J. Wipfli. Der Hansli vor der Himmelspforte, v. J. Wipfli. Die goldene Wurst, v. J. Wipfli. 2c. 2c.

Kanton Schwyz. Nuolen, v. P. Hengeler. Fründschätzlied, v. P. Hengeler. Aus dem Hochsiglied, v. P. Hengeler. Uf nes Haasämöbli, v. P. Hengeler. Aus „Willkomm“, v. P. Hengeler. Aus „Der Dichter ist ä Kannass“, v. P. Hengeler. I weiß es Täli, v. E. A. Bruhin. Es gfallt mer, v. E. A. Bruhin. 2c. 2c.

Kanton Unterwalden. Nfi Fryheit, v. Businger. Der frohe Länder, v. L. Hildebrand. D' Ghirmi, v. D. D. Der Eschäberibäch auf Emeten, v. D. D. Es Fischwyb v. G. J. Kuhn. Naiver Trost, v. D. D. Rätjel, v. L. Hildebrand. Wie d' Schochtelenolp e Risi worden ist, v. L. H. D' Rusibach-Här, v. W. Britschgi. 2c. 2c.

7. Kanton Glarus. Das grüe, rot und gelb Goggärbli, v. K. Fräuler. D' Alpfsahrt, v. K. Freuler. Alti und neu Zit, v. K. Zwicky-Laager. Das Lob vu üserem Land, v. Pfarrer Heer. Die Alpfsahrt, v. L. Zwicky. Die Landsgemeinde, v. L. Zwicky. 2c. 2c.

8. Kanton Luzern. Ein Schwank vom „Muttschli“, v. P. Halter. Zwen Waisschind, v. J. Bucher. Zwen Mueterli, v. P. Halter. Die Mutter selig, vom Klausner v. Salberg. Ke Mueter meh, v. H. Theiler. Der Rätieren ihr Obiglied, v. Halter. E Brief vom Christchindli, v. J. Bucher. Brutstand, v. H. Theiler. 'S ist schäd, v. Halter. Was nid z'heilen ist, v. H. Theiler.

Sammlung

deutsch-schweizerischer Mundart-Literatur

Aus dem Kanton Luzern

Zweites Heft

Gesammelt und herausgegeben

von

Professor O. Sutermeister



Verlag von Orell Füssli & Cie. in Zürich
1885

~~~~~  
Buchdruckerei Fisch Wild & Cie. in Brugg.  
~~~~~

Luzerner Wiehnachtsmusikante.

'S ist do die Däg in ere Zytig gstande, die und die Gmein heig's Wiehnachtsfinge abgschaffet, und me hed sogar die Gmein no dersfür grüehmt. I bi nid der Meinig und glaube, mer sett mit bene alte Brüüchle au nid gar e so mir nüd und dir nüd abfahre. Wie ist das alle ne Fröid und e Jubel gsi für üs chlini Buebe, wenn zum Bispeel d'Chilbeler mit alle ihre Chnächte und mit ihre uvernünftige Schaubgeißle und de große Rühgungele de Samichlaus dur's Stedtli dure gjagt und ganzi Säck voll Ruß i üs usgrüehrt hend. Herr Jeseß, ist das es Klöpf, es Gschäll, es Zuggeb und Lärme gsi; mer hed gemeint, 's ganz Stedtli müeß zunderobsi, und 's hed eim fast gfürchtet, wemm mer a die alte, durlöcherte Ringmuure dänkt hed. Und de erst wenn die lieb heimelig Wiehnachtszyt cho ist und de die ganz groß Chilemusig umegange ist und gsunge hed im ganze Chilhgang ume vor alle Hünfere, wo mer öppe gemeind hed, es luegid e paar Fränkli oder gar e Föifliber use! 'S ganz Stedtli hed si alle scho Woche lang vorher druuf gfröit und ist derwäge i Alarm cho.

'S ist ne aber au öppis z'gönne gsi, bene guete Musikante; Johr uus Johr y hend si an alle größere Fyrtäge und Chilesfäste i der Chile müesse musiziere, all Monetsundig umblose; im Advänt ist no d'Angelmäß amene Sundig Morge früeh

derzue cho und um d'Wiehnachtszyt ume gar, do ist mer nie zu de Probe uus cho, bis mer die söif Mäße füre Heiligtage, Stäffestag, Nöijohr und Dreikönige, näbst bene drei Wäspere, dem Heiliggeistlieb und dem Säge, wo Alles musiziert gsi ist, wider öppe ordli ygstudiert gha heb. Für das Alles heb natürli d'Musig kei Lohn oder öppe es fixes Saläri gha, wie jezt z'Uzärn 's Stadtorchester; und doch isch es begriffli, daß das doch au mängi Uslag gä heb; mer heb öppe do und dert einist es nöis Instrmänt, mer heb nöi Ggeseite, d'Marinetblettli, Ggheharz und berigs Züüg meh bruucht; öppen einist heb mer au wider müesse e nöji Maß oder Wäspere zuetue; sünst hätt's de gli gheisse: „Si machid au gar immer die glych alt Lyre!“

Und de, was eigetli sälbstverständli ist, hend die Musikante, bsunders Drumbeeter, d'Blöser überhaupt, aber bi de Gygere und Sängere isch's grad ganz glych gsi, natürli alle grüßli Durst übercho, wenn si im Herrechällersaal überobe nochem Nachtsaffe so bis um Zähni und halbi Nfii und mängist no länger hend müesse bloße und singe, und do ist mer de gärn noch der Prob alle no ne chli überabe und heb öppe nes Möstli und e chli Chäs und Brod derzue gnoh und derby e chli disputiert oder no ne lustige Krüüzjaß um's Möstli gmacht. Das Alles heb pärsee Gäld kostet und 's wär nid rächt gsi, wenn d'Musikante das no ganz hättid us ihrem Gäldsäckel zahle müesse. Drum isch es e alti Uebig gsi, daß si all drü Johr hend dürfe i der Wiehnachtszyt im ganze Chilchgang go umefinge, und das heb de alle i dr Gsellchaftskasse e schöne Bage, i meine gäge drü oder vierhundert Franke, ytreit und ihre füre drü Johr wider grüßli mohl to. 'S heb sich au Niemer drob ufghalte, wenn do scho die ganz Gsellchaft uf e syneri Art und Wys füre e schöne kirchliche Zwäck ist cho bättle oder ysammle; im Gägeteil, mer heb gärn gäh und's au gärn gseh, wenn de prächtig Umzug stattgfunde heb, und d'Vuure bsunders hend druf gluegt und Mänge heb gseid, es gäb immer es guets Johr, wenn d'Chilemusig z'Wiehnacht umfingi. Und d'Musikante

fälber, obſcho 's Schuellehrer, Wirt, Döfter und Chömiſäger drunter gſi ſind, die hend das fälber au gmeint, wenigſtens hed Keine nüd gäge dä Glaube gha.

Jetzt mueß i aber dānk doch bald zu miner Baßggyge cho. Jā luegid, das iſt ech e Baß gſi, wie mer dānk nid mānge gha hed im ganze Kanton und 's Chruſelet mer jetzt no um's Härz, wenn i dra dānke, wie dä alle gſurret und gmurret und grärret hed. I ha faſt e heilige Reſpākt vor em gha. 'S iſt aber au keß Wunder; wo ich ihn 's erſt Mol — 's iſt gſi, wo ich mit ſibe Johre Choralbueb worde bi — ſo rächt i der Nöchi gſeh und ghört ha, iſt er dānk wohl zwöi Mol ſo groß gſi, as ich; i ha ihm bloß rächt möge a Buuch ue glänge und ha müeße ſchnuergrad obſi luege, wenn i ſi ganz läng mächtig Hals ha welle gſeh, wo ſo in e Art Chopf uusglaufe iſt, ſo öppiſ as wie ne Leuechopf, ich mir alle vorchö, bsunders wenn er eſo gſurret und gmurret und grärret hed. Dä Baß iſt gwöhnli, wemm mer e i der Chile nid bruucht hed, im Herrechällersaal überobe gſtande und will i do guet bekannt gſi bi, ha-n i mi de māngiſt öppe dur d'Stäge uuf dicke und dur d'Tür η gſchliche und de mit mine chline Fingere dä groß Gygeboge zwüſche de dicke Seite ſorgſam, lyſli füre zoge und de der Baßggyge ſo no und no agfange über ihre Bruſtkaste nach alle Richtige ſtryche, daß' māngiſt z'loſe gſi iſt, als wie ne taube Meuder im Horner; wenigſtens ha-n i d'Müüs dermit ſo guet chönne vertrybe, as wie ne ſo eine. Zletſt, natürli, iſt de alle d'Tante oder der lieb Herrechällervatter z'springe cho und hed gſeid: „Biſt ſcho wider ob der donners Baßggyge, du Sappermäntsueb!“

Item, ich ha-n emel Fröid gha a der Baßggyge und i meine, dr Waiſevogt und dr Chilhmeier ſind nid ſtolzer z' Chile glaufe as ich, wenn i alle als Choralbueb mit eme Andere ha börſe vorem ganze Chilevolch amene Faſttag dr groß Baß übere Chileplaß ue uf d'Orgele träge. 'S iſt halt doch e ſchöni Zyt gſi, die Buebezyt.

Die Basggnge heb dozmol no der Ariziermeister Mariz gspilt, es chlyß, scho nes bützli büchtes Mannli, e gueti Seel, und es ist eistig es lustigs Zueluege gsi, wie de dünn munzig Mariz die groß Stigele von ere Basggnge heb gwüßt z'meistere und z'regiere. I ha sibhär mängist bänkt, es verstieñd's emel mäñge starke Ma nid eso gägenübere finer chline Frau, vergäße de inere settige gägenübere vo dem Kaliber wie-n öñi Basggnge gsi ist. Dr heb d'Musig aber au verstanbe, de Mariz, ussem ff; i meine, scho anno Mñezwänzgi ist er i d'Chilemusig yträtte und e Zytlang sälber Diräkter gsi. Wenn der Orgelist öppe einist zufällig verhinderet worbe ist, heb de Mariz ganz ordli für ihn 's Amt gschlage; wenn's heb müeße si, heb er au i der erste und zwöite Gnge chönne ushälfe; bi de Prozässione heb er 's alt Offigleib mit bene vile künstliche Chlappe und spöter no der Bumperdon ganz flott bloße; au guet Basggnge heb er und i ñs Choralbuebe mäñgist ghulfe bim Bäsperce, Mitchrüzgoh, Libera- und Vitaneisinge. Und Latiniß heb er halt chönne läse as wie Schnupf, i ha mi mäñgist verwunderet drob und do einist mi lieb Vatter, wo-n au bi der Chilemusig gsi ist, gfrogt, wohär das ächt au chömm. Und do heb mr dr Vatter gseit: de Mariz sig halt i finer Jugend bi de Sant Urber Heere im Chloster uf der Studierig gsi; er hätt selle Geistliche wärbe, aber zletzt heig er do nümme welle. Das ha-n i do aber no vil weniger begriffe. Dozmol ha-n i nämli no gmeint, 's chönn doch gewüß uf der Wält nüd Schöners gäh, as e so ne Heer mit eme prächtige Pfarrhuus und eme schöne Garte, guueg z'ässe und z'trinke, fast nüd z'schaffe, all Tag z'spaziere, d'Ankfstöck und fast vo jeder große Mezgete im Chilchgang e Hamme und es paar Brodwürst, — i ha sälber im Herr Pfarer no einist brocht und 's heb mi drob mi Sechtig schier graue, nid wägem Herr Pfarer, sondere wäge de Brodwürste, will ich si sälber eso chrotte gärn gha ha — i Empfang z'näh und de am Sundig so i der ganze Gmein vom Chanzel abe der Tärt z'läse und drüber abe z'amte und i der Christelehr bi chline Buebe uszwätsche,

wenn si au gar z'wüest to hend, ohne daß sich Eine heb dörfe mure — und zletzt de einist, was jo gar nid heb chönne fähle, will die ganz Gemein für ne bättled heb, schnuerstracks ohni Fackfuur i Himmel ue z'cho! O Mariz, Mariz, ha-n i mängist dänkt, du bist gwüß dozmol nid rächt gschid gsi!

Und müßed er, was de Mariz derno sunst tribe heb? En einfache Wäber ist er gsi, der im Statthaltergäßli hindenobe Woche y und Woche uus, 's ganz lieb läng Johr si Chöltsch, Gingang und bergattigs Scheübezüüg gwobe heb. Und 's Wybervolch, wie-n i das sunst sibhär vo ne baare: Amtsschribere, Avikate, Döktore und andere gstudierte Lüt weiß, heb doch bim Mariz nid chönne schuld si, daß er d'Wäberei im Geistlichwärde vorzoge heb, was mer immerhee allesfalls no chönnt begryfli finde, we mer bedänkt, wie ne so nes Wybervölchli eim so rächt lieb cha wärde und wie-n es so ime junge läbige Studänt mit der Liebi dr ganz Chopf sammt alle geistliche und heilige Gedanke cha verrevoluzioniere. De Mariz heb nämli, mines Wüßes, absolut nie nüd mitem Wybervolch gha, er ist e stille Junggsell gsi und heb nüd gwüßt, weder dr ganz Tag sis Wäberschiffli ume und äne z'schieße und z'Obig öppe-n e chli z'gyge oder in e Prob z'goh. Er ist überhaupt, ohni vil Wäses z'mache, si eifach Läbeswäg gange und zfride gsi, wenn er am Morge sis Beckli Kaffee, oder si Däller Mueß mit Härbdöpfle, z'Mittag sini Schnitz und Härbdöpfel und z'Nacht sis Härbdöpfelmueß, natürli Aus vo Korporationsstreckihärbdöpfle, und öppe usnahmswys no nes Glas Most derzue gha heb. Dozmol ist er dänkt au scho bald gäge de Füßge zuegange, wo-n eim d'Liebschafte gwüß nümme grüßli ploge chömiib, und me hätt de Mariz mängist scho meh für ne alte Muunderi und Wunderli chönne aluege, wenn er nid öppe hie und do noch de Probe, wenn vom Most si halb verrostet Wäberfeel wider e chli uftauet ist, ne lustige Fause oder kuriosi Schnurre oder sunst en aberhemische Schlinggis hätt gwüßt z'verzelle, daß alle Aus luutuuf heb müesse drob afo lache.

Aber dißi Chlosterfrau, wo scho Achtzgi gsi ist und immer no grüüßli gfastet und sich sälber kasteiet heb, heb gseit, wo me-n ihre einist Vorstellige gmacht heb, daß wär doch bi ihre au gar nümme nötig: „Jää luegid, 's Fleisch wüetet immer no!“ Au de Mariz, wenn er eim scho bald einist so ne halbe, alte Surri gschine und keis Wybervolch agluegt heb, trotz dem vile Scheubezüüg, wo-n er finer Läbtig heb müesse wäbe, ist eis vo dene stille Wässerlene gsi, wo so töif gründit, ohne daß mehr öppiß dervo merkt. Aber gömm mer erwäg; öise Herrget wird dankwohl gwüßt ha, worum er das gspässig bsunderbar Füzüüg, wo mer do Liebi benamset, i öises Härz iegschlosse heb; dank emel, daß 's öppe einist losgöih, sig's de ne chli früeher oder spöter. Also au der alt guet Mariz mit finer vermeintlich verrostete Wäberseel heb no öppiß vo Liebi i sim eifache, stille Härdöpfelhärz gspört und drob äbe bi mene so ne Wiehnechtsumzug si lieb groß Baßgyge verlore.

'S ist grad der letst Streech gsi, am Borobig vor Dreikünge, wo d'Chilemusig no het müesse go umesinge. De Chilhgang Sämpach ist halt ordli größer as Gmein und will mer Niemer heb welle übergoh und mer gärn vo Jedem die Fränkli gnoh heb, do und dert mer au gleitig gfolget ist, wenn öppe e rächt musikfründliche Buur oder Chilerot gleib heb: „Mögeb er öppe ne chli Most und Lächueche?“ so wär's natürlü nid mögli gsi, in einer Nacht der ganz Chilhgang mitsamntem Stedtli go abzinge. Drum heb mer's i föif Obig oder Streech yteilt und's immer eso gluegd yrichte, daß mer uf jede Streech öppe zwöi oder drü Hüüser übercho heb, wo mer meh oder weniger sicher gsi ist, daß si eim ylabid; denn das Laufe und Singe i der chalte Johreszyt heb eim scho e chli Appetit gmacht und mer heb gärn öppiß zwösched-ie gnoh, abgseh dervo, daß 's alle derby lustig gange ist. Natürlü heb mer de best Streech uf zletst usgspart.

Also öppe-n eso Föifi oder halbi Sächsi z'Obig isch's gsi, wo do die Chilemusig — me heb si scho lang voräne ghört

stimme — vom Herrethällersaal oben abe cho ist. Vorunde hend scho ne ganze Huuffe chlini Buebe und Meitschi und au großi gwundrigi Lüüt planged, um d'Dreikönige z'gseh. Zerstert ist de Morgestärn vorträtte; dä heb wyt voruszündt und ist so groß gfi as wi ne Bode vo mene aberächtige Wyfäppli, aber natürlich nur vo Olpapyr und mit große Stärnzagge drinn, und i ha mängist dänkt, ob ächt de Stärn, wo die rächte heilige Dreikönige so vo ungsähr derno glause sind, au eso groß und schön gfi sig. Aber lue do, welle Glanz und Gstaar, do chömmid si jo, die prächtige Dreikönige sälber! Herr Jekerli, wie das glikeret und funklet; schneewyßi Pump hose hend si a, i große schön gwirte Stifle inne, de ne breiti mächtige roti oder blau Schärpe ume Lib ume und es verschidegsarbeßs Lybli vo buntem Tuche, wo zringlet ume gohd, und vore i der Mitti e goldige Stärn zmischt uf d'r Brust, und drüber ie ne prächtige Mantel mit goldige Zoddle und Borte; usem Chopf e wunderherrlich Krone mit silberige und goldige Stärne und glikerige blaue und rote und grüne Glaschügelischnüere, grad wie die heilige Dreikönige uf ere so ne rächt e schöne Wiehnecht alle abgmolet sind, nur ehnder no e chli natürlicher; aber Schöners hed mer mi Seel glich nid chönne gseh! De Chasper und de Baltheser hend längi prächtige Bärt treid; der Melk aber ist ganz schwarz gfi im Gesicht, wohrschynlich will er äbe z'hinterist usem Morgeland, vo Äthiopie, wo jetzt de Mahdi chrieget mit den Ängelländere, cho ist, und 's hed eim alle schier gfürchtet, wenn er fini Aug so g'rollet und derbi 's Wyß dervo so zwöschem Schwarze füre blichet hed. Mir hed er aber grad deswege eso guet gfallt und au no wäge dem, will er i der Mitti gfi ist und hed dörfe d'Musigfahne träge, wo die schön Leier drauf gstande ist. Chum sind d'Dreikönige zur d'Tür uus gfi, heb's de grüßli aso trable über d'Stäge abe; d'Hirtebuebe oder d'Choralänger sind halt cho und hend's nid fröh gnuet chönne erwarte, bis si ihres schön, grünen ygfasst Huetli mit bene rote Zöttle und dem hübsche zueknöpfte Röckli mit bene Goldbändelene und Schnüere über d'Brust ie, hend chönne i bene andere chline

Buebe, wo zuegluegt hend, spienze, ihne läng Zänd mache und si mitem goldige, grünen und wyß umringelete Hirtestab hinter-
rucks e chli stüpf. Sobald aber der Orgelist, wo si sträng
i der Gwahrjami gha heb, mit de Musifikante cho ist, sind si
gleitig murstill gsi, bis de zletst, will Reis heb welle voruus,
d'Hirtemädche cho sind. Das ist de alle wider es Luege gsi,
die prächtige Meitschi mit ihre schöne rote Bagge, dene herrliche
Röcke mit goldige und rote Strypfe, dene churze, enge, grüne
Jagglene mit Goldschnüere, dene härzige usgstülpte Hüetlene
mit dene wyße Fädere druff, die zierliche goldige Hirtestäbli
und die silberige Hirtetäschli, wo si ame rotzybige Band a
der Syte treid und d'Wiehnechtslieder und öppe ne baar
Züürstei oder döör Vire wägem Heiser drinn gha hend. Ja,
so Öppis cha mer gar nid rächt beschrybe, das mueß mer gseh
ha und zwor mit eso verwunderte, gläubige Ehinderange, wie
dozmol.

D'r Morgestärn heb bereits sis Licht a d'r Stange mit
sine Nörlicherhändsche uuf gha und heb welle abmarschiere; do
rüeft's no einist: „Halt, d' Basggyge ist noni do!“ Gschwind
wend Zwö oder Drei go luege, wo's do fähli, aber scho ghört
mer's au über d'Stäge abe tripple und 's ist mer si, i gsäch's
jekt no, wie do d'r chli Mariz mit sim geduldige Wäbergficht
und der große Chappe mit dene zwö breite Ohrebecke, und d'
Basggyge und 's Bethli, 's schönst dozmolig Sängermeitschi,
wo-n i alle Mäße vorgfunge heb, so orbli mitenand dur d'Tür
uus chömid und de Morgestärn grad so schön uf si ie lüchtet
und de Mariz no im Bethli, wo-n ihm eso behülfsch gsi ist,
under siner große schwarze Chappe füre eso ne rächt gfällige,
fründliche Blick geed. Wenn i chönnt mole, hätt i gmüß scho
lang e schöni lustigi Helge druus gmacht. 'S Bethli heb dā
Blick aber au verbienet; Als ist mitenand zum Saal uus und
Niemer hätt dem guete, chline, bald füzgzährige Mariz di
schwär Basggyge ghulfe dur die äng Stäge abe fergge, wenn
nid im Bethli, dem überhaupt vil z'Sinn cho ist, ygfallē wär,
ihm derbi z'hälfe.

„'S ist au gar immer eß Gschleerg mit d'r Bafgngge“, heb der Diräkter welle muttere, wo der Mariz ändtli ygstande ist; d'r Mariz aber heb nur ganz chaltblütig gseit: „Und Ehr hend immer eso neß Prättiere; schleipfid Ehr au eso ne groote Batt, vergoht Ech de scho!“ D'r Mariz heb nämli de scharpf ß nid gar guet chönne usspräche, so daß 's immer z'lose gfi ist, as wie ne t; drum heb er so grebt. Nu, zletst ist Alles i der Ordniig gfi, d'r Morgestärn heb prächtig voruus zündt, d'r schön Wiehnechtzug ist, währed Alles zu de d'Pfeistre uus gluegt heb, zum Stedtli uus zoge, d'r Mariz mid d'r große Bafgngge ufem Buggel z'hinterist dry und di chline Buebe und Meitschi sind no bis vor's Tor use mit ene, bis si d'r Orgelist hei gjagd heb. D'r Mariz ist aber hinecht gärn hindenoh zottled — 's ist ihm uf einist so ganz eige um's Härz worde.

Dä guet Mariz, er heb nid rächt gmüßd, worum daß 's ihm eso wird; aber 's ist ihm gfi, obwohl er sini Händ i de beede große Rocktäsche gha heb, as gspürti er immer dra no de syn Händsche vom Bethli, mit dem's a si Hand äne cho ist, wo's ihm d'Bafgngge gholfte heb dur d'Stäge abeträge. Und wenn er fursi gluegd heb zum Morgestärn, wo im ganze Wiehnechtzug voruusglüchtet heb, do heb er gemeint, er gsäch drinn immer die zwöi fründtliche Auge vo dem Bethli, und de heb er wider trotz allem Schnuuse en Mlauf gnoh, daß er im Zug nohcho ist. So sind si zum erste Buurehof cho; mer heb vorher e chli Halt gmacht, daß Alles sich heb chönne sammle. D'r Mäler ist grad zu der Schüür use cho und wie-n er das gsehð, springt er gleitig mit d'r Stallatärne i's Hus übere und 's ist nid lang gange, ist d'r Buur und d'Frau mit de Chinde und Meittlene und Chnächte ufem Stägeläuble uf gstande mit Viechtere und Latärne. Undeför him Gartehaag heb sich aber össi Musig au scho ufgestellt gha; i der Mitti die Dreikönige — d'r Melk heb d'r Fahne zum Grueß schön gschwänkt — rächts d'Hirtemädche, linggs d'Hirtebuebe und hinter ne zue d'r Morgestärn, daß er i Alle heiter gäh heb, und drum

ume im e Halbkreis d'Musikante. Merkwürdig heb's es troffe,
daß im Mariä si Baßgoge ihre läng Hals mit dem gspässige
Leuehopf, wo sunst gewöhnli nid si Ort gsi ist, grad hinterem
Bethli füre gstreckt heb. Setzt heb d'r Orgelst si Gyngeboge
holzgrad uuf und wie-n er e abezwicket, sohd Alles mitenand a:

„Auf, auf, ihr Hirten,
Kommet eilends her geschwind;
Uns sind groß Freuden
Setzt angekündt.
Kommet her zum Krippelein,
Zum schönen Jesulein,
Zum Fürst des Friedens,
Zum König im Stall!
Trostreiche Zeiten
Die sind jetzt kommen an
Und sind von Engel n
Uns kund gethan.
Ehre sei dem höchsten Gott!
Er macht die Feinde zum Spott,
Erlöst uns Menschen
Vom ewigen Tod.“

'S ist öppis Egeds um die alte Wiehnechtslieder; 's sind
jetzt grad füfzwänzig Johr, as ich si zletsch Mol mitgsunge
ha; mer meind, si settid scho lang, wie so vil Anders oder 's
Meist us dene Johre, vergäffe si. Und doch, wenn alle so
's Abdänt wider chunnd und 's biechtet a de Bäume und mer
z'Obig Glogge so schön dure Näbel und die still Nacht ghörd
lūute, do chömmid eim, me weiß nid wie, die liebe alte
Melodye vo dene Wiehnechtsliedlene wider eso i's Hätz ie
gschliche. Zerst ghörd mer's nur so vo Färni ganz lyali
summe, nur e so haar altbekannti Tönli; nobino wird's aber
immer lūuter, me bsinnt si au scho wider a Wort und zletsch
do wird's eim eso heimelig wohl und ohne daß mer's merkt,
singt me sälber jo das alt lieb Liebli wider vo vore bis hinde
ufwändig, und mer meind, die ganz Chilemusig spili wider
mit oder me stöi wider derheime im warme Hinderstubeli um's

Wiehnechtsbäumli ume und 's guet Mütterli bücki sich mit
sine liebe Auge uf ein abe und gäb eim es härzigs Schmüßli.

So Öppis mueß d'r Mariz säb Mol au gspürt ha; er
hed zwor die Wiehnechtslieder alle natürlü uswändig baßgged
und wenn's hed müesse si, no derzu gsunge; dā Mol aber hed er
nur so still für sich härsgged und nur so hie und do näbem
Chopf vom Bethli bure, wie's emel z'luege gsi ist, ufe Gyge-
boge vom Diräcker gugged, wo d'r Takt gā hed, wenn d'r
zwöit Drumbeeter, der no nid lang derby gsi ist, öppe hed welle
zum Gläus uus cho.

Wo's erst Lied fertig gsi ist, hed mer's zwöit und do 's
dritt — me hed nämli gwüßt, 's luegt do ne Föisliber ufe
— gsunge und zletst, wie an alle Orte, de no das un-
erläßlich:

„Wir kommen, kommen, kommen hier an
Und wünschen Euch an,
Bon Herzen Euch an,
Euch Allen an
Ein neues und guetes und freudereiches Jahr,
Und dazu den göttlichen Segen;
Alles ist an dem gelegen;
Gebe Euch Gott zu Euerm Lohn
Und dazu die himmlische Kron!
Wir wünschen, wünschen, wünschen Euch an,
Bon Herzen Euch an,
Euch Allen an
Ein neues und guetes und freudereiches Jahr.

Das Lied hed d'Wirtig sälte oder nie verfäht; me chunnd
aber au eso mängist a drinn und wöißcht eso düütli, daß 's
au d'r verhetetist Buur, und 's gid no ordli mänge dere,
hed müesse verstoh. Und das heißt doch öppis, wemm mer weiß,
daß sunst grad d'Buure für dere Wöisch, und wenn si no so
fromm dänkid, nid öppe gar empfänglich sind. Übriges hed d'r
Dreiküng Chasper, wo do grad Säckelmeister gsi ist, scho ob
's Lied ganz uus gsi ist, ufghört singe, hed si läderig Gäld-

täſche unter dem ſchöne rote Mantel fürenzoge; das heb d'r Buur de au ſcho gmerkt, iſt ſo mit breite Schritte halb dur's Stägli abecho und heb mit de Worte: „Das wird dank d'r Seckelmeiſter ſi und d'r hend de d'Sach brav gmacht,“ de Jöiſſiber imene wyſe Papiſtli ygwigglet dem Dreifüng Chasper ggäh. Dä heb de gar fründli im Name vo der ganze Muſig danked und mündli no einiſt für die ganz Geſellſchaft im Herr Korporationsrot 's Neujohr agwöſcht. Hinder em zue hend ſi aber, will mer gwüßt heb, daß mer do no nid ychehre cha, d'Gnge ſcho wider ypackt und d'Mundſtück i d'Pümper bhalte; d'r Morgestärn heb rächtsumkehrt gmacht; d'r Mariz heb gemeint, er ſig im Bethli a Ellboge:n a cho, wo:n er d'r Baſſgygerieme wider um ſi Achſle ghänkt heb, und heb drum no gſchwind welle ſäge: „Argübi, Bethli!“ Aber 's Bethli iſt gar es ſlingg's gi, heb ſi au ſcho dräit gha und iſt mit de andere Hirtemädche wider gleitig voruus träbeled. Im guete Mariz iſch nid anders übrig blibe, as mit ſiner alte Baſſgyge uſem Buggel wider hinde dry z'zöttle und ſiſ ſtill Chrüz ſammt dem Baß witer z'träge.

So iſt me vo Hof zu Hof gwanderet und 's heb rächt guet usgäh derby. Es prächtiqs Ruege iſch's mängiſt gi, wenn de der ganz Zug öppe über neß Dobel cho iſt und me de bim ene Chehr ſo Alles heb chönne übergugge. Wie das alle au gglänzt und gſlimmered und de im Widerſchy:n eſo ganz kurioſi Geſtalte gäh heb, bſunders wenn öppe no chli Näbel gi iſt und 's vo de Liechtere eſo ne gſpäßigi Helli gä heb. Me heb's faſt alle nid chönne begryffe und 's hätt emel gwüß Niemer glaubt, daß das jetzig d'Sempacher Chilemuſig wär. 'S iſt eim au drum eiſter vorcho, as wär die ganz Natur verwundered über dä Uſzug. 'S iſt eim gi, 's Bächli, wo mer drüber iſt, well eim au ſiſ Wiehnechtsliedli zuemurmle, d'Haſelſtude und die andere Strüüchli hend ihri Äſtli gſchüttlet und eim 's Viecht as wie wyſi Blüemeli uſe Wäg gſtreut. Und de erſt, wenn mer öppe imene Arees vom e Tannenwald derby iſt und im Morgestärn ſiſ glänzig

Liecht dra-âne gschine heb, do heb's glüüchtet und gfunfled vo tuusig und Millione chlini Stärnlene; d'r ganz Wald ist drob erwached, as hätt au er sälber Fröid, daß 's Christkindli wider cho ist und 's bald einist wider in e schönere Johreszyt entgäge gohd, dem liebe Fruehlig, wo ihm wider es prächtigs funfelnagelnöis Chleibli azieht und die lustige Vögeli und Chäferli, d'Eiserli und die tuusig stille Waldblüemli wider bringt.

Au mänge lustige Gspäß heb's derby abgesetzt, wenn's öbbe eso ne Choralbueb, wo natürlü nid d'r Zyt gha heb z'luege, wo-n er dure chunnd, uf's Hindergsäß use gleid heb, oder wenn e Nachthöjel vorem Morgestärn plöchl verschrocke und von-ere Tanne uufgfluge ist und drob mit großem Ruusche ganz Hüüfe Schnee abe gröschelet heb, daß d'Singermeitli uf einist mitenand e fürchterliche Göiß usgloh hend und zämme-gfahre sind as wie ne Härb verstöifti Schöfli. Öppe de einist heb d'r Heiri mit sim Bügel es lustigs Gsäzli i Wald ie blose, daß 's no lang wunderschön im Echo drus use tönt heb; oder d'r Pfisterseppel heb sis alt schwarz Gygeli füre zoge, heb d'r Gänsemarsch agfange spile. Eis ist hinderem Andre ygstande, daß 's e lāngi, lāngi Chettene gā heb, wo as wie ne Schlange in bene chrumme Wāglene no hinder Bäume, Schüüre, Spyre, näbe Brünne und Güsselöchere dure sich gwunde und gringled heb.

Zwyle sind eim, bsunders wem mer eso ine abglāgui Gāgeb hinder de Wāldere hinde cho ist, wo alles so öd und lāär eim agstarred heb, au die heilige drei Könige usen Morgeland wider z'Sinn cho und me heb dānkt, me wandli sälber au dur ne Wüesti as wie si, nur e chli ne chālteri as im Morgeland, und me bildi sälber au eso ne Karawanne, aber natürlü ohni Kameeler, es sig de öppe gfi, es luegi eine d'r Schatte vom alte, scho halb buggelige Mariz mit finer Basgngge usen Rügge, und d'r Bumperdonist grad vorem āne mit sim große Instermānt am Buggel derfür a, wenn d'r Vollmond grad so glācherig uf öise Zug abe gugged heb.

Aber do simm mer jo scho vor's Chilchmeiers Schüür. Alles stohd gleitig y, schlohd d'Schneestögli no gschwind vo de Schuene ab; me luegt, ob d'Instermänt no stimmid; denn me weiß, do mueß me sich zsämme näh. D'r Chilchmeier ist nämli d'r Musig immer gar wohl gsinnt gsi und 's heb ihn an ere Uffert oder an ere Unterhaltig e Moß oder zwoo oder lust e Föisliber für d'Musikante nüd graue. Zuedem heb mer sicher gwüßt, as me do cha ychehre und 's d'r Herr Chilchmeier a uüd lohnd lo fähle und 's gärn gseh, wenn's no Öppis gohd. Aber 's Stimme heb neume nümme rächt welle goh, d'r Bumperdon und d'r erst Drumbeeter hend gseit, 's gäbe ene fei Ton meh, d'Instermänt sigid ine ygfroore. Gschwind sind si drum voruus, um a d'r Föürplatte i der Chuchi inne ihri Instermänt zerst no ufzweiche. Das ist aber ordli lang gange; 's ist nämli do a d'r Föürplatte zue eso ne tuusigs ordligi hübschi Tochter gsi und die heb d'r Bumperdonist gar donners fründtli chönne grüesse, daß mer schier zwysled heb, ob er wägem ygfroore Bumperdon oder aber wäge der nätte Huus-tochter cho ist. Und d'r erst Drumbeeter heb im Meistermeitli gseid, wenn er es Gläsli Chriesiwasser hätt, tät d'Drumbeete vil gleitiger uufgfrüre. Das Gläsli Chriesiwasser ist cho, aber zum Verwundere vom Meistermeitli schüttet d'r gflausig Drumbeeter 's Gläsli, statt i d'Drumbeete ie, gschwind hinter sis groß Halstuech und hinter d'Gravatte abe.

No, ändtlich heb's doch gstimmt und mer heb gspört, daß Alles grüßli Flyß heb. Die drü allerschönste Lieder hend si usgwählt und drüber abe hend d'Musikante erst de no ganz allei, ob das unerläßlich: „Wir kommen, kommen, kommen hier an“, cho ist, es hübsches Abaschio bloje, woby mer am Schmättere vo d'r erste Drumbeete heb chönne erfahre, wie guet das Gläsli Chriesiwasser sis Instermänt ufgeweicht gha heb.

Wie's fertig gsi ist, heb d'r Herr Chilchmeier vo der Läublistäge uus grüest: „Seh, chömmid jekt e chli ie, Ihr Herre Musikante und Sängerinne, d'r werdib wohl e chli müed und

durstig si!“ Das heb mer sich nid zwöi Mol lo säge. Wo mer i die groß gräumig schön Buurestube ie chömmid, ist do scho Alles suber tischet gsi; en eigene, wohlige Dufst vo Lächueche und Beerewegge heb eim scho under d'r Türe entgäge gschmückt; ufem große, runde Tisch, wo all Musikante drum ume Platz gha hend, ist e große Straußfläsche voll Most gstande, wo so herrlich azluege gsi ist as wie alte Margröfeler; ame andere Tisch sind e ganzi Reihe schön wyßi Kaffeebeckli, ganzi Bygene Brod und Teller voll Chäs, Beerewege und Lächueche gstande. Mir Choralbuebe hend's chum möge erwarde, bis mer drüber här hend chönne, mir hättid mit keim Fürst um sis Hochsigmohl bergäge tuuschet. 'S ist de aber gli au a-n es Wangschiere und Schnabeliere gange, daß eim fast drob gfüchtet heb. Doch heb das nüd z'bedüüte gha; e so ne ghungrige g'äßige Choralbueb heb jo no nüd vo Magebrücke und Ehrämpfe gewüßt. Aber 's Beerewegge- und 's Lächuechedrucke heb er ufem Fundamänt verstande. Scho bim Most sind die große Bärg vo dem guete chüstige Buurebrod und Chäs zu chline Motthüüflene abe gschmulze; drüber abe ist de nes herrlichs Nidelsaffi cho, wo's de äbe a die Beerewegge und Lächueche he gange ist. Nu si hend's Loos vom Chäs und Brod teilt.

Sälber im Mariß sis guetmüetig, geduldig Wäbergficht heb drob afo uflüüchte und glänze as wie ne schöni früschi Späckhammesyte und er heb us sim Egge use bereits afe es lustigs Stückli von ere alte Sant Urber-Klostersgchicht losgäh, daß sälber de Herr Chilchmeier luut uuf heb müesse drob lache. Und die prächtige Dreikönige, die hend sich chum me hinderem Tisch äne chönne verrode, si hend bedüted vo ihre noble Hältig verlore und sind schier do gässe as wie drei gfüllti Nußsäck. 'S heb ihne halt au afe gnueged. Drum, um e chli z'pausiere, hend d'Gyger ihri Instermänter vom Ofebank füre gholt; d'Fasnacht ist jo agange gsi und — heßch mer e niene gseh — ist im Nu Aus bi me alte schöne Ländler i der Stube ume zwirbled, daß' e wahri Fröid zuezluege gsi ist.

Bim dritte Tänzli isch es uufgafalle, daß e lei Basggyge derbi gsurret und gmurret und grärret hed. De Mariz hed's nämli nümme länger chönne ushalte; dr Most und dr Beerewegge und's Bethli, zue dem zue er z'sitze cho ist, er hed nid gwüßt wie, hend ihm's halt ato und ihm Suraschi gmacht, daß er 's Bethli um enes Tänzli gfrogt hed. Im Bethli isch das zwor zerster e chli gspässig vorchö, aber es hed si nid lang bsunne und gseit: „Se jo, worum nid, Mariz“ und ist mit ihm dri ufe und hed under allgemeiner Fröid dä guet Mariz halt bi dem Walzer eso ume traid und ume gstellt, daß er zletzt chynhed hed, as wie si alt Basggyge, wenn alle de Gygeboge nümme gharzed gfi ist. De Mariz aber hed, wo's Bethli i sin Arm mit ihm so derhe gfloge ist, gemeint, er sig im Himmel inne, obwohl 's ihm no ne halbi Viertelstund nochhär ganz drümmelig gfi ist. Zwüschedie hend de d'Sängermeitli wider es schöns Schwizerliedli und „Wie wird mir so bang, da ich scheiden soll“, gsunge und druf abe hed der Underlehrer gar tuufsig nett „'s Härli“ vom Hebel deflemirt.

Aber lueg au do! do trägtid si us der Chuchi no einiist uuf; e uvernünftigi Blatte gschwungni, schneewyßi Nidle chunnd no mit nöjem Lächueche und zur allgemeine Verdauig no nes Chrieswässerli drüber abe. „Herr Zekerli“, hed Mänge gseid bim Ufeschöpfen, „wo mueß i 's ächt au he tue?“ aber er hed emel ufegnoh und 's gwüßt no zum Andere z'versorge und zletzt hed mer nümme vil i der uvernünftige Blatte gseh. E lustige Streich hed derby de Dreiküng Balz sin cholerabschwarze Dreiküng Melf gspilt. Ohni daß' Dä nämli gmerkt hed, stohd dr Balz mit eme große Löffel voll Nidle hinter ruggs uuf und as wie ne Wätterleich hed diße König Melf uf beede Syte i sin pächschwarze Gesicht bis a d'Ohre hindere zwö schröckli groß läng wyß Nidlelechnenz! Was das für nes aberhemisches Luege gfi ist und was das für nes Glächter abgseht hed, bruuchd mer nid z'beschrybe. De Mariz hed derby im allgemeine Fröidetrubel uf einiist im Bethli si Hand gnoh,

ihs ganz chündig agluegt und gseit: „Gäll, Bethli, da ist doch au lustig!“

Jetzt isch es aber scho gege de Nase zuegange und mer hed doch afe müesse a's Heigoh danke. De Presidant vo de Chilemusig hed drum a's Chriesiwassergläsli pöpperled und wie's nur rächt und billig gsi ist, im Herr Chilchmeier in ere schöne Red, erstes als guete Chilchmeier als solchem, zwöites bsunders aber als vorträllliche Chilchmeier gegenüber der Chilemusig, und zletzt als Fründ vo der Musig und vom Gsang überhaupt es drüfachs Läbihoch usbrocht und ihm für die rychlich vorzüglich Bewirtig und füre ganz hienechtig schön Obig grüßli danked.

Zu gueter Letzt ist de no de lustig zwöit Gyger mit ere große, alte, graue Angstrohre bedwäris hinde ufem Chopf, en alte länge Tract a und e große Guttere i der Hand, ufem Stübli use cho und hed mit ere Natürlichkeit und mit urkomische Pantomyme das Liedli gsunge: „Grad aus dem Wirtshaus komm ich heraus“, daß mer hätt selle meine, da heig wirklich e rächte Millionekanonespiz gfangen und daß druf Alles i gröster Fröid im Herr Chilchmeier und sim ganze Huus Guet Nacht und Läbiwohl gseid hed.

Bim Fortgoh ist de Mariz mit sim Baß zerst zur Türe uus gsi und, wenn er au e chli a d'Stägelehne agrumplet ist, no ordli guet dunde acho. Do hed er de schön gwartet mit finer Gyge ufem Buggel, bis d'Hirtemädche cho sind. Wie-n er's Bethli erblickt, stellt er sich gschwind a si Syte und seit: „Chumme-n e chli mit dir Bethli, wenn d'nüd vergäge hest“ und i verhältnißmäßig festem Schritt und Tritt lauft er näbe dem Bethli ie, daß es drob still hed müesse bi sich sälber lache. Aber de Mariz ist glych e Schalk gsi; wo-n er gäge d'Schüür dure chunnd, seit er uf einist: „Jetzt ha-n i bigopp mi Battggeboge vergätte.“ Er nid suul, hantt si Baßgyge ab und ersuecht 's Bethli, es soll ihm au der Baß e chli ha. Aber was hätt 's Bethli anders welle mache? D'Baßgyge hed

es emel nid do zmitzt im Ströpli dörfe allei so ligge. Uf das hed aber de Mariz grad spekulirt. Denn inzwüsche sind die Andere vormärts glause. Die drei, mer darf dānt nid sāge heilige, Dreikönige und die andere lebige Musikante hend Jede öppe es Hirtemädche an Arm gnoh und fröhlich und heiter isch's durheigange. Er, de Mariz, hätt aber die ganz Wiehnecht dure und au scho früher nie's Gfeel gha, daß ihm au e so nes lustigs läbig's Sāngermeitli a Arm ghanged wār und aß er eso z'sālb Zwöit hätt chönne heimar'schiere. Drum hed er die List bruucht; 's Bethli ist ihm hüt jo so guet gfi. Und richtig, do chunnd er jo scho mit sim vergāssene Gngboge zrug; 's Bethli hilft ihm donners achtehrig die Baßgngge wider umhānke und so stolziert er de ganz preußisch nābe ihm ie. Zvor hed's Bethli baar Mol bi sich dānt, dr Mariz sig au nümme ganz fest uf de Beine, es hed hie und do so nes Mümpfi vo's Marize Baßgngge a finer Guboge gspürt; und de māngist hed de Mariz undereinist e so ne schwāre Schnuuf, aß wie ne töise Süßzger, usgloh, daß mer gmerkt hed, es drückt ihn Öppis ufem Hārze oder Mage.

'S ist au eso gfi: d'r Mariz hätt im Bethli gar grüßli gārñ no si Arm gā; aber so māngist aß er nooch an ihn's zue hed welle, ist ihm immer dā donners Baß ufem Rügge hinde i Wāg cho und hed ihn gstüpf. Einist gar hed's nit vil gfāhlt, es hätt ihn derbi z'stözzlige überstürchled und er wār sammt sim liebe große „Batt“ dur es gāchs Bort abe bürzled. Zum Glück hed e's Bethli no gha am lānge Rockfäcke; aber das hed do d'r Mariz erst rācht verdroffe. Und doch hed 's Bethli so gmüetli mit ihm gwüßt z'plaudere und ist eso fründli nāben ihm zue glause. Do chömib si scho bim letzte Buurehof, öppe ne Vierteltstund vorem Stedtli zue, vorby und immer hed d'r Mariz siß heiß Verlange, 's Bethli am Arm heizfuehre, no nid erreicht gha. Plögli fahr's ihm aber wie ne Bliß dur si hienecht sunst eso ufgrümt Chopf. Jetzt göhnd si grad nābe der Schüür vorby, do ist e groẞi Byge Strauhwälle gāgem Yfahr zue, wo si drunder dur müend. D'r Mariz tuet berglyche,

der Schuhriehme sig ihm uf gänge, 's Bethli lauft e chli voruus und mit eim Ruck ist die guet Basgngge abem Buggel vo dñsem Mariz abe und mit de Worte: „Gang du alte Batt, wott jeß lieber Beth!“ flügt de alt läng Baß uf die Bygi Strauwmälle ue.

Als wär gar nüd gscheh, yled d'r Mariz sim Bethli wider no; das hed inzwüsche gmerkt, daß die Andere scho ordli nyt voruus sind, es hed drum au e chli prässirt und sich nid g'achted, und es wär ihm au sunst ekei Sinn dra cho, daß d'r Mariz seiner Basgngge, mit der e jo soz'säge verwachse gsi ist, uf ene so ne tröilosi Art plögli d'r Abschid gä hed. Zudem ist d'r Mariz jeßt e so ordli an ihns zuecho, hed so guetmüetig zerster si Hand und de d'r Arm gnoh und ist so de wirklich ändlich Arm i Arm z'sälb Zwöit gägem Stedtli zue marschiert. 'S ist die glücklichst Viertelstund gsi, wo d'r Mariz meini i sim Läbe verläbt hed und wenn er au kei Basgngge meh gha hed, hed er doch d'r ganz Himmel voll derfür gseh.

Morndeß aber, am heilige Dreiküngetag, ist halt wider e musizierts Amt i d'r Chile gsi. Aber do fählt d'r Mariz mit seiner Basgngge. Grad wo mer will asoh, chunnd d'r Mariz, aber ohni Baß und er luegt eso sturm dry, daß mer kei rächti Antwort usem use bringt, wo die Basgngge stecki. Derheime sig si nid, hed er nur gseit, und wo si sunst sig, müßi er au nid. So hed me halt i Gottsname glych müesse asoh musiziere; aber scho bim erste Takt hed mer gmerkt, daß d'r Baß nid derby ist; es hed nid welle stimme, 's ist ekei Halt und Chraft gsi i dem andere Gyg und Guug und Gsang inne; die zwöi liebe Waldhorn, die sunst wie zwöi Schwarzwälberzpter mit-em ganze Körper glychmäßig mitenand immer d'r Takt gäh hend, sind uf einist gäge enand ie cho und zsäme gstoße und 's Bethli sälber hätt schier bim Solo d'r Fabe verlore.

Zum Glück hed's aber nid das ganz Amt uus eso duuret. Denn grad vorem Sanctis äne luegt Als uf d'r Bordile obe ume und gseht do uf einist d'r Mäler vo dem beträffede Buurehof, wo no e Viertelstund vorem Stedtli zue ist, uf d'Orgele

ie goh und dā Baß grad vorem Diräkter zue abstelle und dem öppiä i's Ohr ie säge.

I möischti nur, Ihr hättid no gseh, was für ne Blick do d'r Diräkter dem guete Mariä zuegschleuderet und gschosse heb. Aber item, d'r Baß ist emel wider do gsi und im Mariä isch es uf einist, wo-ner si lieb alt Baßgngge wider im Arm gha heb, so wohl worde, wie nächti z'Nacht am Arm vom Bethli. Er heb halt doch gsüehlt, daß er zue ihre ghört!

Melchior Schürmann.

fürio, Mördio, Hälfio!

Es Gschichtli für d'Fachnest.

Jetz wil ech verzelle, wi's Tubebodevreneli i sim hübsche junge Ehiliter vo Meuschter de erst Schmutz gmacht hed und wi d'Finkemarei Fürio, Mördio, Hälfio gschroue hed und wi's chunnd, as's sidem neue Gsez a tel Orte so verirlich isch.

I bi nid debv gsy. Mi Schatz hätt mi um's Tüfels Weli nid lo go. Luegid, mi Schatz hed mi grüßli lieb, und das gfallt mer natürlu wohl, aber hie und do isch doch e rächti Blog. Immer sett i um ne ume sy, und rebi mit öpper Anderem nur es Wörtli, so wird mi Schatz chybzig. Wenn de müestst, grebligst Tüfel vo z'underst vo de Hell use chäm, hätt aber e Zuppe a und ich tät nur es enig's Wörteli mit em rede, so wurd mi Schatz chybzig. Gwüß und eigeli, mi Schatz möcht mer's wohl g'gönne, wen i ufem Bahn eisterzue chönnt ersti Klapf fahre, und doch gsäch er mi lieber im Wihwagen inne, nur will er weis, as's dete keni dere Gschöpf jind, wo-m mer gärn e chli mit ne blöiderlet. De chöned ech nid dänke, wi froh as i bi, as mer es vertschieggets Latschimul gwachsen isch. Wenn i es rundlochtigs Müli hätt, so meinti mi Schatz halt, das chäm vo dem, as i an andere Orte vil Schmutz ustelt hätt, und de gieng 's mer übel. An allem dem möged er gwüß gmerke, as ich nid ha chönne debv sy. Aber 's Melke Tönel isch dete gsy. 'S Melke Tönel si Frau, uf die hend si vor bar Johre Härde to und sid do seit si nümme vil dezue, de Tönel mag mache, was er wil. 'S nimmt mi au Wunder, wi-m mer's mi Schatz einist macht, wenn er uf-g'geistet hed.

'S Melke Tönel, dä hed mer Alles verzellt. Dä isch mer no verwandt vo's Großmueters Bäs's Brüeder noch. De Tönel und ich sind mitenand i d'Schuel g'gange, und ei Tag hed är müesse usschnüile und der ander ich. De Tönel hed öppi's gschmöckt vo de Sach und hed d'dänkt, 's gib es Most und öppen e guete Gspäß bezue. Der isch es go im Hülpsfridli säge, und do sind si mitenand gägem Tubebode ue. Ussem Wäg hend si no 's Bäsche Bänz vo Meuschter atrofse, dä schuehnet grad mit. De Tubebodebur isch au e Meuschterer und de erst no ussem Chrottemösl, wo au meer beheime sind. Das Heimetli im Tubebode obe hed er erst vor bar Johre gchauft. Im Tubebode obe sind 's Breneli und 's Beters Trineli und d'Husiereri ussem Argöi — wenn si's nid ghört, so sägid s' ere Finkemarei — binenand i de Stube gässe und hend glismet und gluegt, weli as's weidlicher chönn mite Fingerle und mitem Müli. De Tubebodebur isch te gnisselige Ma, er hed's gärn gsieh, wenn öppen amene Facknestmändig öpper z'Visite cho isch, und drumm isch au, so bänd die drü Mannevölcher au nur es Bei zur Lüre ie gstretcht hend, scho ne Moßbodälle ussem Tisch gstande. Wo's do Drü gschlage hed und d'Finkemarei gemeint hed, wenn si iez beheime wär, so müesst si go 's Zobe mache, stohd's Breneli uuf und seid zur Chuchitür uus: „Seppe, fürd a, nänd de aber die groß Pfanne für's Kaffwasser.“ 'S hed 's Bäschebänz gwunderet, wi groß ächt die Pfanne seig. De tued degliche, de mües hinde use, und gohd weidli dur d'Chuchi dure. Wo-n er wider ie cho isch, seid er zu 's Melke Tönel hübschli i 's Ohr ine: „Los Tönel, i wett mi nid verschwere, öb die Pfanne töifer isch oder de Maufsee, aber das de Deckel fauft so höch isch as de Rigiabärg, für das wett i fast und gar drei Finger uuf ha.“ D' Finkemarei hed d'Ohre gstrüset, wo di Mannevölcher zäme so gflismeret hend, und si hed ne scho welle e Schlanggis äne rühre, do hed aber d'Seppe just d'Kaffstize ie b'brocht und nochhär de Milchruet, und do hend do 's Beters Trineli und d'Finkemarei 's ganz Mul für 's Kafi b'brocht und hend kes

enzigs Eggeli me gha für 's Rebe. Wo 's Breneli i de Zinke-
marei zum vierte Mol und i 's Bäsch Bänz zum zweute Mol
ngschänkt hed, seid's: „Händ au chli Verbarme mit is, Bänz,
gsiehnd er, mir arme Wibervölchli wüßid gar nümü z'zelle.“
„Erst no“, macht de Bänz, „i will ech öppis verzelle, i ha's
i's Stirnimas inne ghört, wüßid er dete, wo-m mer so es guets
Tröpfli trinkt und wo vil fürnämm und glehrt Lüt alle-n ame
Mändig Zobe ne Jaz schlönd. 'S seig also i de Stadt inne
Eini, i ha no nie nüd so furios Gspäßigs vo Einere ghört.“
„So, vo Einere, nid vo Ein?“ nyffet d'Zinkemarei.

„Jo, vo Einere“, fahrt de Bänz furt, „die seig eigentlich vo de
Ländere här, aber si lauffi de ganz Tag dur d'Stadt, und wemm
mer ie göi, so chömm mer si gsieh, und die seig so starch, kes
Mannevolch und kes Wibervolch uf de ganze Wält seig so
starch wi die.“

Do hend si Alli bsunne, aber Kes hed nüd useb'brocht; do seid
de Bänz: „E, das isch d'Rüß, die isch eigentlich vo de Ländere
här, aber si lauft de ganz Tag dur d'Stadt, und wemm mer
ie gohd, so chamm mer si gsieh, oder 's müest einen au gar
e Worders Kanone-Chäker ha; und as die starch isch, ha-n i
sälber einisch gsieh. Si hed einisch amene Zistig mit enand
drü Dozet Wäggisserwiber sant ire Naue und Surchrudchüble
treid, und das miech ere miner Secht kes Mannevolch und
kes Wibervolch uf de ganze Wält noch.“

Do hend Allisäme glachet, as wi wenn si Sigelinues
g'gässe hättid, und 's Trineli hed gmacht: „Das Gschichtli
hed mer au wohl gfallt, aber i tät no fast lieber öppis vo
Wöischter ghöre, as vo de Stadt; se, Bänz, Ihr sind jo Eine
vo dene, wo de heilig sant Michel sini Fäcke über si hed; ver-
zellid au öppis vo Wöischter.“

Wo 's Trineli das gseid hed, hed's so schärbis zum Breneli
äne gluegt, und das isch ganz rot worde. — 'S Bäschebänz macht:
„Mueß ech öppis vom Graf Bero vo Länzburg erzelle, wo de
Wöischterer Fläcke bouet hed, 's isch scho zähmol lenger side, weder

aß mer chönnt a de Scheielene vo euem Gartehag abzelle.“ „Und
jaust tufig mol lenger, weder aß mer chönnt a de Bände vo
de Zinkemarei abzelle“, seib de Hülpsfridli zu's Melke Tönel
hüßchli i 's Ohr; aber d'Zinkemarei heb's ghört und seib:
„Fridli, nänd ech in Acht, wenn i scho nur no ei Band hat,
Negel han i no zäh“. — „Ober mues ech vo de Riburgere ver-
zelle“, fahrt de Bänz furt, „wo einisch de Möischterer Fläcke
jo verherget und versackuhret hend, aß nur zwö Hereschöchene
übrig blibe sind?“ „Nüd berigs“, macht 's Trineli, „öppis
uß de hüttige Zit.“

„Do weis ich jeß öppis“, seib de Hülpsfridli, „'s isch au
es Rätsel; müßid er, worum aß z'Möischter im Fläcke drei
Brünne laufid?“ — 'S heb niemer chönne druf rote, nur
d'Zinkemarei heb gmeint, das seig, aß d'Möischterer au gnue
Wasser hättid, wenn einisch so ne uncomplete Kärlipurst, wie
de Hülpsfridli, i Fläcke ie chäm, um em 's Mul z'wäsche.
„Nei“, seib de Fridli, „das tätid si für d'Marei spare; es
seig aber nid wäge dem; die Möischterer heigid bi drei Brünne
gmacht, will's halt bi ihne nid grad so churzwilig seig aß
wi z'Barys; aß wenn einisch öppe e Frönde i Fläcken ie chäm
und's es de truf, aß er grad niemer drinn gläch laufe, jo
gläch er de doch bi drei Brünne laufe.“

Do hend si wider glachet, aber 's Trineli heb gseid: „Näi, e
jo gfiel's mer emel nid z'Möischter inne. Los Du, Breneli,
ich für mi Tel, wett emel nid uf Möischter ie hüröte, was
meinst Du, Breneli?“ „Allwäg“, seib 's Breneli, „ehnder
nähm i de Erst Best, wo häre chäm; und wenn jeß d'Türe
usgieng und Einen iechäm, i nähm en ender und mieh em grad
e Schmutz; und das wär de erst Schmutz, wo-n i imene
Mannevolch gmacht hätt!“

Chum heb 's Breneli das gseid, so gohd d'Türen uuf,
und e hüßche, junge Bursch stohd uf einisch do. 'S sind
Alli rächtmäßig verschrocke, und d'Zinkemarei heb Furio, Mör-
dio und Hälzio gschroue; aber 's Breneli stohd uuf, gohd uf

de hübsch, jung Burst zue, gid em d'Hand und macht em e Schmutz zmitz uf d'Bagge. Do rüeft 's Bäsche Bänz: „E, das isch jo de Franzepp, im Breneli si Schatz!“ Do hed's de Andere taget, und si hend umäßig müesse lache. De Franzepp isch aber do gstande und hed gluegt und glost und hed nid chönne begryffe, was das alles z'bedüte heig. Aber 's Breneli hed en ufe Bank äne gfuehrt und hed zue-n em gseid: „Due, di donstigs Waar do hend allerlei über Möischter b'brichtet, und 's Trineli hed gmeint, es wett emel nid uf Möischter ie hürote. Do ha-n i dänkt, i wel si zur Strof e chli verschrecke. I ha di just gseh gägem Huus zue cho, die Andere hend nüd devo gmerkt und i ha au gmüßt, as di d'Marei und 's Trineli und de Tönel und de Fridli nid könnid. Do säg i zum Trineli: „De hesch rächt und 's isch mer au es so. Ender näm i de Erst Best, wo zur Tür i chäm, und gäb em grad e Schmutz. Do chunnst grad Du ine.“ Do hed de Franzepp au müesse lache und 's hed e weis wie gfreut; de hed scho lang gärn vo sim Schatz es Schmügli gha, aber 's Breneli hed e alle bloget und hed em kene welle gä.

D'Jinkemarei hed no lang a Hände und Füesse zitteret. Do macht 's Breneli: „Jere, d'Marei, me müend ere nes Mixtürli gä. Se, Seppe, bringid öppis.“ Do chunnd d'Seppe mit eme große Becki gschwungnegi Nible und mit eme große Läckueche, und 's Breneli seid: „Längid zue und machid keni Spändisözi.“ Ali hend si dra hi gmacht und nochhär hed 's Breneli no nes währschafft's Chriesiwässerli lo bringe. Do sind si zäme lustig gsy und 's isch g'gange, as 's i de sälbe guete Zyt nid schöner cha go, wo nochem große Chrieg chunnd, wi de Rigelitomme profizeiet hed.

Im Franzepp hend si Alles b'brichtet, was si voräne zellt hend. Do seid zlegst 's Bäsche Bänz: „Und ich wil ech iez no säge, worum as mer z'Möischter so wenig Lüt gsiehd umelauffe. Das isch meini grad di gröschte Ehr füre Möischtererer Pläcke. Und de Sant Michel weis wohl, worum as er so gärn z'Möischter blybt, ufem Turm obe. Sösch wär er

dänk i dem chalte Winter scho lang devo gfloge. Und as mer also z'Möischter so wenig Lüt gsiehd umelauffe, das chunnd vo dem, as d'Möischterer rächt flyßegi, gytegi Lüt sind, gärn behäime blybid und schaffid. D'Ehorherre bättid i de Chile vo de Horeffe bis am Obig, di andere Mannevölscher wärchid i de Butige und uf de Streckene, und d'Wybervölscher, alle Respäkt, die wend ech de nüd wüsse vom Drume schwanze und Bisittle, nänäi, die blybid hübsch behäim und lizmid und hüegid und schnorpfid ire Manne und Buebe d'Hose und d'Hömmli und d'Strümpf."

'S heb im Franzepf grüßli wohl to, as 's Bänsche Bänz di Möischterer Wybervölscher so grüemt heb; ich han ech jo gseid, as 's Breneli au vo Möischter här isch. Aber 's Trineli wär fast e chli chynbig worde. Das merkt de Bänz und fahrt drum furt: „De müend aber nid mäine, i heig's i's Verding gnoh, die Möischterer Wybervölscher z'rüehme. I gibe jo gärn zue, as mer das eigetlich vo alle Fraue, Zumpfere, Bäsene, Hebende, Wöschere, Gotte und Herechöchene im ganze Kanton inne chönnt säge. Das chöned er a dem abnäh, so lang emel d'Mannevölscher ihri Schätz und Gspuske usem Für use trägid und underem Nsch füreschläipfid, mues emel bim Eid euseß Wybervölsch im Kanton inne no öppis wärt sy.“ Do isch 's Trineli wider b'baschget gsy, und d'Zinkemarei heb bi-n ere dänkt, wi au das wär, wenn so ne hübsche, junge Burst chäm und si anen Arfel näm und us eme Für usetreiti. Und de Hülpisridli heb gseid: „Ich bin emel mit Minere au zfride. Luegid nur mini Händ a und mini Bagge, ke enzige Ehräbel isch dra. Und es Schyt oder e Turbemocke heb f' mer au no nie noch grüehrt.“

'S heb agfange Obe wärde, do seib's Bäsche Bänz: „Jez mues i aber hei, 's sohd a feistere und sidem neue Gseß isch' gar verirlich, bsunders z'Chrimpsbach, aber au no ne chli i de Schmitz inne.“ Do frogid Ali: „E, wie so das, Bänz?“ „E luegid“, macht de Bänz, „underem alte Gseß heb's i iedem Dorf innen öppe-n es Wirtshuus gha und da

isch sid de elteste Zyte 's Glichlig blibe. Aber ietz tüend si an allen Orte neuu boue; bi eus i de Schwiz isch noni so schlimm, aber z'Chrimpisbach, Herrschaft vo Brattelle, wi gohd's z'Chrimpisbach! Sind er alle fröer uf Chrimpisbach use und hend welle zu 's Chübelibinders Hansieri, zum Nächstmacher, so hend er ech gnau chönne derno richte, de moni im dritte Huus linggs oben am Wirtshuus. Gönnd er aber jetz uf Chrimpisbach use und zellid 's dritt Huus abe und chlopfid a de Türe, so luegt ech bigopp 's Eschampelenannis Nänni, d'Heband zum Pfeister uus, und froged er de: „E wohnt nid do im dritte Huus oben am Wirtshuus 's Chübelibinders Hansieri, ist dā z'Huus zoge?“ „Näi“, lachet d'Heband, „Dā isch nid z'Huus zoge, aber das alt Wirtshuus isch nümme, und desür isch es anders ygrichtet, vo dem a müender jetz 's sibet Huus zelle; d'r isch aber ietz nid deheim, de müend am Fritig wider cho.“ Und gönd er de am nächste Fritig und zellid süberli 's sibet Huus ab, so ghöred er bim Eich, wi-n er dāgāge zue chomib, wi's Birestürmlers Marei iri Bueben abschmeizt, und de Hansieri müend er jetz im ölfte Huus obe sueche; und doch ist er nid z'Huus zoge, aber 's alt Wirtshuus ist yg'ange und es nöis isch wider do. Und gönd er i aller Lööbi zum Dorf uus, 's chunnd ech aber ufem Wäg z'Sinn, de heigib bim Hansieri 's Barisol lo stof, und gönd er wider ume und zellid eigeli 's ölst Huus ab und rüefid zum Pfeister ue, so luegt ech barhamelig 's Hutebüächis Seppe use und seid: „Packed ech furt, i weis nüd vo eue Barisölere.“ Drum isch so verirli, und drum go-n i jete hei.“

Druf zottlet er und 's Welke Tönel mit. Drum cha au eech jekt nümü witer's brichte. Doch, no Öppiä. Noch Östere hend 's Breneli und de Franzepf Hochsig und ich und mi Schaß sind au glade. Und ich und mi Schaß hend de im nächste Johr au Hochsig. De mues's goh! De wemm mer Gälb verlosimānte und wend löte und bangetle, und d'Musik mues Rumpedis Bumbedis mache, und mi Schaß mues en Underrock a ha und e Schleier und Rubelchor, as derno es

Vierli siß Schwänzli nid ördlicher cha ringle. Und es Möhli
 memm mer ha, as d'Rönnigin vo Angelland, wenn scho alles
 Gschirr, wo Die hed, i de Chuchi und im Stübli inne, vo
 Silber isch, as sogar die Königin, wenn si e Ghilte hätt
 und wett mit em Hochsig ha, kes bessers Möhli überchäm. Vosid
 nur: Zerst gid's es Schabimues; wenn aber eine lieber e
 Würmlisuppe wett, sele mer's bi Zyte brichte, de cham mi all
 Zistig ufem Chalbelimärt inne aträffe oder z'Chrumpech a de
 Ghilbi. De chömib de Schnitz und Häpere und feise gmöck-
 lete Späck druff und Jedem e ganzi Brotwurst. Zuni Nohtisch
 Schlottermilch, Salbinedüechli, Tröltichüechli, Chneublätz und
 Zigerchugeli, und für Die, wo wit hei hend, no nes Schwar-
 zes, as' ne ufem Wäg nid öppe gschmuechtig wird. Und jetzt
 no Öppis. Zu dem Hochsig ladi alli Lüt ufem ganze Kanton
 η, wo-m mer nie nüd z'Veid do hend. Drum sell nur Nie-
 mer über mi schimpfe. & so Eine chönnt de beheim hocke
 und ide Brodwürste und Schlottermilch go nohluege, und de
 tät em erst no wüest säge, dem Grebel, Mulaff, Hauslöli,
 Tätzschappetschüggi

Rämmert vom Mösli.

En Ausschießet

bi-n eus deheim im Habsburgeramt.

I.

I meine nämlich so uusgänds d'r füzger Johre, do isch es amenen Ausschießet chrüzfibel und bodelustig zueg'gange. Es heb aber au untastete Most gnueg gha, und bi de „Rose“ heb mer e guet übercho. Wy heb's fryli au gha, aber 's gmein Volch heb e nid trunke, wenn scho d'Moos vom beste „Biggeli“ (Chalberbluet heb mer em gseid) 8 und 10 Baße bloß gchostet heb. Nur d'Heere, d'Döcker, d'Hochsig und d'Taufete händ's nobler ggäh und Acht- und mängist Zwölf-Bägnen gsürlet.

D'r Ausschießet heb, wie jeh no, allig zwee Tag duuret, ne Sunntig und de Mändig druuf. Am Sunntig nochem vormittägige Gottesdienst heb er agfange; Nomittag sind gwöndli d'Statione ghy oder zwee Roschcränz, und währet der Zyt heb nid börfe gschlepft wärde. Überhaupt am Sunntig isch nie rächt vil los ghy; aber am Mändig ist de allig der Türel nümme wyt ghy.

Ordinari sind d'Härdöpfel uus und undere, 's meist ist gäjät, d'Streuji au gmacht und z'moste gid's au nümeh, as öppe-ne baar steiherti „Reinhölzler“ oder „Süürle“ oder „Bärlibirrli“. Und derewäg händ de d'Burebuebe scho ehnder d'r Zyt, ne Wächtig z'verplämple und z'verschlänggle; au us de Noehbergmeinde Ubligeschwil, Meierschappel, Chüßnacht, Risch, Düetel und Eibel chömid dee Schütze z'laufe.

Wi's rächt ist, wird am Mändig am Morge ne Gottsdienst, Schützegebächniß, für die verstorbene Mitglider abghalte.

Großartig ist aber dā Buech nie, z'Troz daß der Herr Pfarer, respäktivi de Schützerot „zu zahlreicher Theilnahme“ yglade gha heb.

Ist der Gottesdienst uus, he so wird i's Dorf abe zoge, mit der Fäldmusig veruusz. (Mer händ doh no-n e Fäldmusig gha. I weiß no wohl, wi-n allig de groß Gunz mit syner Posune g'anfet und g'schränzt heb, — „das heb bim Saffere-ment p'spfet und drummetet chrüz und quär überenandübere, — und d'Orgel-n im größte Lauf!“ — so heb de Wilmi-spärg-Seppi alli gseid.) Bim „Rößli“ heb's gheisse: Halt! M'r ist use; der Sankt Baschi heb au dörfe wider a d'Wärmi; de heb dusse im Näbel g'flore und nid umesust im Schütze-meister sis silberig Bätti eister um d'Nase-n umme g'schlängget, wo-n er e vo de Chile-n abe treid heb.

Schier en Jedere nimmt öppis z'Müni! Dā ne Suppe, Dā nes Gygä, Eine nes Most, Chäs und Brod, Eine ne Brodwurst oder gar ne Chuttl (die heb niemer so guet chönne choche wie d'Rößlichöchene, und Borzione heb's gā, lue . . .)

D'Fäststimmig heb noni rächt welle füre; 's ist halt no fräsch gsy und e Näbel heb's gha, mit Wegge hätt mer e chönne abspalte. D'Lüt sind do i der Wirtsstube ume gstande und ume ghoctet, wie d'Fleuge und sogar e schlächte Wiß vom Bächlerseppel heb nid immer möge durre. 'E heb au Eine oder der Ander e chli blau gha vo gester; das ghört mer a bene Geuße-n a, wo hie und do ne Musikanter us sym Guugg use morrt.

„Wott's ächt au nonig uftue?“ frogt asig Eine der Ander. Woll, bigopplig, jeh chunn'd 's; heb mer vorig ase so einist um anderst ne P'supf ghört vom Schützehuus abe, so soh'd's jeh a weidlicher chlepe. Aha, d'Sunne ist hinder'm D'sewald use und zännet dure Näbel abe; in ere Halbstund ist alls usbußt und de prächtigist Spotherbsttag lachet uf eusi schwarze Dätschhüüjer abe. Also au use-n i's Schützehuus! —

Wemmer mer hüttiges Tags uf eme Schießplatz i Gm zue-
luegt, wie-n er syni 10, 12 Schütz us me Wetterli use-
bülveret, wenn's prässirt, ohni nur einist müesse-n i Patron-
täsche-n ine z'länge, so hed mer fei Vorstellig vo de Waffe
und vom Schieße-n in eltere Zyte. Wemmer mer au grad nid
dere Schießprügel (Kollgrwehr hed me ne gseid) gha hed, und
grad nid sövel langsam ghandiert hed, wie der Wapf sälig
bschribe hed: en Anderlei isch halt doch de gsy weder jeh.

Do stöhd luter Standstuger in bene Ladbänke noch mit
schwäre, schwäre-n achteggige Läufe und täuf, täuf uusgschweifte
Cholbechappe. D'Absichte ¹⁾ händ natürlig no nüd vo Metre
gwüßt; uf einer Syte dra hed's gheisse: 200, 300, 400 Schritt
und so wyters, und wenn's guet het welle, so sind uf der
andere Syte d'Schue ag'gäh gsy. So (i meine-n e Düeteler
sig's g'sy), Eine hed es Spärabaktivi ²⁾ oder öppi's Lufels
so druuf gha und en Art Bolster underem Vordererschaft, as er
rächt hed chönne-n nstüke uff der lingge Hufst. Churz und
guet: Standstuger und Standschütze hed mer doch no gha und
das ist gnueg gseid.

Do wärid mer also im Schützehuus; es stürmt no nid
grüseli, 's ist immer no e chli dimmer gäg de Schybe hindere
und no e chli chalt. D'Abwarner, e so Lämpibuebe, wi-n
ich au eine gsy bi, huchid i d'Händ und lüpfid d'Bei, as
wi d'Hüener, wenn si im ene Hampeißihuusse ³⁾ -n inne stöhd;
si chönid d'Chehrmarke schigar nid vo de Bänke-n uschnüble.
Gottlob wird no nüd gstoche, lust müßt de Schryber au nid,
wi-n er müest d'Fädere i de Chnode widerha.

„Wohl, bigopp, jeh wott i au drache!“ seid der Hänfel und
gohd go lade; Dem wämm mer e chli zueluege; Achtern!

'S Bulvermäß schön gstriche voll i Lauf abegschüttet,
's Schmutzbläckli und Chugle druuf, zerst mit dem Stämpfel
und de flache Hand öppe handbreit i Lauf abe gschlage, Lad-
stock druuf, abe mit dem Gschmörz, de Hahne glüpf, daß

¹⁾ Absehen. ²⁾ Perspektiv. ³⁾ Ameisenhausen.

d'Luft cha-n ufe pfuufe, Hahne-n abe, d'Ladig ganz abe, de Ladstock zweu-, drüümol hübscheli lo pletische — 's hebe! Füre zum Stand, de Stuzer abgleid, uf d'Schybe füre g'nyffet, nes Hübli usem Schiletäschli füregchnüblet, usgsetzt, de Hahne-n i d'Rueh, de Stuzer undere rächte Rockfäcke ngsetzt, de Hahne gspannt, gstoche — so jetz, wenn's nüd Anders dry gid, so cha's de öppe einist abgoh. Lueg jetz wie-n er nyffet und zännet, wie wenn er es Viertel Zipperli im Buuch hätt — (das heisst zile) — tätsch! — o der Tüfel! 's heb grätschet¹). — Gschwind e Guse-n usem Rockhage füre zehrt, i's Kanöndli ine gstützt (de heb halt de Stuzer scho lang nümmе brucht und hant's de gärn öppis Dräcks drinn a), es neuз Hübli und — i Gotts Name! ne täuse, täuse-n Otezug und 's Zile gohd vo neuem a — Pppaffi! use-n ist er!

„Dä sett, mi Seel, nid wit sy! I han e verfluemet schön gseh!“ seib dr Hänjel.

D'Schybe goht abe — 's gohd e chli lang, bis si zeigid —

„Ist er ächt scho drin inne?“ Er meint im Zwäc.

D'Schybe chunnd ufe und die schwarz Kelle zeigt es halbs Chloster grad underem Schwarze-n ie. Wie dä Hänjel spyret!²) und es Gsicht macht er, wie ne läge Händsche; bald luegt er a d'Schybe füre, bald ufe Stuzer, schüttleb de Chopf; ändtli macht er: „He nu; 's wird dank doch eso sy!“ und nopperet öppis a der Absicht umme und gohd de wider go lade.

„Seh, Hänjel!“ rüeft der Abwarner, „d'Marke!“ „S nächst mol de!“ seib de Hänjel und lachet uf de Stockzände hinde. Was gilt's, de meint, de Bueb vergässi's de, im nächste Mol zwoo Marke z'häusche? Dä Luuser!

Do ist er wider. De zwöut Schuß hert unde-n am Schwarze-n a und pfuffegrad.

„Dä verd...; no z'täuf!“ mutteret er. Demol macht er aber nüd a der Absicht, aber jetz wird eigeli glade, und er tued zwen Böyndeli Bulver meh ine. — Zum dritte Mol! . . .

¹) versagt. ²) gespannt hinsieht.

Ppaff! — 's Augewasser chunnd im Händel; de hed e Nase-
stüber übercho. — —

„Sossossossoo! Zueche, zueche, zueche!“ Was brüelet er
au eso? Wie Dä ne Freud hed! Alls luegt; was Guggers
isch au?

Aha! Die muß Chelle chunnd demol füre und macht zerst
allerlei Gaugglereie-n und Spändisözi, immer nöcher und nöcher
i's Schwarz ie — e Sekunde stoht si z'mitts drinn still und
schiebt de wi ne Wätterleisch abe. Wichtig; do chunnd au 's rot
Fähdli füre: De hed, mi Seel, e Zwäckschuß! Gsehst det
chunnd scho ne Zeiger mitem „Bläpli“.1)

„Hest mer e gseh?“ seid er jetzt und de Händsche hed si
gfehrt; „jetzt will i aber Eis go näh und de stäche; ich cha
de bernoht no i d' Rehrschnbe bbängle.“ —

Meh oder weniger händ's die Standschüze all eso. Aber
so mänge-n as ist, so mängerlei Tuebium chömid füre; 's ist
um Rhindesörwärde, wemm mer bene Burste zueluegt, wi si
Gsichter schnydid, niggelid und näggelid, fluechid, wenn's nid
rächt will, juzzid, wenn's guet goht und all Port e Nummere
chunnd. Mängist cha's es gäh, daß Eine im Chehr schießt as
wi ne Täll, und wenn er de wott stäche, chunnd er de Schlotter
über, 's Stichfieber, wie si sägid. Do zilid si, leggid wider
ab, zilid wider und Eine denkt: „I Gotts Name!“, en An-
dere: „I 's Tüfels Name!“ ('s ist nid schön!) und lohdt e
halt fahre. Eine seid: „Wenn's nid will, so taged's nid, und
wemm mer — der Absatz zum Pfeister uus streckt.“ — En
Andere meint wider: „Wenn Eine mueß es Unglück ha, so
gheit em no 's Brod i 's Hung inne!“ Und so wyter, und
so wyter!

So isch Mittag worde, de weist nid wie. So wemm mer
dänk au Oppis go näh und die Gobe-n e chli beaugapfle. Do
hed's allerhand für Chregobe. E funkelnagelneue Füßliber imene
tusigsnätte, rote, sydige Pünteli inne (i will wette, dä ist vom

1) Karton.

Notsherr); Mänge zünglet no dem; ne Pfister hed zwee Eierzöpfe, en Andere en Eierring ggäh — Eier! oho! Det wyter unde-n ist e Guttere: allwäg sibejöhriß Chriesiwasser. Mitts unter dem Büß ist au ne Räh; was Tüfels, e Räh? Jo, jo; aber do steckt näumis behinder. Es Glettyse, en Achs, es Seckli voll Kase, ne Stange Seipfi und e Huuffe lâr Zebdel liggid no ume. Die sind mângist no nid z' verachte, wemm mer öppe dâ vom Herr Pfarer verwütsche cha, ehm! — Aber di merkwürdigist Gob ist die vo de Steibrächere. In e Kasejack ie schön ngwicklet, rund wi-n es Chäsli, wurd mer brezis meine, 's wâr so nes Brotchäsli, wi f' i de Ländere-n inne hând. Aber wemm mer dâ Chäzer lüpft, so ist er wi Blei — das wâr e „Bleger“, sägid d'Ländersenne. — Nei, i weiß was 's ist: ne Schlyffstei! — Daß derartige Chäs gemeinli Keine will, lid uf de Hand, und so wird de das Gschänkli allmig öppe am nächste Sunntig lustig vergantet.

II.

Wie d' Schweizi uf 's Mueß, ghört natürlî use Schießet au d' Schützechilbi. Wer am Samstag noch der Schuel dur 's Dorf abe ist, dâ hed scho chönne merke, daß näumis los ist: e ganze Huuffe Buebe sind zwüsche's Altwirts Trotte-n und 's Wirts Säustal inne gstande und hând zuegluegt, wi si meßgid, bis öppe-n einist unverhofft der Andres mit de Säublotere under si gfahre-n ist und ene uf d' Schâdel ine ghauue hed. So hed mer dee deheim scho chönne uusrächne, wi's Schützenâsse uusfällt: zerst e Suppe, ne einäuggigi (si hed nur eis Aug gha, so seiß ischi immer gsy!), schwynigs Borâsse, Säubrotis, Schwynigs mit Späck und Suurchrud, Brotwürst und so wyters, und so wyters.

Se, de ganz lâng Sunntig hând f' brote und bräglet i de Chuchi, und d' Chöchene ist mehde-n einist i d' Gaststube go hörchle, was d' Lüd sägid: „Wie schmôcht das Wörskli, Herr Tofter?“ — „Wie ist der Brotis, Herr Gemeindamme?“ — Guet, guet, guet, Chöchene!

Also, 's Absände schynt verby z' sy a dem Gtürm a, wo-n im Gang usse-n ist.

„Seeh, sägid, Schüzemeister, chönid mer asoh uusträge?“ frogd do asig d' Rose. — Jo, jo, bringid's nur, so chönid mer asoh! — Wenn's ame Sunntig zämme lüted, 's sind nie All so gschwind binenand, as wenn do öppe-n Eine seid: „Du chumm, si sönd asoh ässe!“ Eis, zmeu, drüu — ist Alls hinter de Tische. — D' Musikante sind im „Sirze“ hinde (im Hinderstübli) hinter 's Züg gläge.

Wo-n asig das Schwynig mit „Späck“ und die Schöche Nabe verschwunde gsy sind, ghört mer Eine unde amene Tisch-egge schüzelig schnuse; de heb es Mässer i de Hände und tued beglyche, er well an es Glas äne schloh, dee luegt er wider umenand und macht es grüsligs ärnsthafte Gesicht. — Isch ächt dem Ma nid wohl? — Nei, jekt chlinglet er, stohd uuf, wott s' Mul uftue — do chunnd de — Brotis —

„Still, Effiger, abe-n Effiger! zerst de Brotis!“ rüeft's vo-n allne Syte, und lache tüend i': Hahaha, hihohohohohähähaha! — Ne Ned heb er welle ha, der Effiger; wüssid er, amen Uusschießet bi-n eus dörfid Fästredner no weniger fähle, as amene „Eidgnössische“.

Es heb nid lang duuret, so stohd er wider uuf und fohd a:

„Also — — (mit also fohd mer kei Satz a, heb euse Diräkter mängist gseid; aber das heb der Effiger nid chöne wüsse; er ist jo nur e Wäber gsy.) — also, liebi Mitglider, euse-n Uusschießet wär wider einist übere — (es lachet näumer im Hindergrund). Effiger (lachet au): hähähä — übere, und es wär, meini nur am Blatz, wemm mer tätid a die verstorbene Mitglider dänke, wo-n allig au doh a dene glyche Tische ghocket sind. Dernoh möcht i allen Dene danke, wo hütt eso flyßig z'Chile cho sind ('s ist aber äbe nid wöhr gsy) und z' Opfer gange sind. Aber hauptsächlich möcht i

doch de Rose und de Chöchene für das „guet und gnueg“
 Ässe danke, me heb nid all Tag dere — Also bene Tote,
 bene Chilelute und de Rößliwirtene gilt mis Läbihoch: Si
 läbib: Hoch, hoch, hoch!“ — Abe hochet er, wuestet und
 gohd wider a sy Brotis; de heb er aber scho g'ässe gha;
 aber was machti no mänge-n Andere i so-n ere-n Uufregig!

Jetz wird's afig e chli läbig, d' Musig heb afig es „An-
 banti“ losggäh, jetz chömid scho Mazurka, Polka, Buuchryber
 und — Eine mueß halt asoh — der Schützemeister nimmit's
 Rößi bim Fäcke — und 's Tanze gohd los! —

I de Stube usse han i scho lang gseh, as de Dokter mit
 eme chlyneren Herrli redt; dä Herr schynt us der Stadt z' sy,
 treid e Brülle und heb a dem Trybe vo bene Buurelute grofi
 Freud. — Es ist es zytlang g'ange, d' Tänzer sind wider a
 de Tische gsy; doh gohd de Dokter use-n i Saal (me heb
 use-n und ine chönne, wi mer heb welle, d' Stube und de
 Saal sind, wie jetz noh, näbenandere gsy, und me heb chönne
 d' Wand use näh) zu mene große Ma zue, mit schöne rote
 Bagge und große, heimelige-n Auge, und heb em öppis i
 d' Ohre-n ie gseid. — Do ist öppis im Speel, ha-n i dänkt,
 wo-n i gseh ha, wi de Dokter glachet heb uf de Stockzände
 hinde.

Guet, dä Herr heb de welle mit de Zürripost gäge Luzärn
 zue, am Ofsi z'nacht. 'S ist afig Zähni verbi gsy; es sind
 neuji Guttere cho gsy, d' Musig heb e chli gruehjet — do
 stohd dä Ma uuf, wo-n em de Dokter öppis gseid heb — —
 „De Wysel, der Alenysi, dä „Dychi!““ rüeft's vo-n allne-n
 Egge-n und Ände, aber ganz hübscheli — die zweut Red stygt:

„Hochverehrte Herr Bresidant!

Wärti Anwäsehti!

I möcht au ne bar Worte rede, z' allererst au vo de
 Totne, 's ist nüd weder rächt, as mer Derer gedänkt, wo-n
 eus vorag'ange sind i d' Ewigkeit. Mir müeßid is aber nid

fürchte, wemm mer scho wüssid, aß mer au det dure müend, sondern mir sellid dänke von ene: „Sie haben einen guten Kampf gekämpft.“

Aber no öppis anders! Es ist e Ma under Eus hienecht z'obig, dā si so gmein macht, daß er's nid für z' vornähm gha heb, eus mit syner Gägewart z' beehre. Es ist dā Ma, wo-n eusi Schuele chunnd cho inspätzionire. ('S fohd im Alernyi asoh warm mache ob syner Ned: entweder weiß er nid, wo uße, oder er heb öppis vergäße) Är heb d'Uufficht, aß eusi Juget brav lehrt — und e settige Ma müesse mier verehre, dā-n eus bsunders a dem hüttige Obig“ — — — (S mueß do gschwind e chli underbräche. Wi der „Dychi“ so grebt heb, ist de Dokter uße, vom Ma erwägg; de heb 's Lache nümme chönne vertha. Dā Herr heb bald a sy Uhr gluegt, bald uf de Alernyi-Schüßeredner und ist gsy wi uf glühjige Chole; 's ist zwee Minute vor Dsi gsy und d' Post heb jede-n Augenblick chönne cho. „Wott er ächt noni bald höre?“ dänkt er, aber devo laufe heb er schandesthalber au ned dörfe; de heb müesse lose) — — — „a dem hüttige-n Obig bi euser Schüßechilbi beehrt heb. — Also: Ali eusi verstorbene Mitglider, sowohl die Toten, als die Lābāndige, und ganz bsunders euse hoch verehrte Herr Schuelinspätker — — eh — eh — Hi—Hizi—Mizi—Milzibrand: jie läben Hoch! Hoch! Hoch! Xtra: Hoooch!“

Und e grüßlige Sturm und Lärme ist uusbroche, d'Musig heb ne Tusch und druf abe ne Marsch blose. Im glyche-n Augenblick, wo 's Xtra-Hoch uße-n ist, ist au de Dokter wider ine cho zum Herr Schuelinspätker Hildebrand und heb si gschüttet vor Lache.

„Die Kumedbi heßt Du ag'grichtet“, seib der Herr Inspätker zue-n em; der Dokter heb nur glachet.

Aber das ist sicher, daß 's der Alernyi i syner grade, eifache Manier vo Härze guet gemeint heb; und daß em de Böß (i meine de Dokter) öppis i's Ohr ine blösterlet heb,

für das hed er jo nüd chönne. He nu, es händ Alli glachet und Freud gha, Alls hed's guet gmeint.

Aber d' Post? Ohä, die ist durre gsy; bi dem Läbihochbrüele hed natürli kei Mönstsch 's Gschäll ghört, wo si cho ist; i glaube=n aber, de Dokter hätt si scho gseh vo 's Chlosterbuure füre cho, wenn er hätt welle; aber er hed halt si liebe Fründ lieber by=n em gha.

Wo die Red grebt gsy ist, hed 's Tanze wider agfange; die eltere Herre mit Schlaarpstifle sind afig eine um der ander hei decklet; aber die Junge händ no wyters ghalegeret; 's ist ei Ländler um en ander abeghaue worde. Zwüschetie hed der Laubi und der Bugg e Pantemine usgfuehrt und 's Kameel ussem Syrerland, bis öppe=n Eine es Brämi a der Nase ume treid und en Andere — Platsch — richtig ime Standli voll Wasser unde ghocket ist. Das hed aber ned böös Bluet gä; d' Chöchene hed mit eme Schwarze de Frede=n erhalte, und — ä bah: ne Freud in Ehre cha niemer verwehre — 's ist allwäg bis wyt i Morge=n ie g'gange. Die Bött, der „Kinderchnacht“ und Anderi seigid ömel am Zystig scho gäg der Stadt zue gfare gsy, wo de Leggst zum „Rößli“ uus gstolperet seig — 's hed wider Näbel gha: aber nid nur über allne Hüüsere, au under vile Hüete und Chappe — au die gönd mornderig's allig wider furt e so um's Znüni ume. — —

Das ist en Ausschießet gsy. Und hüttiges Tags? No ne Schatte devo! Fryli, wenn's öppe au wider einist es paar gueti Johr gäb, as d' Buure wider einist 's Gäld i de Hände hättid, nid nur d' Gschäftsagänte und Gültehändler —: dee chäm's au gwüß wider anderst! Mer wänd 's emel hoffe! Uf Widerluege!

J. Hoos.

Ne Michelschrüz=Chilbi vor öppe zwänzg Johre.*)

Vor öppe zwänzg Johre! Du lieber Himmel, dozmol isch no anderst zueg'gange weder jetz! Es hed zwor do bi eus no kei Nsebahn gha, kei Fabrik, kei Milchsüüderei; d'Lüt händ neume nid so vil Gäld gha wie hüttiges Tags; aber rycher sind si glych gsy und lüstiger, fideler, aber au no ruuchhödriger und unbauzter.

Es ist e prächtige Herbstsunntig gsi; am Morge het's fryli ne sturmbicke Näbel gha und d'Bäum händ rächt uheimelig i das verbrauslet Laub abe tropfet. 'S Obst ist 's meist abe gsi; nur hie und do ist no öppe-n es Gränggeli-Birrli höch obe amene Estli mueterseelenelei ghanget. Nu, so ume Zähni soht's aso uustue, und bald hänim mer de schönst Himmel und di herrlichst Sunne gha.

Do chunnt e Fründ vo mer us de Stadt uf Bsuech, und i ha-n em kei größeri Freud gwüßt z'mache, as mit em a d'Michelschrüz=Chilbi. I ha scho gwüßt, wenn d'Stedtler einist uf 's Land use chömid, so möchtid si für ne baar Baße Huut und Buuch voll ässe-n und trinke — und das git's zerst an ere Chilbi, bsonders do, wo mer für öppe zwee Baße no e ganzi Moosß Most hed chönne chaufe.

So simm mer hübscheli de Berg uf gchräsmet und d'Sunne hed is gar prächtig use Buggel ie brönnt. Me sind no z'früh gsi; 's isch no nüd g'gange, und d'Lüt sind bloß hei gsi vo der Chile.

Aber lue, d'Ständ sind asig uufgmacht, und öppe hie und do schießt au scho ne Chällneri ummenand, wie-n es Wäspi

*) St. Michaelskreuz, Gemeinde Root, im luzernischen Amt Habsburg.

innere Guttere-n inne. D'Chrämer sönd a uuspace. — Lue det, wettig zwee schön Schoosböck! Die wärdid uusgheglet.

Am Schmöcke-n a gohd's i de Chuchi au öppis. Die händ übriges scho am Donnstig agfange chüechle, Zigerchrapse, Chrosi- und Dschrapse, Cierröhrl und Hirzehörnbli mache; am Frytig und Samstag wird de gsotten und broote, was vo Wände gohd. Es wird halt grüseli gfrässe so amene Tag, — wenn's schön ist. Isch de aber schlächt Wätter, so het's gfählt, und de Wirt het mit sim Huuse Zügs en unändlige Schade; chausch der tänke!

„He, ihr Herre!“ rüeft do de Satzgräber, „wänd Er nid e Bock mit Ech hei näh? Lönd Ech aschrybe!“

„Nei“, säg i, „jetz nonig, me wend no zerst zum Chäpeli use, e chli go über d'Schelme uus luege. — He, chumm! So, do wärdid mer jo dobe.“

„Äh“, gruchset do mi Fründ, „isch das ne Prachtsuusicht! Und es Lüftli!“

„Jo, lue, i will der das Züg e chli erkläre. Das det isch de Zuri-Albis mit bene vile Dörfere; det z'obrist, säb isch Huuse, wo de Zwingli im Chappelerkrieg umcho isch; derhinder obe de Ütlibärg; dä nöcher do äne isch de Zugerbärg mitem Roßbärg, wo anno Sächsi Goldau verschüttet heb. Es syg e wahre Gottesgarte gji und jetz isch eso ne schüülige Steiwüesti. Stei wie Schaubschüürli het's wyt änesör a d'Rigi use gjagt. — Wyter hinde ghefst d'Schwyzerhöögge und so wyter; d'Rigi könnst doch? Meinti mer nid, me chönnt mit eme Windärbstidel uf d'Kulm übere länge? Wyter gäge Süde chunnd de Bürgestock, 's Buechserhorn, Stanserhorn, de Titlis und so wyter. De Pilatis streckt nur d'Eselohre-n e chli hinderem Ochsenwald use. Gäge Weste ghefst 's Rägeslüeli, 's Mittaggüpfi, de Napf, Rußmeler, Rotteler und Lindebärg. Wyt hinde, dä blau Struffe, säb isch de Jura.“

Jetz wämm mer d'Dörfer e chli gschaue: Düetel, Rüti, Seis, Au, Bäuel im Freienamt, Muri, Frauethal und am Albis obe Hebige, Affoltere, Mättmistette, Rifferschwil, Augst, Huuse,

nöcher härwärts Chnonau, Steihuuse, Chom mit dem schöne Chileturm, 's Städtli Zug, berüemt wäge dā Chappe; wyter obe-n am See Walchmül, wo dā sogenannt Ruppizwicker wachst; Arth. Zwüsche dem Roßbärg und de Rigi dure gseht me Lauerz und ganz wyt hinde de Fläcke Schmyz. Schint nid jeh grad d'Sunne druuf ine, wie i der erste Szene vo Schiller's Täll? — Wil mer grad vom Täll redid: lue, do unde isch Immissee mit der hohle Gaß. Sāb isch Chūsnacht, e schöne Fläcke mit lustige, freisinnige, aber e chli unbauzte Lüüte. Wyter hinde lib ganz i de Bäumen inne „Tunis“, eh — selli säge Greppe. Im Weste Abise, Amme, Blatte (ne Wohlfahrtstort für alli Zumpfere und dito Buebe), Malterz, Hällpüel und Rotheburg, usem Freischaaezug bekannt; Rāin, Dschebach, Eibl, Balbl, Hoftere, Honeri (mit der Taubstummenastalt) Römerschwil.

Was das für Seee sind, chaust sälber uusrächne; und das silberig Band do unde, das isch d'Rüß.“

Jā, 's isch prächting do obe so amene schöne, heitere Tag, bsunders de no am Obig, wenn d'Sunne wie ne fūrige Chugle det so hübscheli hinderem Jura aberütscht und d'Alpe glühjid, und öppe hesh de no nes Schätzeli am Arm und es chunnd scho hie und do nes Stärnbli füre z'gugge, nu . . .

Aber los, wie goht's dunde him Wirtshuus! Chumm, me wänd abe; i ha Durst!

Jesesh, wase Lüüt! Und d'Ständ händ si gfüllt: Läckhueche, zääch wie Händscheläder, gmoleti Kaffeebeckli, Gleser, Gütterli, Bätti, Salzbüchsl, Zintegschir, magere Chäs, Guezeli, fūrroti Härzer mit grüüslige Sprüche, Fūrstei mit allerlei Värslü und Sprüchli — lue, do lit eis; wie heist's?

„Die Liebe ist der Feuerstein,
Das Mädel ist der Zunder;
Und fällt ein Fünkeln Feuer drein,
So brennt der ganze Plunder.“

Los jeh, wie di Chrämer ihri Nummere-n uusbrüelid und wie si Gspäß machid:

„He, guete Fründ, nänd die zwee Nummere no; es sind die leggstē; nänd ji, se lauft's! Wäg eme Bätzeli! — So, so, so! Es lauft, es lauft, es lauft! So, sso, ssoooo! Hooruus! — 'S Zähni heb's! — 'S gohd früsch! Dozue, Dozue! — He, Herr Posthalter, machid au einist! Und de Herr Lehrer nimmt au nes Nummerli! So, so, so! — Geh du junge Ledige! Duo do, wettigs Härz für di Schatz; ober das Titti! Hähähä! — so, sso, sso! Es lauft, es lauft, es lauft!“

„Höuf!“ brüelet uf einist de Ehgelbueb dry. Und es „Bravo!“ brüelid die Bärگزler Buebe, daß' ein trümmig wird. Es het halt Eine von ihne Höuf gschosse.

„Durre!“ brüelet's wider vom Ehgelplatz abe und es marzialisches Glächter folgt driuf. De Schuelmeister heb gfählt.

So gohd's der do usse de ganz lang Nomittag zum z'Hindervörmärde. Chumm, mer wänd jetz i's Huus inne.

Herrgott vo Brattele, wie isch do nes Gtürm i bene Gänge ume! D'Wirtztube, 's Stübli, d'Hinderstube: alls isch gftungget voll; wemmer nu no e chli Platz überchömmid! — Woll — lue, det rüeft is de Bundestoni:

„Chömmid, Herr Lehrer, do git's no Platz, wemmer is e chli zämme lönd; chömmid, tüend Bscheid!“

Nu, so wänn mer do abhocke, mer gsehnd do grad schön i d'Chuchi ie. Lue, lue, wie Die ummenand schießid, wie ne Blost in ere Latärne!

„Ne Schoosbrootis!“ — „Es Läbberli!“ — „Drei Brodwürst!“ — „Ne Schwynige!“ — „Ne Borzion Hamme!“ — So rüeft's vo-n alle Egg-n und Ände und d'Chöchene wird halb verrückt. — „Ne Suppe!“ rüeft Eine. „Was? e Suppe? Dä sell mer . . . bald öppi gseid!“ so schnauzt d'Chöchene.

Und lue, lue, wase Hüüffe Chüechli und Chrapfe uf bene Tische, und Most und Wy! Jo, jo, so an ere Chilbi meinti mer, 's hätt Alls Gäld mit Löffle z'frässe!

Aber eus bringt Niemer nüd. — Wowoll, do chunnd jo d'Tochter sälber.

Gott grüß Ech, Marie!

„He, Gott grüß Ech wohl! Au do? Das isch schön; was cha-n i bringe?“

„He, ne Halbi Most und wenn er süß isch, e Schoppe Rote derzue, und zwee Borzione Chrapse!

„Sofort, ihr Herre!“

Das isch die einzig Tochter vom Wirt. Das gib einist e Warmi!

„So, do, ihr Herre! Wohl bekomm's!“

Danke, was chostet's?

„Nes Fränkli, alls zsämme, will's Euch isch;“

Do isch! Me wänd Ech nid uufhalte; de händ gar vill z'tue.

„Jo, Gottlob! — Gönnd e chli überufe! Bhüet ech Gott, ihr Herre!“

Los, was rumplet eso? — Aha, do chömmid si mit Ein dur d'Stägen abe. 'S häd gwüß scho Wortwächsel und Affärre g'gä; drum gheijit si Dä use. Nu, weist, das ghört zun-nere rächte Chilbi: ne Täschte mueß sy, sust isch nüd; und 's gib eister Dere, wo 's ne nid wohl isch, bis si 's Dach voll händ. — Übriges, weist, so ne Chilbi isch nes kvasi Randiwuh vo de Geliebte und do git's de gärn Nfersucht, wenn öppen Eine mit Einere schön tued, wo imene Andere kvasi versprochen isch, und do git's halt Rybereie und ifolgi Ribfis gohd de Züür uuf.

Nu, will Eine weniger isch, wänd mir jetz e chli überufe. D'Diethålm-Musig spielt, und das flott. — Aha, lue do, d'r Landjeger: jo, die chömmid au eisti hindedry, wie der Tüüfel i d'Stoffle.

Do isch au alls porzet voll, me cha jo niene durre; die verfluemete Reiströck! Und bernäbelzue, i de Trotten usse: au alls gfüllt! — Aber Du: das hed gwüß au si Bedüütig, daß mer de Tanzsaal grad näbe der Trotte zue bouet hed und grad obem Eöustal uuf; meinsch ned? — Los, do sönd si grad ne Ländler a — o du lieber Gott! Welles Gftungg! Und

das Gjuchz, — dä Miggis, — das Gstampf! Es isch mi Seel, wi wenn der jüngst Tag noch wär! Lue die Chüs-nachter Meitschi, mit dene Chöltsch-Röcke und dene Pfyhle im Hoor und dene „Hackbrätter“ vor de Brust!

Me wend gschwind e Schoppe trinke und de mache, daß mer zu dem Brägel uus chömmid. 'S gib zwor de' no Fүүr-wärch; aber mir wend de bedürab! — Guet Nacht allerfirs! Chömid guet hei! — — —

So het's vor zwänzig Johre an ere Michelschrüz-Chilbi gläbt. Hüttigestags gohd's nümme-n eso. D'Nsebahn isch cho, d'Fabrik z'Bärle, d'Milchfүүberei z'Chom und so wyters. 'S isch jech vill meh Verchehr und d'Lүүt händ vill meh z'schaffe und z'sorge. Ame Sunntig gönd si de Gschäfte noh; Eine gohd do hee, der Ander det hee; me nimmt d'Nsebahn und so chunnd mer meh usenand, anstatt zsämme.

Jryli hed jech mänge-n arme Lүүfel öppis z'verdiene, de hed's früecher nid g'ha. Aber das isch au wohr: 's isch mängs Stückli Gmüetlecheit und Poesy flöte g'gange i „dem Kampf um's Dasein.“

J. Hoos.

Es Märli füre Winter.

I bi näimen einist im letste Herbst in ere eigetliche Täubi
 gsi, i chönnt ech barhamelig nümme säge, worum. Re Möntsch
 hed mer's chönne rächt mache und i mues miner Secht dri
 gluegt ha wi nes ältere Jümpferli, wenne d'Hochsig im
 Blettli list. Bin i am Morge übere Schwaneplatz ie und
 isch d'Sonne hinter de Bärge füre cho und hed mi fründli
 agschine, so ha-n i zue-n ere gseid: „Was bruuchst du über d'
 Bärge ufzschrotte, du alti Gluggere; wärisch doch äne und
 hoche blibe. De schinst jo doch nur, as Euferein wider e
 ganze Tag mues ob der Arbet b'bücht si.“ Und bin i am
 Obe hei und hed mer de Bärge über's Wasser ie manierli
 guete-n Obe gwünke, so hane ne fur agluegt und ha-n em
 übere grüeft: „Häb di still, du alte Cheusi, de seist mer jo
 d'Zit doch nur a, as i wider mues hei go Brod ässe hütt
 wi gester und so 's ganz Johr. Ich wett, de feitisch i's Wasser
 abe und versufist.“ Ändtli isch mer alls verleidet. „Setz mues
 i einisch zum Züg uus, göi's dure, wo's well, so sch vergäggel
 i no“, säg i einist amene Morge; do ha-n i de Stäcke usen
 Gänterli use gnoh, es subers Fazenetli i Bumber ghalte und
 e Schluck Gyr gnoh und bi zur Stadt uus, i ha nid gluegt,
 wo's dure g'gange-n ist. Und wo nes Chäferli über 'd Stroß
 ie glossen isch, ha-n i's gwüß vertrapet; und wo ne schöni
 Blueme am Wäg a blüet hed, so hane si gwüß mitem Stäcken
 abgschlage. So bin i druf los gsurret wi nes Wäspi um's
 Hüsl ume, bis ändtli mini Bei gseid hend: „Setz träged mer
 dä wunderlig Kärlipurst nümme witer.“ Do ha-n i müesse
 am Wäg absetze uf e Stei; das isch zoberist uf de Bromegg

obe gfi; i ha das aber erst später gmerkt. Grad ha-n i wider agfange brummle: „I wett's doch au gärn ha, wi dere Lüt, wo chönid so do siße und nid de ganz Tag schaffid und Zohr uus Zohr η ihres glüchlig Brod äßid.“

„So, möchtst es eso ha?“ seid uf einisch es lises Stimmli näb mer zue; 's heb nid luter tönt, as wi wemm mer uf emen Acher usse näb eme Tufiggulbistöckli zue Muheime ghört, und 's isch es Mandeli näb mer zue gstande, es Littiblaefblatt hätt em 'es schöns Lilache g'gä. I andere Brite wär's mer furjos gspässig vorchö, so nes chlis Gschöpfli Gottes agträffe; aber do han i nid gwüßt, ob i öppis mel zue-n em säge; ändtli mach i doch: „Allwäg möcht i das.“

Do strycht er si lang grau Bart, luegt mi so a und seid: „Weisch au, was 'd wöischst — weisch au, wi's settig Lüt hend?“ „Emel besser as euferein gschlagne Tüfel“, mach i. „So, so, i will dir jetz zeige, wi's settig Lüt hend“, seid er do. De heb es Chetteli ume Hals ume gha, 's heb glänzt, 's isch meini ganz guldig gfi; und unde dra isch es chlis Glesli ghanget. Das gib er mer und seid, i sel dureluege. I mache 's eso. Do ha-n i in e groözi, groözi Stadt ine gsieh, a de Husegge hend d'Patärne b'brunne, 's isch e chalte gnäbliche Winterobig gfi. I han in e ängi Gafß ie gsieh und höch imene Huus oben in es chlis Dachhämerli. Det heb uf eme Tisch es Öllämpeli meh gmaugglet as brunne. 'S isch zwor nid nötig gfi, daß heiter brünni, 's heb gar nid vil Sache i dem Chrozeli inne gha, wo's hät chönne aschne. I ha nüd gsieh, as es eländs Bett, e Tisch und e Stuel. Uf dem Stuel isch e bleichi, mageri Frau gsäffe, 's hätt eim niemer müesse nen Eid druf tue, as si chrank seig, me heb ere's vorem sälber agsieh. Näb ere zue isch es chlis Meiteli grupet, das heb nur e bar eländi Hübel agha und heb gchlubert und zitteret. Sis Chöpfli heb's i de Mueter i Schos ie gha und heb lüli b'briegget und de alle wider gseid: „Mueterli, nur au es chlis Möckeli Brod!“

Do heb em de d'Mueter mit ihre dünne, wyße Fingere 's Hörli gstreichlet und heb gseid: „Wart no ne chli, 's Anneli chunnd ietzt bald hei, das bringt is de gwüß Öppis.“ „Mueter, Mueter!“ ghör i uf einisch usem Egge näbem Bett zue rüesse. Det isch es anders, chli elters Meiteli gßäffe. Di eint Hand heb's i sis verrißnig Schüübeli pgwigglet gha, i di ander heb's ghuchet. „Mueter, Mueter“, seib's, „gib du eus öppis z'äffe, 's Anneli heb jo gester au nüd hei b'brocht, 's bringt gwüß hütt au nüd.“ — Di Frau heb öppis welle druuf säge, aber i ha's gsieh, 's heb si rächt gwürgt und si heb nüd usebrocht. „Mueter, Mueter“, seib das Meiteli wider, „es frürt mi so und i ha hütt de ganz Tag no kes Bigeli Brod gha; am Morge hesch mer e Happer g'gä und sit do gar nümeh. De hesch mer doch einisch es Gschichtli verzellt, wi bi Ghind, wo schön tüegid folge, zu bene chöm 's Christchindeli oder en Ängel und bring ne allerhand schöni Sache. Rue Mueter, i ha der immer gfolget und möcht au nur es Möckeli Brod.“

Jere Gott, ha-n i bi mer d'dänkt, sind das ietz die Lüt, wo nid all Tag Brod äßid? Und i ha mit dem Glesli de Frau i's Härz ie gsieh, wi si an alti Bite d'dänkt heb. Si heb e brave Ma gha, wo uf ere ProfäSSION gfi isch, und si hend zäme e rächti Läbtig gha. Äß' ne nid schlächt g'gangen isch, heb mer a dem chönne abnäh, das ne d'Lüt ihri Sach nidig gfi sind, und 's gohd jo an alle Orte glichlig. Heb's Eine öppe-n e chli besser, heb er es Hämpfeli oder es Mumpfeli meh as en Andere, so isch en's der Ander nidig; und gohd's em schlächt, so seib der Ander: das heb er verdienet. So heb's die Frau no ordli gha, bis f'eren einisch de Ma tod hei b'brocht hend; der isch vo me Grüst abegfalle. Do heb die Frau meini gnueg z'tue gha, um iri drü Ghind durechschlänpe; und luegid, si heb ech gschaffen und gwärchet vom Morge früeh bis spot i d'Nacht ine, bis ere d'Finger fast abgfallt sind. Do isch es no so böß Ding g'gange i dem Dachstübli obe; aber ändtli mag si's nümme prestiere, si fohd a särble und cha nümme verdiene. Si heb i de ganze große Stadt

te Sel und keß Bei gha, wo mit ere gfründt gsi wär und eren öppe es Zeusbäplerli für Milch oder Brod g'gä hätt. Do hed si halt ihres ältist Meiteli müesse schicke, 's sell go bättle, und underbesse hed si beheim nüd anders chönne mache as jommere: „O chönnt i au schaffe, i tät's gar grüßli gärn.“ So isch i der Frau g'gange und an all das hed si do dänkt, bis mer uf einisch Tritt uf de Stäge ghört hed. „'S Anneli chunnd, 's Anneli chunnd“, rüefid die bede arme Gschöpfli. 'S Anneli chunnd inne. „Was bringst is, Anneli“? seid d'Mueter. „Do lueg“, macht's und 's hed ere bi rächt Hand äne gha. Det han i e groözi Schnatte dra gsieh, und 's hed no blüetet. „Jeren Anneli“, seid d'Mueter, „was heßt au?“ „Lue Mueter, i bi de ganz Obe i de Stroßen umeg'gange, und ha ghörschen, aber 's hed mer niemer nüd g'gä. Einisch ist Eine stille gstande und hed scho de Gälbsäckel füre gnoh, aber es isch en Andere bi-n em gsi und Dä seid zu-n em: „Ä bah, tamp iez nid no, fusch chömed mer z'ipot.“ Do ghaltet er de Gälbsäckel wider i Bumber und gohd. I bi afe so müed gsi und ha so Hunger gha. Do chunnd e junge Herr und seid, er well mer öppis gä, i sell nur d'Hand äne ha. Do hätt i fast möge jußge und i ha-n em d'Hand äne. Do hed er e Ritpeutsche i de Hand gha, mit dere hed er ufzoge und hed mi gschlage, das i lut ufgeschroue ha. „Das ghört i fettigem Vättelpack“, seid er no und dräit si um. „Lue Mueterli, i ha 's nümme möge usghalte und bi iest hei cho. Hest mer iez au gar nüd?“ — Wo-n i das arm Tröpfli so ghört ha brichte, ha-n i bi mer dänkt: „Jere Gott, sind iez das die Büt, wo-n ich gweuscht ha, i hätt's au eso? Näi, wahrhaftig Euferein hed alli Ursach z'fride z'si.“ Und wo das Meiteli witer zellt hed, hed's mi mängist rächt gschüttet, und wo's do zletzt bi Hand mittem Schnatte i der Mueter wider äne gha hed und i deren ihres Augewasser druf abe grunnen isch, hett's mi so ertatteret, as i 's Glesli ha lo falle, und 's do verbroche isch. Do isch uf einist Alles verschwunde.

Aber grad druuf ghör i wider das Stimml i vo dem Härde-

mandli: „Du Göhl du“! heb's gseid, gsiesch ietz, wäge dem bisch ietz so gmutig und wunderli gsi, wäge dem bisch wi nes Hornussli im Land ume gsurret, wäge dem hesch mer ietz no misch Chleinöbli verragutet, as zletzt mueßt säge, de heigist alli Ursach, mit diner Arbet und dim Brod zfride z'sy. Jetz marsch mit der hei. Und wenn's der öppen einisch wider sell verleide, dis Brod z'ässe, he nu so leg's uf d'Site und spar's uuf, oder 's Gäld befür. Und wenn der einisch wider d'Arbet verleidet, so lue, im Rüstthal unde und an andere Orte sind im Winter vil Lüt, di tüend grüsli gärn am Morge scho schaffe, vor ob d'Sunne usgoht, wenn si mänglich nur Arbet hättid; und di sind grüsli froh, wenn si am Obe ne Stuck Brod hend. Gang de zu Dene; lueg e chli zue, wi's settig hend, und bring ne öppe das Brod und di Baze, wo du uf d'Site gleid heft. I versprichter's, as de scho wider zfride wirsch.“

I ha müselistill zueglost und ha dänkt, das Härmandeli heig Rächt, und i hammi mi rächt gschämt. Und wo's usgrebt gha hed, ha-n em welle danke, aber 's isch niemer meh ume gsi. Do bin i wider hei und ufem ganze Wäg ha-n i zue mer sälber gseid, das sig e gueti Lehr für mi gsi und so mües mer's mache. I ha-n aber au d'dänkt, i well zu miner eigne Schand di Gschicht i mim Schatz und mine brizäh Bäfene und alle Lüte, wo mer öppe gfrünt sind, oder wo mi öppe gschönnid, i de Stadt und z'Neuschter usse, im Göi und im obere und undere Hinderland und dete, wo si bim Donnerpiet schwere tüend — i denen alle well i zu miner eigne Schand und Bueß verzelle, was mer mit dem Härmandeli uf de Bromegg begäguet ist.

Rämmert vom Mösl.

Wi si de arm, alt Bären vertränt hend.

I meine, Frau Posthalter, i heig Ech au scho vom Tannebode-Lönel verzellt, wi das en uncomplete Kärrli ist. Das mer au dere Lüt i de Gmein inne mues ha! Was er iez wider für nes Stückli gmacht heb, näi, das heb Ech kei Gattig meh. Ruegid, i bi äbe=n iez i häler Löbli zu mim Gottli, zum Gretli ue gsi und han em's verzellt; und wil Ech iez grad atriße, so müend Er's au wüsse. I wil lose, was Er bezue sägid.

Vor acht Tage ist de alt Tannebode-Sepp, im Lönel de Batter, gstorbe. De hend vilecht au devo ghört. Das ist ech e Ma gsi, wi-in mer i öiser ganze Gmein e ke brevete hend. Döse Nocher, de Fridesrichter, heb's mängist gseid, und wenn dä öppiä seid, i meine, de darf mer's glaube. Gester, am Sibete no, ist d'Chile gstacket voll Lüt gsi. I meine, i heig sogar de Fürspräch hinten inne gseh. 'S heb mi gwunderet; Dä heb öppe nid grad so vil ufem Bätte, as ich gärn gsäch, wi's aber äbe di Gstudiertnege ase vil machid.

De Sepp heb e Hund gha, dä heb Bären gheisse. Dä Bären ist em z'ämezellt so lieb gsi wie nes eignigs Chind. 'S sind e mol im Winter Beckeliserme dure, vo bene ist de Bären här. Das Hundeli heb's bi bene schräckli böse gha, hend jo settig Lüt gewöhnlich sälber nüd z'byße und nüd z'gnage. Das heb de Sepp b'eländet, är chaust ne das Hundeli ab und ziehd en uuf. Und dä Bären heb so ne tröie und brave Hund abgäh und ist i anderthalb Johre so groß und fest und starch worde, de Sepp heb mängist gseid: I wett bis uf Bärline iegoh, wenn i nur mi Bären bi mer ha, 's fürchtet

mer nüd. Und wo si einiſt bi euſ umenand zeſt hend, d'Barifer heigid welle de König Aleſonſ abprügle, heb de Sepp glachet und gſeid: Hätt de ſpanniſch Chüng nur e Hund gha wi mi Bäri, ſi hätten e gwüß lo goh.

Näime grad i de ſälbe Zit hend einiſt diſi Chinde uſem Nſch gſchliffe. De Tönel und no ne bar ander faſt uſgwachſnig Lappibuebe ſind uſem Stäg obe gſtande und hend zuegluegt. Do chunnd's ne uf einiſt z'Sinn, ſi welid e Gſpaß mache. Si trölid e groſe Stei uſe Stäg äne, lüpfed e, ſönd e aſo ſchlängge und tünd beglyche, aſ we wenn ſ'e wettid uf's Nſch aberüere. Die Chinde ſpringid alli waſ giſt waſ d'heſt a's Land. Nume 's Gretli, miſ Gottli, da'ſch ech halt immer e Räbel gſi, blibt uſem Nſch, 's heb gmeint, 's ſeig bene Rärlipurſte nid Ärnſt, oder 's Nſch ſeig feſt gnueg. Uf einiſt gſiehd mer de Stei flüge, 's gid e Chrach, 's Nſch lob, 's Gretli chunnd undere. Do ſind die Buebe verſchrocke und d'Chinde hend marterli gſchroue; aber 's iſch niemerem z'Sinn cho z'hälſe. De Tönel heb grad de Bäri bi-n em gha. Wie dā Hund 's Gretli undercho gſiehd, ſchießt er wi ne Wätter-leich dri uſe, vermüſcht's und zehrt's ine.

Jeſes Gott, wi ha-n ich e Schrücke gha, aber au e Fröid, aſ' im Gretli nüd to heb. Me hend enand immer gar grüſli lieb gha, und diſi ganz Gmein weiß, wi-m mer's zſäme chönid. De Kaplon macht jedes Mol, wenn's Gretli zue mer uf d'Biſite chunnd und er iſ binenand gſiehd, öppen e Gſpaß über iſ. Und de chömid em alle all der Gugger furjoſ gſpäßigi Sache z'Sinn. Legſthi hätten mer em's einiſt faſt übel gnoh. Me ſind grad mitenand uſem Salvi cho, do luegt er zum Pfäiſter uus und ſeid: „Ihr Zwöi hangid au anenand, wi 's Sämpecher Stedtli und d'Langizit.“ Me hend zwar müeße lache, aber me ſind doch chli wunderli worde, und 's Gretli ſeid: „Nüd ver unguet Herr Kaplon, aber ich bi au vo Sämpech.“ Do gſiehd er, aſ er ag'ränkt heb und macht: „I ha's jo nid ſo böſ gmeint, aber i ha äbe i de Zitig gläſe,

d'Sämpcher welid das schön alt Tor umtue; und wenn si ietz mid dem afönd und de am Änd no alli Türm und Mure umryßid, lueg de, wi's de use chunnd." Do simm mer wider zfride gsi.

I deine Zite bin i no hie und do i Tannebodehof äne. De Sepp ist ke ungrade Ma gsi. De heb's gärn gsieh, wenn öppen ame Sunntig Öpper ist cho zelle, und so ne gschwungnigi Nidle heb e nüd groue. 'S Gretli heb do no bi eus gwont und ist immer mit cho. De simm mer aber immer zerst zu 's Bäriz Hüttli äne und hend em gflattiert. Dä heb is wohl könn, heb alle gwädelet und gweißet und heb is de Tope g'gä. De hemm mer alle wider zuegluegt, wie d'Chinde us der Nocherbschaft mit em de Mare tribe hend. Do ist alle 's Niders Wess, dä wo ietze bi's Dorfsmüllers Chnächtle ist, mit em um's Huus umegjeukt, ist uf em gritte, mit em im Gras umetrolet, ist em am Hals ghanget. Mängist ist er rächt ung'rint mitem umg'gange, aber de Bäriz heb si alls lo gfallte.

Si hend ufem Tannebodehof drü Mol i de Buche 's Fleisch gha, und de heb de Sepp im Bäriz immer au es hübsches Stückli anegrüert. Das heb zwar im Tönel nid rächt gfallte und de heb einist gseid: 'S seig eigetlech d'Epiz gschändt, wemmer so öppis imene Hund gäb. Aber de Sepp isch gäch worde, und de Tönel heb si müesse still ha.

De Tönel heb jung ghürotet und da'sch im Sepp rächt gsi. De heb d'dänkt: Wenn so nes ordligs Wibervolch i's Huus iechäm, so lät em das de de Tönel e chli zwegsträhle. De Tönel heb Eini us der Gemein gnoh und das ist rächt von em gsi. Wenn's im Michelsamt gnue bravi Meitschi heb, worum sel de Eine uf Barys oder Bärlyne ie si Gspusle go hole oder gar niene hee, und wenn z'Äsch und z'Mose, worum sel eine im Winter über's Nsch i's Bärnerbiet übere z'Chilt go, wo-n er unterwägs no chönnt verdrinke? Frau Posthalterin, de münd de nid öppe meine, i redi uf mi Müli, wenn i scho

ne alti Jungfere bi. O je, ich hätt Manne chönne ha, meh as Rüeblü im Blätz usse. 'S isch mer nur wäg enfe junge Meitschene. Wenn's au i eusem Kanton inne nid vil richi hed, so sind doch alli hübsch und brav, i müßt Ech chum es Doget usz'näh, und am beste gfallet mer no die im Michelsamt, ha-n i nid Rächt, Frau Posthalterin?

De Tönel hed d'Chorer Bet ghürolet, das hed mer de weniger gfallt. Zwar hed das Beti so kanntsem chönne tue, wi nes Chlosterfröieli z'Nischbach, und de guet Sepp hed em's eigelig glaubt. Ich ha-n aber dem Muetergöttesli nie rächt trouet, und me hed bald chönne gsieh, das i nid lät grächnet gha ha.

De Tönel hed aber d'Bet bsunders drum gnoh, wil er gwüßt hed, as mitem Brutsueber au en ordli große volle Gäldechaste i Tannebodehof ue chunn. D' Bet ist im Tannebodehof chum erwarmet gsi, so lod si's Gniggi füre. Ruegid, Frau Posthalterin, i ha nid d'Gwonet über d'Lüt z'schimpfe, aber 's isch doch wöhr, die Bet hed Ech i churzer Zit es Räf abg'gä, das mer im ganze Gdi kes settigs meh findt.

Ginist ist 's Marte vom Gormund zue mer z'Stubete cho. 'S hed au nid wilers d'bänkt, lauft am Tannebodehof verby, i bi am sälben Obe-n ussem Bank vorem Hus gässe, do gsiehn i uf einisch 's Marte z'rönne cho, 's schnufet und macht und frogt mi, ob's i dem Huus bim große Nußbaum gspäist, 's heig öppis zu alle Pfeistere nus zännet. Da'sch natürli numme d'Bet gsi.

Sid de Tönel ghürolet hed, bin i wenig meh i Tannebodehof äne, und wär's nid wägem Sepp, wägem chranknige Trineli, 's Tönels Schwöster, und wägem Bären gsi, i hät mi dete numme lo gsieh.

De Sepp ist elter worde und de Bären au. 'S hed mi d'bünkt, sid d'Bet im Tannebodehof yzoge ist, vo do a heig er

hsonders weibli abg'gä; ändtli mag er d'Arbet nümme prestiere, gib de Hof im Tönel und ziehd i's Hinderstübli.

Uf das hend de Tönel und d'Bet scho lang blanget. Scho lang hend si alle zäme gredt, was si alles wettid erraggere, wenn si's Regimänt hättid. Di Gschicht mit dene Rätschwibere und der gschwungnege Nidli mues iez ufhöre, hed d'Bet gseid, und de Tönel macht jo; und d'Dienste bruchid au kes Fleisch meh. I meine, dä hätt 's Fleisch au no gärn im alte Sepp erwäg gha, und natürlu im Bäre au.

De Sepp ist immer no do und det umegange, und de Bäre ist em immer noch zottlet. Si hend alle zäme gluegt, ob de Flachz bald blüej und wi 's Chorn stöi. Und de Sepp hed de Chnächte gseid, wi si d'Sach müesid achehre.

Das hed aber de Tönel nid möge lide, und mängist wenn de Sepp erwäg tschümperlet gsi ist, hed er i sim Chib Luft gmacht. Eine, wo nüd schaffet, brucht au nüd z'weible, seid er emol bim Händöpfel ustue. D' Tauner hend eis dezue glachet, aber im Meili, im alte Meitli, hed's schier 's Härz abtrüekt, e so öppis z' ghöre. 'S hed aber im alte Sepp nie nüd devo gseid. Dä hed's aber wohl gmerkt, wi-n em de Tönel alles vergöistet ist und wi-n er e lieber underem Bode gsäch. Und mängist hed er i sim Stübli b'riegget: Wohär han i au das verdienet?

Einist hed neime au grad d'Bet zum Pfeister usgnuffet und gmulegglet und de Tönel ist vorusse gstande. Si hend gsieh, wie de Sepp und de Bäre dure Graswäg ab sind. Do seid de Tönel zur Bet: „Lue, det hot'schid au Zwö, wo-m mer nüd cha bruuche und wo doch wend ghirtet si.“

Nei Frau Posthalter, 's frürt ein rächt, wemm mer so öppis ghört. Der alt Sepp hed meini siuer Läbtig gnueg gschaffet, gschwitzt und über d'Wält ie gschlage. Und wenn de Bäre scho nümme so fest und starch gsi ist, so sind's doch

noch keni vier Wuche verby gsi, daß er ime frönde Rärripurst, wo heb welle ybräche, de Meister zeigt heb. 'S sind einist ame Suntig Ali z'Chile g'gange, i meine fast, daß sig 's legst Mol gsi, daß's de Sepp i's Dorf ue b'brocht heb. Deheime heb nume de Chasper, de Ucherbueb, g'goumet. Dä Chasper ist e chli tschaggig gsi; de dänkt, 's chunnd iez niemer, lid uf's Heu use und schloft y. Me heb em's eigentlich nid dörfe verübel näh; si händ bim Tönel au gar früeh müesse uuf und de ganz Tag sträng schaffe. Do chunnd eso ne Landstrycher, dä merkt, as niemer unien ist, und ticht lysli hinden ine. Aber de Bäre merkt e doch, schießt em noch e bället und macht, bis de Chasper verwachet und weidli z'springe chunnd. Dä Rärli mues de Finkestrich näh, de heb aber doch no chönne im Bäre e Streich gäh, daß er sit do nes lams Bei gha heb. Wo si hei cho sind, heb de Sepp e Freud gha, daß si Bäre i fine alte Tage no so brav gji ist, heb e tätschlet und gstreichlet und heb em de Tope verbunde.

De Tönel heb aber im Chämmerli usse zur Bet gseid: „So iez hemm mer de gar no ne drübeinige Hund.“ Und d'Bet heb gemeint: „Jez chönnt mer vilecht doch mache, daß er de Hund lies lo ewäg tue.“ Aber de Tönel heb doch nid troued, im Sepp öppis devo z'säge. Ändtli leid's de Sepp ine und gli druuf stirbt er. 'S ist trurig: der ist gärn gstorbe, und äbe so trurig isch, daß e de Tönel und d'Bet gärn gsieh hend goh. Wo de Sepp usem Todbett glägen ist, sind de Tönel und d'Bet nid vil bin em inne im Stübli gsi. De Tönel heb im Stal usse b'brummlet, was iez de d'Lyck alles chosti; und d'Bet heb gemeint, 's wär doch besser, de Sepp hätt no nes bißli lenger gläbt: „Jez cha jo 's chranf Katri au no erbe und das vermacht de am Änd e schöne Biß i de Gmein. Wäre's Trini voräne gstorbe, so wär Alles euseß.“

Das hend si grebt, wo de Sepp noni usgschnufet gha heb.

Nur der arm Bäre ist de ganz Tag bis Sepps Bett zue

gfi, heb alle hi und do de Tope uf d'Techi ne gha und gweisset und heb gmeint, si Meister sett au öppis zue-n em säge. Aber de Sepp heb scho nümme chönne rede.

'S Meili wär au gärn dinne am Lobbett gfi, aber d'Bet heb em neimen immer en Arbet grüßt.

Wo de Sepp abgscheide gfi ist, seid de Tönel zur Bet:
„Jez, wenn der Eint g'gange ist, mues der Ander au furt.“
„Allwäg, macht si, das wär es schöns luege, wenn di Verwandte chämib und de so ne lahme Hund vor der Türe läg.“
„Jo, seid de Tönel, i ha demolen einist i's Riebers Melf gseid, so bänd as er de ghöri, daß Guse gstorbe seig, sell er de mit eme Chetteli cho und de Bäre hole.“

De Sepp ist chum chalt gfi, so chunnd der Melf mitem Chetteli.

'S ist gfi, as wi wenn's de Bäre gmerkt hätt. Chum streckt de Melf sis verbrärglet Gsicht zur Stubestür ie, so fliehd de Bäre i's Stübli und verschnoogget si z'hinderist under 's Bett, wo de Sepp druf gläge ist, und weisset lgsli. Jo, dich wenn mer scho baschge, seid de Melf. Und er und de Tönel zered e füre, schlönd e und traktiered e, biß'em 's Chetteli a'brocht hend. De Melf mues e rächt eigentlich zur Türe uus schleipfe.

De totnig Sepp heb natürli im Bäre nüd chönne hälfe. Dusse sind im Tönel sini bede Buebe gstande-n und hend de Melf gfrogt: Wenn vertränted er e? De Melf seid: He, wenn's feisteret. Do sägid d'Buebe: Me chömib de au cho luege. — Gsiehnder, Frau Posthalter, dā Melf het si doch gscheniert, de Hund am häle Tag z'vetränte, as d'Bül nid so sottid gsieh. As wenn nid Eine wär, wo z'Nacht so guet gsiehd wie am Tag.

'S Meili ist i de Chammere-n obe gfi und gsiehd's zum Pfeister uus, wi si de Bäre furttschleipfid, wi dā weisset und sperzt, und wi de Melf am Chetteli zert. Nei, dānt's, so mues mer das arm Tier nid lyde. Im Kundenänt isch es

zur Stäg abe, seib zur Bet, 's well iez i's Dorf go Brod hole, nimmt de Chorb und lauft, so weibli as' mag, im Melf noh.

Unterdesse hend de Tönel und d'Bet zäme grebt, was si iez, wo si Niemerem nūme derno z'froge heigib, alles mache welib. De Tönel seib: „Jez mues mer de Rußbaum um, das gib Gälb.“ Und d'Bet meint: „Du, Tönel, iez chunnb mer au no öppis z'Sinn. Me chönntid eigetlech 's Meili furt'schicke. 'S ist asen ordli alt und ist bald für meh, weder as' schafftet. Und bezue isch' ase z'lang bi=n is. Me chönnt mängist meine, as wär Bürene, Guse heb em immer z'vil nohg'lo.“ — De Tönel seib: „Jo, de hesch rächt.“ Und do heb er no welle ne Gspañ mache und seib: „Aber ver-tränke chöned mer 's nid.“ „Nei“, macht d'Bet, „'s cha jo is Weißehuus.“

Mit dem Rußbaum isch' aber eso gfi. Der ist nid grad mit vom Hus erwäg gstande, und me heb e au vom Dorf uus ganz guet gsieh. Det ist alle de Sepp gärn öppe no'm Zobe im Schatte gsässe und heb im Gofine gläse. Borem zue ist de Bäri ghocket und heb si Chopf im Sepp uf d'Chnöi gha. De heb de alle de Sepp bald im Buech inne nochzeigt und bald de Bäri gstreichlet. Mängist ist er det gsässe, bis 's Meili cho ist und gseib heb: „Batter chömid au hei, d'Obe-luft tued ech nid guet.“ De Tönel hätt scho lang gärn dā Baum umgha: d'Ruß tüeged jo scho ne bar Zohr nümme rächt grote. Aber der alt Sepp het's abseluti nid welle dole. —

'S Meili ist im Melf bald noch gfi. „Sieh, gänd mir 's Chetteli!“ rüest's, „mir folget de Hund scho.“ De Melf heb nid chönne begäge ha. 'S Meili nimmt's Chetteli, seib: „Chum, Bäri, chum!“ und flattiert em i eim furt. Und lugib, de sperzt und weißet nümme und folgt im Meili ganz ordli.

Nur wo si am Rußbaum verby cho sind, heb er näime öppis z'muttere gha.

So heb das guet Meili us luter chrisdlicher Barmhärzigkeit de Bäre bis i's Dorf ue füre Nare gha.

Dobe seid's: Machid de weibli mit em — und god.

De Melk spert de Hund i's Holzhuus y. Am Obe chömid 's Tönel's Buebe. De Melk und 's Müllers Charer tünd e zum Wasser äne, und de Melk hänkt em e Stei a Hals. De Charer meint, me sett em no d'Bei jäme binde. Aber de Melk seid: He näi, eis chan er jo so wie so nid bruuche, und de wemm mer de au chli luege, wi-n er zablet. Druß seijed se bri use.

De Bäre heb schräckli gweijed und mit de Töpe gschaffet und gmacht, as er de Chopf heb chönne überem Wasser ha. 'S Tönel's Buebe hend em no Stei nog'rüert.

Luegid, Frau Posthalter, diße Pfarer ist e brave und e rächte Heer, der ist sogar am Kolegi i de Stadt inne gsi. Und 's Predige verstohd er, as' nur no de Brobst im Hof so guet cha. De chrisdelehret immer, me sel au kes Tier bloge; aber gönd, was will mer mache, wenn d'Chind dehelme so nes Bispil vor Auge hend und so verzoge wärdid, wie die im Tannebodehof? Morndes hend's Tönel's Buebe im Dorf ume grüemt, wie si de Bäre ghulfe heigid vertränte.

Luegid, Frau Posthalter, mir tüend's vilecht nümmen erläbe, aber eui Buebe, de Seppli, mi chli Götli und der Adolf und de Roman und eues brav Anneli wärdid's no gsieh, daß de Tönel si Lohn überchunnd, und d'Bet, die Löre, au.

Rämmert vom Mösli.

De totnig Hanseli.

De Pfarer und de Rotsherr sind mit enand i de Stube-n inne gsi. De Rotsherr ist am runde Tisch gässe und hed lut gjommeret. Eis Mol über's ander hed er gseid: „Zekt ha-n i nūmi uf de Wält, i wett i wär au tod.“ De ist er alle mit de Fingere dur 's Hoor gfahre, oder hed d'Händ vor d'Auge gha, und 's Wasser ist em über d'Bagge-n abe glosse. De Pfarer god ume-n und äne, stohd öppe wider vorem Rotsherr zue still und seid: „De münd's au nid so schwär näh.“

Aber Dā lod si nūd lo brichte, de Pfarer cha-n em zuerebe, wi-n er wil, de seid zu allem nur: „Jo, wenn Ihr wüßtid, wie lieb mer mi Hanseli gsi ist!“

„Wegid,“ redt de Pfarer witer, „euse Herrget hed's so welle, und was dā wil, ist Alles guet.“ — „Euse Herrget!“ macht, de Rotsherr und schießt uf; „wenn's dā guet mit eim meinti, so hätt er mir mi Hanseli gloh.“

'S hed de Pfarer rächt verschreckt, wo-n er das ghört hed; de stohd ganz nooch zum Rotsherr zue, luegt e so a und seid: „Wüßed Er au, was Er iek gseid hend? Hend Er's nid im Ranißi glehrt und i de Chile ghört, wie ne groẞi Sünd as's ist, wemm mer gäge Herrgott murret?“

„Zek höred mer, Herr Pfarer“, macht de Rotsherr, „chömid mit, i wil Ech öppiẞ zeige, und redid de witer.“

Si gönd mit enand hinde-n use. D'Sunne ist scho hindere Bārg abe gsi und näbem Chileturm dure hed mer de Obestārn gseh schyne. „Wegid iek, Herr Pfarer, do ist mi Hanseli am Obe, vor öb f' mer e tod hei b'brunge hend, no gsund und

chärsch dri ume gsprunge. Det äne ufem Matteli hed er Stärneblueme gwunne, und do hed er underm Flumebaum es Huus b'bouet. Ich bi ufem Vöibli obe gstande, ha=n em zuegluegt und ha ghört, wi=n er zue=n em jälber gseid hed: „„Jez bou i es prächtings Schloß und bi ne ryche Gros, und iesz mueß mi Vatter bi mer im Schloß si und mueß 's guet ha all Tag.““ Wo=n i das ghört ha, ha=n i bi mer b'dänkt: Gwüß und äigeli, 's hed fe Rüng a sim ganze Land so vil Fröid, wi ich a mim Hanseli... Und iesz sind die Blueme verdoret, und luegid do, das Huus ist zämegfalle, und mi Hanseli ist tod.“

Do nimmt de Pfarer de Rotschherr bi der Hand und seid: „Jo, die Blume sind verdoret, und das Huus, wo de Hanseli do hed welle für Ech boue, ist zämegfalle; aber luegid obfi, det obe blüejid Stärneblueme, wo nie verdorid, und dete isch es prächtings Huus, wo nie zämesfalt. Und euse Herrget hed Gue Hanseli zue=n em gnoh i das prächting Huus, as er für Ech bättet, as Er au einist det use chömid, und det chönned Er de bin enänd sy für eister.“

De Rotschherr hed eso glost, hed lang nüd gseid, und ändtli macht er: „De hend Rächt, Herr Pfarer, tüem mer perzieh. Was de Herrgett will, ist guet, und i will niemeh begäge murre.“

Rämmert vom Mösli.

Der Goldkrystall vom Eglital.

„Söpp=Antoni! bist zwege?“ rüeft der Bragge z'obbriste oben im Dörfli zum offene Pfeister i's Söpp=Tonis Stube; Bald will's aso hübscheli tage übere Hüfi. Glaub', mer chönntit 's hüt ordeli breiche, seb glaubi; „'s ist es Schöndli vom Föhn und macht e Gattig zum Blybe.“ — „Chumme, i chumme! mueß numme 's Pfyfli gschwind fülle; hesch au Zundel und Fүүrstei bi der und Fүүrschlag? Mit der Hagelsfүүrrustig no der neueste Mode cha mer nid uscho im Bode, verschwige im lustige Bergtal; höm mi scho mengisch suchs-wild gmacht“, rüeft der Sepp=Toni, seid der Frau no Abe und plätscht mit de hölzige Dozze, i der Hand der Zweispiß, und 's Mittagsfäccli am Rügge, jeze zur Tür uus, weuscht guet Tag im Joos=Mari Bragge, und ue marschierid f' i's Eglital use im Sturmschritt, über Stock und Stei, aß fүүret under de Böde. —

Was wend f' mache det obe? — Was mache? gang frog si sälber! Gfesch nid am Zweispiß a und am Hammer und Meisel, aß si Strahler sind; si wend go Edelstei bräche; Bergkrystall — so mein i, tüend si die Gehrte bname. 'S sind ech gheimnißvoll Stei und wie si wachsid, weiß Niemer; teuf im nächtliche Bergschoos sind si gebore; wahri „Chinder des Lichtes“, das sind f', drum heißid si Strahle. Wie der Sunnestrahl glänzt i sine herrliche Farbe, wie im Wasserspiegel vom See die Sunne dich alacht, wie usem Mönshen-aug d' Seel strahlt i Lieb und i Fride, luegid die Strahle, die Bergchind mit ihre-n Augen i d'Welt uus, — jo, wenn si's numme chönntid. Aber die ordlige Chindli, was wend er

mache, sind ygipert, teuf i der Felswand inne, und schloßid
 do mengs tusig Jöhrli meh as sid Adams Zyte i der ver-
 borgene Chammer, der Urgroßätti und näbezue 's uralti
 Mueti mit sim silbrige Züpfli hinden am schneewyße Chöpfli;
 und rings umme Urgroßätti und 's Mueti sind glagret alli
 die Söhn und die Töchtre und Söhniswiber und Chinder und
 Chindeschinder, e wahri Patriarche-Familli. Do tüend si
 schlossen alli i der verborgene Chammer. 'S heb no kei Sunne-
 strahl chönne i d'Chammer ie schyne, nie heb der gwunderig
 Moon chönne dur's Schlüßelloch gugge, nid e emol es Sternbli
 heb chönne do ine eugle; yghüllt i fysteri Nacht müend schlose
 alli die Bergchind. Hend f' au kei Sunne no gseh, und nie
 es Sterneli schyne, eitue sind f' „Chinder des Liechts“, vom
 „Vater des Liechts“ erschaffe; hend verborgenes Fuir und
 e heimliche Liechtglanz, und wenn 'd Chammertür ufgoht, se
 strahlid die Strahlen im Liechtmeer. Jez tüend 'd Angel im
 Morge 's Dor uuf am Himelshuus obe, und vierpännig
 uf gulbigem Wage fahrt er i d'Wält y; schön wie ne junge
 König grüeft er und winkt er ringsumme, lächlet die Berg-
 spitz zerst a, druf lächlet er aben i's Täl. Als stohd em
 zweg am Weg und möcht si Herrlichkeit gschaue. 'S Alpe-
 viöndli, das geel, im leimige Boden am Band zue tued fini
 Augli uuf und wüschet der Tau vo de Wimpre. 'S Edel-
 wyß, 's flumig, streckt si i d'Höchi am Bristestock obe, und
 d'Bergastre, die blau, sie spreitet wyt ihre Stern uus; jo,
 all die herrliche Maie, im süfre Morgetau gwäsche, 's Sunntig-
 schöpli hend f' agleid, es schönere, als Salemon gha hed,
 stöhd ech alli uf d' Zeche und grüeftid der Morge, der
 jungi. D'Vögel sind au scho verwachet und stimmid all ihri
 Pfyl; i Flueh und Band, i Stock und Steine, i Alperos-
 stude wegid all ihri Schnäbel, im lieblige Morge zu Ehre
 und im lieb Gott, denk', voruus, im gütige Schöpfer und
 Vatter. Zerst sod der Schneefink a det höch am Winterschnee
 obe, 's Fluehlörchli juret derzwüsch-n und d'Ringamsle joblet
 am Bach zue, und der Baß tüend schnurre Bergrappe, die

schwarze, am Felschopf; lueg, der Urhahn tanzet lustig derzue ufem Tannast, gumpet und balzet und schnalzet voll süüriger Luft wie ne Böli. Höch und stolz ufem Bergspitz stoht 's Gemischi und luegt geg der Sunne, und der Ringgi, der Alpehund, unden im Alptal stolziert ernst us de Hütte und bället chärch us der Gelle use i Berg und Flueh, aß luut widerhallt i de Stöcke; d'Geise mit ihre läbige Trichle tüend 's Gloggepil ipile, und die Häli höch i der Wilde plärüb dri ine. Loß! Der Ehlbach ruschet und bruset derzwüschet wie Müsig, und vom Ehrüzlipaß abe bloost der Heiterluft d'Flöte. He, und lueg do am Grashalm hanged 's Tautröpfli! 'S wartet und planget uf d'Sunne, das zittrige Tröpfli. Grad stoht si uuf und nimmt 's uf d'Arm das armi, leid's an ihre müeterlich Buesen, aß mög erwarme; warm wird sis Bäggli und rot; jez strahlet's i sibnerlei Farbe as wie ne chlini Sunne, das Tröpfli, das arme und chalti. — Lueg! liebi Mönsehejel, bist sälber e Tropfen am Eimer; 'ne arme Tropf bisch nur mit aller diner Ghehri und Gschidi, wenn d' nid zum Himmel luegst ue, 's Herz nid der Sunne uftuest, der Sunn, wo's Liecht isch der Wält, dem Heiland und Herr, Jesus Christus. Und drum, wenn Alles bättet am Morgen im Ehltal obe, bätt au, o Seel, du Egebild Gottes, bätt teuf ufem Herze; laß di vom „Liecht der Welt“, der Geistersunne erlichte; sußt bisch en arme Tropf, und bim Schopf heb der Tod dich, der chalti. — „Wömm mer es Milchli go näh bim Franz Kemigi do äne? Lueg, agiüüret hend i' scho, es rüücht jo förm us der Hütte“, seid der Töpp-Antoni zum Joosli. — „Mira, sell cha mer!“ meint der Joosli und stüret glustig ue geg der Hütte. — „So, sind ihr's?“ seid der Senn; „se wend er's do obe probiere? Z'hauffe hömm mer no nüd, mer sind hüt chli spot us de Dastre. Hocid es Mütgli, der Broßi chann ech es Milchli zwegreife.“ — „Obfi jez!“ mahnet der Joos-Marie. „das Milchli heb guet ta“, seid er und schläcket 's Schuefsi druf ab, itellt 's Muttkli uf d'Site, nimmt sis Pysfli füre und

füllt's mit Rölleli-Dubak, — 's Pfündli, glaub, um zwee Baze, mer seib em au Tamburetüber; — nimmt druf e tannige Spohn und heb e i 's Füür undrem Chessi und wo-n er lustig tueb präschle, so ziehd er e gleitig druffuse, heb e sorgli uf's Pfyfli und ziehd mit glustige Züge. „Wömm mer echt, Zoosli?“ — „Mer cha jo!“ seib der Toni, „'s wird Zit si.“ Mänd ihri Säckli und dankid: „Remigi, vergelt's Gott!“ — „Weusch ech Glück“, seib der Senn, „guet Wätter, meini, sell händ er.“ —

Zeze use zur Hütte und obfi seglid die Strahler; stönd a der Nisi druf still und nänd ihres Spiegelrohr füre, guggid und luegid die Felswand a mit chundigen Auge. — „Lueg,“ seib der Söpp-Antoni zum Zoos-Marie: „Det obe grad obem Stöckli chli rächt's vom Bändli, bim Fluesatz, nooch obe dra, gsehst det die Quarz-Milchodere stryche! Wömm mer's probiere?“ — „Mer cha's“ —.

Zeß use dur d'Nisi wie gfloge und ue gegem Stöckli und use dur's Grasband zum heitere Fluesatz. — Zeze schlüfid f' zu de Holzböde-n use und chrämslid bedächtli dur's Chäseli use, bas use zur Felswand, — 's ist e verbienti Arbet, das Strahlesueche, seh isch es. Denkid, höch ob de Bändere obem Fluesatz, dem schmale, wonn ech chuum meh e Geiß cha stoh, von Schoofe nid z'rebe, — do wie aglymet z'si und z'picklen am schnuergrade Felse, und use Rügge brönnt d'Sunne mit ihre spitze Strahle! Nur es bizeli Schlotter im Bei und — „Söpp-Antoni! de Abe! d'Bähnd tüend der nümme de weh und 's Grablied singid der d'Rappe“. Aber was wend er, was hend er! Der Mondsich, er lebt vo der Hoffnig. D' Hoffnig tribt de Schwizer us sine herrliche Berge furt über Land und Meer i's Goldland äne am Bächli; d'Hoffnig stärkt im Geißbuech 's Herz höch obem Tal i der Wilbi, d'Hoffnig i Näbel und Schnee, i Bliß und Sturm und Uetter, d'Hoffnig, e Bergchueher z'werde, e Senn, e feise und feste; d'Hoffnig jurex usem Chuehirti fröhliche Jobl're i d'Wält uus. I

der Hoffnig gänd s' enand d'Händ, die Brutlüt, fromm i der Chile; d'Choffnig uf Gott mueß binde das Band, suß lödelet's eister. Jo, us der Hoffnig tüend lebe mir Wönsche, denf, alli, zentumme! Und — heßt du, mi liebi Seel! die felsefest Hoffnig, äne am Grab use Berg use z' cho voll himmlischer Ussicht, wo die Sunnestadt isch, die herrlich, mit gulbige Tore, — guet, so heßt Gsilegsosy, oder wie si's binamsid, de gesunde. — — Und — i der Hoffnig picklet der Toni höch a der Fels- wand, und am Bändel heb e der Zoosli, aß er nid usrütst. Wo-n er de chlopset und hammerset und picklet am steiherte Felse, „loß,“ seid der Toni, „loß! bim Bluest, do inne isch Neuis. Loß, es tönt jo ganz hohl; e Chammere isch es, bi Gopplig!“ — „Jo, 's isch eini“ . . .

„Wer popret do us a der Türe und weckt is? — Cha mer de nid i der einsame Bergwält ruehig meh schlofe! Meh as tusig Johr scho hömm mer gschlofe so gmüetli, 's Müeti und ich, der Atti, und all die Buebe und Weitschi. Lönd is unghet do inne, ihr Bättler und Stromer und Strolche! Hend er das zwegbrocht esang mit euer Gschickti do usse? Vorfern scho hend er d'boret und gnebbert do äne am Gottert und hend gschosse wie wilb und taub, ihr Uslöt, im Bode. Und jez, was wend er do usse, wer isch, wer hammerset a d'Türe? —“

„Nüd für uguet, Urätti! — der Söpp-Antoni vo Briste.“ „So, was will er, der Toni? — 's isch nümme Alle meh z'troue,“ rüeft der Atti zum Schlüsselloch uus luut, aß s'Müeti verwachet. „He i will ech die Herrlichkeit Gottes zeige do usse. Hend er d'Sunne au schoh gseh wandlen oben am Himmel mit ihre gulbigen Augen im silbrig strahlige Mantel? Hend er der Bergchranz au scho gseh vom Morgerot aghuucht und der himelblau Alpesee im Arm vo de Berge? Gseh scho die uschige Gletscher vom Sunneschyn agmolt, und 's Schneeglöggli dernäbe mit sim safrige Ghelchli? Hend er eusi Vögel au scho ghört musiziere obe-n im Berg und unde-n i Wald und Matte-n und Bäume, und ghört der Glibach rusche-n und orgele obe-n i Boden? 'S Genschi, das läbig, hend er's au scho gseh

springe, wie gsfloge, höch i de heitere Plangge und ue dur d'Misi zum Schneefäld? Hend er der lieb Gott au scho ghört atme im Alptal, ghört vom Senn der Obigsäge singe und 's Alpehorn blose, gseh der Moon spaziere im Himeisgarte voll Sterneschyn? Wend er si gseh, die Herrlichkeit Gottes do usse? Wend er?" frogt der Toni, „se chann ech jo d'Chammertür uftue."

„Nu seh!" seid der Urättli, „wenn's so isch, Toni, tue's Tor uuf." — — Und no drei, vier gwalltige Pickelschläge a d'Türe donnret die Quarzwand aben i d'Misi, und d'Höhl i sch offe! Grad luegt d'Sunn über's Grötli grundrig abe-n i d'Chammer. „Zooß Marie! lueg, nei lueg, welles Füre! Jez hömmer's errunge." — Herrlich glänzt die Strahle-Familli vom Sunneschyn aglacht; glikrid wie Sterne am Himmel do i der Chammer im Liechtmeer alli die Strahle, der Atti und 's Mueti und d'Bueben und d'Meitschi; und die Chindli, die munzige, do i der silbrige Wiege, tufig, mengs tufig ringsumme, die Chindli, mer cha si nid zelle, mit ihre gufespiz-chline Auglene gugget si use, lächlid der Sunneschyn a, alli glänzid i prächtige Farbe. — —

„Zooß-Marie, lueg do, glesch e, do dä guldig grad i der Mittli! Ha, bim Bluest! miner Läbtig kei schönere gseh no, sell ha-n i! Do! das Christall-Mandli mit sine guldige Hoore. Lueg wie-n es eberächts Eiferschwänzli, aber es guldigs, chömmid die Hoor vom Strahlechopf use und hangid frei abe. Zooßli, der Goldchristall, dä isch, jez hömm mer e gfunde; juhe! jez sinm mer ryd gnue; jez, juhe! nidji i's Täli!" — Seid's und durab im Galopp und wo si chömid uf Briste, jurid s' am Dörfli helluuf: „Jez hömm mer's im Blei, dank, sel hömm mer's!" D'Frau druuf chunnd mitem Liecht und zündt: „Was ist au, was hend er?" „Was — he, lueg do, wie glänzid im Liecht sini guldige Locke! Ryd gnue jez, Mueti, jo ryd gnue; jez wömm mer es Chueli chaufe!"

J. Röchlin.



P o e s i e.

Im Döfel Zwo, sim Schwoger Eini.

(Volksfage.)

Me seid, dr Döfel seig e dumme; jo,
Das ha:n i mängist ghört — isch ächt eso?
Es dunkt mi fast, es chönnt au andersch sy,
Und 's fällt mir grad es gspässigs Gschichtli y,
Das zeigt is, möcht i meine, sunneklar,
Dr Bizlibuzli seig de doch ke Nar.

E Hantrechsburst hed in re böse Zit
Kes Gäld meh gha, ist gwandret schräkli wit
Und chehrt do äntli ime Wirtshus y,
Es ist ned grad das allervornähmst gsy.
Nu, z'Äffe hed 's doch gä und z'Trinken au
Und no ues Oliger, aber nur im Strau.
Am Morge seid dr Wirt: „Wie bist e Zahler?
Ruck use! 's hostet grad e halbe Daler,
Und blächist ned, so bhalt i dank di Guet
Und d' Stifel au, i ha de nonig z'guet.“
Das gfaßt im Bänz nur halb; är macht es Gsicht,
Wi:n öppe d' Ghind, wen si es Wäspi sticht.
Ghum ist dr Wirt zur Stubedüren uus,
So soh er asoh flueche, 's ist e Gruus,
Und seid: „Wenn nur au Dä und Dife chäm
Und 's ganz Bagaschi mit em absi nähm!“
Im Schwick ist druuf dr Schwarz scho usem Platz:

„Was däublist au es wie ne wildi Chaz?
 Wottst öppe Gäld? — Red au! — Ru, use mit!
 I will dr dere gā, so vil as d' mitt;
 Du mueßt mr ned emol by Seel verschröbe,
 Nur mueßt drü Zöhrli i dem Wirtshus blybe
 Und Bart und Hoor ungstrählet wachse loh.“
 Dr Bänzli dänkt: Es wird scho öppe goh!
 Er hed am Änd die schwäre Gäldsed gnoh
 Und hed em prächtig wohl sy loh beby.

Im glyche Dorf ist au e Chrämer gsy;
 Dā hed drü Meitschi gha. Wo die drü Johr
 Schier übre sind, chunnd dā i groözi Gfohr:
 Hätt jelle zahle so ne Gschäftli-Ma
 Und hed fe Bluzger i de Drucke gha.
 Und won er nümme weiß, wo uus, wo äne,
 So seid er 's au im Bänz. „E nu“, seid dāne,
 „I lehn Ech öppe scho bar hundert Franke,
 Nur müend Er mr befür au ordli danke
 Und grad es Döchterli zur Frau verspräche.“
 Dr Chrämer dunkt 's, dr Bänz seig chli ne Fräche.
 Was mache? 'S heiözt do biegen oder bräche.
 Das Schwigerföhdli hed em zwor ned gfallē,
 Doch chunnd er bald mit sine Döchtren alle
 Zum zweute Mol zum ryche Strubel-Ma.
 Die Eltist, so ne Gärnas, sohnd do a:
 „Pfi Döfel au! Das Waldunghür hüröte?
 Nei, lieber gwüß lo spieöen und lo brote!“
 Die Zweet, e Hoffertsnar, es Zimperfräuli,
 Die speuzt no meh und rauzt und dueb abscheuli:
 „Dā gfäutig Bartli? — Lieber ledig sy!“
 Die Dritt, gar brav und nätt, die schidst se dry.
 „Mim Vatter z'lieb!“ so seid si. „Uf 's Flattiere
 Dueb gwüß mi Ma sis Hoor echli ranschiere
 Und strähle; jo, es wird scho öppe goh.“
 Si redid Alles uus enandrenoh.
 Dr Chrämer überchunnd sis Gäld, goht hei,
 Zahlt d' Schuld und macht sis Güetli frank und frei.

Wo die drü Johr do völli übre sind,
 Do bschärt dr Bänz si Bart und Hoorbusch gschwind
 Und strahlt si düchtig, macht si proper zwäg,
 I Herrekleidre gohd er ufe Wäg;
 Nei, lueg au! in re Gutsche fahrt er uus.
 Gly stönd die hübsche Roß vor's Krämers Huus.
 Dr Bänz stugt uus und holt sis Brütli ab,
 Druf gohd 's dr Chile zue im flingge Drab.
 Wi hend die böse Schwöstre-n Auge gmacht,
 Wo si de Schwoger gschauid und si Pracht!
 Jo, jo, iez hätt e jedi möge ha;
 Weiß Gott, dr Erger gryst si fürchtig a.
 Di Elter ist aploch i 's Wasser gsprunge,
 Di Zwent het ume Hals e Hälfig gschlunge.

Das Hochfigpärli fahrt, was 's gfare mag.
 Uf einist huscht dr Düsle ufem Hag,
 Schier wi ne Mönstsch, nur im e bsondre Gheid.
 Ar heb im Bänz no gschwind i 's Dhrli gheid
 Ganz hübschli: „Schwoger, lueg, eso cha 's cho:
 Du best iez Eini, aber ich ha Zwo!“

J. Bucher.

'S Lisele.

Bi so gärn im Gärtli unde,
 Cha mer det so einsam si,
 Ha scho mängist Blüemli gwunde
 Bi mim liebe Lisele,
 Ha-n em i' de im Gartehüskli
 I sis Schößgli ine to,
 Ha so sanft as wie-n es Müskli
 In sis artig Händli gnoh.

Mängmol hemm mer gfeistermüßlet,
 Ha-n i de dur's Luechli gseh,
 Bi de hindenumme düßlet,
 As i chönn mis Lifeli näh.
 Und so ist is d'Zit vergange
 Wie-n e churze-n Augenblick;
 Dänke mängsmol mit Verlange
 A mi Ghinderzit no zrüef.

As es Ghind vo drizäh Johre
 Het im Lifeli d'Mueter gseit,
 'S dörf jeh nümm umme fahre;
 'S het mi fast zum Narre gleit.
 Dennoch het mer's Lifeli gwunke
 Alliwil so liebli froh,
 Het de us mim Glässi trunke,
 Hemm mer chönne zämme cho.

Do isch öppis i mi d'drunge,
 Ha do au no nit gwüßt was;
 Bi jeh nümm lustig giprunge,
 Ha nüt gwüßt vom alte Gspaß;
 Bi i d'Winkel ine gstande,
 Gschroue ha-n i, weiß nit wie;
 D'Mueter heb mi nit verstande,
 Aber doch mis Lifeli.

Und so sinm mer Zwänzgi worde
 Eis het 's Andre innig gliebt,
 Eis im Andre nüt verborge,
 Eis het 's Andre nie betrüebt.
 Aber los, wie isch mer g'gange,
 Los, wie het mer's 's Lifeli gmacht;
 Dänk, en Andere hät mer 's gfangen,
 'S het mi fast zum Narre gmacht!

So-n es stolzes Herresöhdli
 Het mit 's Lifelis Mueter grebt,
 Und die Alte lose gwöhdli,
 Wo si 's Gäld im Säffel regt.

Gerst het's Lileli no nit welle,
'S het mer's mänge-n Obig gseid,
'S tüi ihm weh vo ganzer Seele,
'S heig am Herr jo gar kei Freud

Dennoch isch' mer treulos worde,
'S het mer nümme fründli glacht,
'S het is gscholte „Bettlerhorde“
Churz, es het mer's schäntli gmacht.
Ha-n is i der Chile troffe,
D' Auge het's am Bode gha,
Ist au früecher use gloffe,
Wil 's het gemeint, i Chöm em nah.

Und do druf am Hochsignorge
Hend die Glöggli liebli glütt,
I hätt möge dra verworge,
Aber gmachet ha-n i nüt.
Gsehst, e so isch' mer ergange . .
'S Lilelis Mutter ist scho todt,
'S het kei Häller Gäld etpfange
Und si Ma ist i der Not.

Denn si Batter ist em gstorbe,
Weiß nit wo, glaub überm Meer,
Und im Gländ schier verdorbe
Ist der junge, arme Herr.
Aber meinst, i löß em's wärde,
Luegi 's öppe schimpfli a?
'S git nüt Schlächteres uf Erde,
Als si Freud am Unglück ha.

Unbekannt.

Ich stirbe.

1.

Scho mänge Tag chunnt's mir so vor,
Als wenn die Wält ganz andrist wär;
Dem chum i frisi scho uf d'Gspor,
'S chunnt Alles das nur do derhär —
Wil 's Schähli mi tued chye.

2.

Im Garte lauf i uus und η
Und luege d'Blüemli a wie süst;
Doch d'Blüemli luegid andrist dry
Und alli Freud ist vo mer gwüsch —
Wil 's Schähli mi tued chye.

3.

I ha so Freud am Sonneschyn,
Das macht mer 's Bluet und Härz süst warm;
Doch wärm jeh d'Sonne no so syn,
Mich frürt's behy, daß Gott erbarm —
Wil 's Schähli mi tued chye.

4.

I luege gärn a Himel ue,
A 's Firmemänt, so höch und wyt;
Doch jehe brüch i d' Auge zue,
Der Himel macht mer Längizyt —
Wil 's Schähli mi tued chye.

5.

Bi-n erst no chranf gsy, ha mi gwehrt,
Im Schähli z'lieb au z'wärde gsund,
Doch jehe-n isch es grad verchehrt,
I blange-n uf mi Todesstund —
Wil 's Schähli mi tued chye.

6.

Und ligg i de im Bode drinn,
Und 's Schächli hunnd und briegget de,
Se hunnt 's em villicht öppe z'Sinn,
Es seig mir doch vil überscheh, —
As 's Schächli mi het ghybet.

D. H.

R u r i o s .

1.

Mich heb's scho mängist Wunder gnoh,
Wie doch mis Härz so späsig seig,
Und Handkehrum müeß andrist schloh,
Wil's Freud a Dem und Disem heig.

2.

Zum Bispeel wird i eister närrsch,
Wenn ich so grüslig Bärge gseh,
Und freu mi, daß i gsund und härsch
Duruf mag goh dur Stei und Schnee.

3.

Je höher, um so größer d'Freud;
Doch, wenn i endtli obe be,
So isch mer wäger grüslig leid,
Daß ich nid witer abe gseh.

4.

Und find i de es Blüemli do,
Am große Bärge es Blüemli chly,
So wird mi Freud drob größer no,
Der Bärge, er dörfst fast schalu sy.

5.

Ne wilbe Kärli macht mer Freud,
Ne starke Schnitter i der Aern,
Wo ring und sauft drei Bantner treit;
Und schwinge gseh i grüslig gärn.

6.

Doch wenn i de es Ghindli gseh,
Das lächlet eim so hätzig a,
I weiß nid, wie das cha so gseh,
Mis Herz findt fast der Nare dra.

7.

Nes Ghindemeitschi gäb i glaub,
Wie's gwüß es bessers nid grad gib,
Und d'Windle — hm! Nu mit Verlaub:
Mis Härz möcht wohl, doch d'Nase nid.

8.

Wenn d'Sunne schint so warm und mild,
Wie das mim Härz so wohl doch tuet;
Doch stürmt's und chutet's taub und wild,
Lacht 's Härz mir au und stürmt mis Bluet.

9.

Wenn 's Aug nur blaue Himmel gseh,
Wie wird mir 's Härz so freudeweich!
Doch gringer isch si Freud au ned
Bi Donnerschlag und Wetterleich.

10.

Nes Tröpfli Tau! dä Edelstei,
Wie dä mis Härz etzücke cha!
Und rast und tobt der Wildbach — nei!
Do sohd jo erst mi Freud rächt a.

11.

Mis Härz, isch das nid furios?
Es liebt äraft jo d'Gegeß!
Drum rot i eister no druf los,
Ob 's Härz mir rächt schlau oder läß.

Irenäus Hunkeler.

All Neu und Wädel. *)

(Habsburgeramt.)

„Lue, Mueter, wel e große Schranz!
Im Büebli d'Hose lönd no ganz!“ —
I wett, daß di de Güggel biffsti
Und alli dini Hüdel fliffti!
De Vatter wird e-n arme Ma;
Me mueß jo nüd as d'Schnyder ha
All Neu und Wädel!

„Und 's Meitschi hed es Loch im Strumpf!“
Do gib em d'Mueter gschwind e Rumpf:
Lehr charstle, spinne, zwerne, spuele,
Lehr sälber lisme-n i de Schuele!
Nüd weder Löcher, d'Nöht off, Schränz,
Und d'Nähjere, bim Safferstränz,
All Neu und Wädel!

„N' es Rächnigsheft, es Testemänt!“
Wo heft das alt? Hesch' au scho gschändt? —
„De Lehrer seid, i chönn's nid bruuche;
Es müesid jeh alls neuji zueche! —“
Die alti Schulzjt ist verby,
Jeh müend's halt andri Büecheer sy
All Neu und Wädel! —

So schimpfid si, und dänkid ned,
As jedes Ding zwee Syte hed:
Wenn no die leggsti Windle tropfet,
Se hed de Storch scho wider gschlopjet;
Es chehrt e gwüssni Frau dert y —
'S gid Eierzüpfe, Chindbett-Wy
All Neu und Wädel!

J. Roos.

*) Vollmond.

Als Bifar!

(Entlebuch.)

1.

Ich zieh-n und raufe-n usem Bysli,
Bis ds Zimmer ganz im Rauch verschwimmt,
Und fühle mich au ganz begryssi
Zum Dichte wunderbarli gstimmt.

2.

Es ist mer gar so wohl da z'Schüpfe,
Gar wohl isch mir so as Bifar,
Drum wil i fri paar Versli chnüpfe:
Ich bi no gäng der alti Naar.

3.

Am Morge früeh, doch nit gar zitti,
Da schlüf i fröhli usem Bett
Und luege gleitig ue a ds Bitti
Und gsehne, daß as Sächji het.

4.

So heiter wie ne Hustigmorge
Chunnd üsereim vo Schlaf und Rueh,
Und eget heiter, ohni Sorge,
Gah't's wider au dem Abet zue.

5.

Doch lue de Pfarer! Was für Myne
Bringt är am Morge scho derhär;
Herr Pfarer, 's will mir eget schyne,
Die Pfarersorge drucke schwär.

6.

Dier lueget dry, so ärnst bedänkli,
Heit Sorge gwüß, ne tolli Schaar!
Wil lieber mini hundert Fränkli
Und lieber sy no chlei Bifar.

7.

Es isch so schön und isch so gmüetli,
Es läbe-n isch' voll Poesy,
So lang me treit d's Vikarishüetli
Und treicht vo d's Pfarers guetem Wy.

8.

Du treichst d's Wyli so vergnüegli
Und stopfst derna es Pfyli y
Und rauchst und züchst und meinst ganz füegli,
So wohl sig no keim Mänsche gsy.

9.

Au stngt me chlei uf d'Alpe-n use,
Duruf dur Wald und Schluecht und Klust;
Wie chaist so liecht da obe schnuse,
Wie liecht gahd d's Härz in Alpelust!

10.

Ja! i der Alpelust, der Hüele,
Wird's eim um d's Härz zum Jodle froh!
Und chaist nid jodle, chaist doch brüele:
I mach es albig au eso.

11.

'S ist wahr, da obe-n i de Flüene
Wird d's Härz eim wit, me möcht schiegar
Ne Fründschaft schließe mit de Chüehne —
Doch schickt sich's nit für ne Vikar.

12.

Und öppedie, so cha's es breie,
So reißt der Pfarer öppe-n uus,
De bist allei und bist — juheie!
Bist Meister du im ganze Huus.

13.

Mit Glychmuet lohst ne zieh i d'Wyti:
„Er wird gäng öppe-n ume cho!“
So däichst und best kes Längizyti!
'S ist trurig, aber 's ist eso.

14.

De chaist de schaffe-n und au trinke
Für dich und für-n Pfarer au;
'S ist schön und 's will ein fast bedünke,
Me sig e Graf vo Fökelau.

15.

So gaht die Zyt gar fröhli ume;
Doch chunnt der Pfarer wider hei,
Durschnauf't er Alls, ja glaubet's nume,
Ob nüd dahinde blibe sei.

16.

Die Bücher, wo-n i dry ha gschribе,
Dursuecht er — und de Chäller druuf!
Und seib: „'S ist nüd dahinde blibe.“
Gottlob, da atmist wider uuf.

17

Und chunnt der Winter einist g'gange,
Und blos't der Byßwind grimmig dry,
I la der Chopf au jekt nid hange,
Bi busper ja und gsund derby.

18.

Und schneit's au Zuunstöck y und Ställti,
Und wäht's von alle Site dry —
I stürme doch dur Bärge und Tällti
Und lah's im Härze Früehlig sy.

Dr. Hunkeler.

\\

Fride!

Das wär das Schönst, der Fride!
Da chönnt me glücklich sy;
Doch wo findst dā hinide
Bi Mōntsche groß und chly?

Denn lueg i vo mim Hüsli
Dur 's Pfeister chli i d'Wält:
Wie gleht das dry so grüßli,
Wil rings de Fride fählt!

Da wohnt es bluetjungs Päärli,
Ghürotet erst es Johr,
Und janggit scho, jo währli,
Und gryffit sich i d'Hoor!

Herr Je! das isch es Dänke:
Sis ganzi Läbe dur
Sich anenander z'hänke
I Zangg und Stritsucht nur!

Und Eltre gar und Ghinder,
Und Gschwüster do und det,
Und Noohbere nid minder
Hend Aus, nur Fride ned.

Und lueg i witer use,
'S belendet mich nur meh;
I finde voller Gruse:
'S ist niene Fride z'gseh.

Do ghört me nüd as Kritik,
Merkt nüd als Haß und Strit,
Und d'Hauptsach schint d'Politik,
De Fride giltet nüd.

„Sind einig, einig, einig“
Hed Mettighuse gseid,
Veraltet ist die Meinig,
Jez läbt mer 'nander z'leid.

Verdamme-n und verflueche,
Das schynt jez Religion;
Wer will de Fride sueche,
Dā kriegt nur schlächte Lohn.

Und Jede will sy Meister
Und Keine gid chli lugg;
Do schlez i zue mis Pfeister
Und goh i d'Stube zrug.

Und i mim Stübli inne,
Do cha-n i heimeli
Das Allerschönsti gwinne:
I cha im Fride si.

Flügt mängmol au a 's Pfeister
E Stei und macht es Loch,
Ich fürcht si nid, die Gspeister:
Mi Fride ha-n i doch!

Dr. Hunkeler.

Ufem See — am Obig.

Im Schiffli bin i gsäße,
Wit usse=n ufem See,
Ha 's Ruebere vergässe
Und umenandre gseh.

'S ist zwor schigar scho Obig
Und d'Dämmrig isch au do;
'S hend Tag und Nacht Verlobig,
Hend d'Ring jo gwächslet scho.

Doch tüend die Liechter funkle
Vom Bahnhof und vom Gee (Quai)
Daz 's heiter wird im dunkle,
Im feisterdunkle See.

I gseh nur See und Bärge
Und dert no d'Stadt Luzärn;
O do möcht i mich bärge
Mi Läbelang so gärn.

Wie lüchtet vo de Gletschre
Der ebig Schnee so schön,
Und um mis Schiffli plätschre
Ghör lisli ich der Föhn.

Und d'Obigglogge klinge
Melodisch mir a 's Ohr!
Wie das i 's Härz tuet singe
Und kingle dor und dor!

Wie tuet mis Härz doch chlopfe!
I weiß nid, wie's mer gscheh,
Daz gar no Träne tropfe
Mir über d'Bagge beeb.

Es wird mer j'Muet schier näume,
As wie-n es stills Gebätt,
As wär i nid beheime,
As wenn i Heimeh hätt.

Dr. Hunkeler.

Herbstlied.

D'Bögel schwingid;
Näbel stngid
Auf us Wäldere-n und Matte;
Jetzt chunnd d'Sunne, schynt no dry;
'S wirft es n'jeders Stübeli
Ellelängi Schatte.

D'Wyber rätschid,
Beere tätschid;
D'Hafelnuß sind ryf und d'Eichle.
D'Hüterbuebe juggid eis;
'S schällid Chue und Chalb und Geiß,
Bääggid zu de Treichle.

D'Büchse chnallid,
Hörner schällid;
D'Hünd dur alli Chräche bällid.
Doch de Hase fürchtet's nid,
Wil die guete Jegerzlüt
Doch am Meiste fählid.

D'Chüeser pumplib,
D'Trotte rumplib;
Süßes Most füllt Chruog und Chäller.

Chunnd e Gast, e guete Fründ,
Gschwind mer au no Trübel gwünnt,
Bringt em's uf me Täller.

Aber dänkid,
Lüte, dänkid!
Uf die Freude chömmid Lyde:
'S Laub fällt vo de Bäume-n ab,
D'Wält ist bald as wie-n es Grab.
Ghörst 's Ändzäji Lüte?

D'Chräje chräjib;
D'Bure säjib
Spot no Winterchorn und Weize.
Gschwind no schlüüffid d'Söme-n uus,
Winter chunnd mit Suus und Bruus;
Jo, mer mueß scho heize!

J. Roos.

So um Wiehnacht ume!

Wenn's duß im Winter stürmt und schneit,
Schnelocke gib, wie Fazenetli,
Und 's tüchtig Hüüffe-n abegheit,
Do säg i mängist doch zum Betli:

„Es ist doch au e schöni Sach
So um en alte Buurenose,
Me blegret druf so ring und gmach,
Und cha so warm druf obe schlofe.“

Am Obig, we mer g'geffe hend,
D'Härdöpfel, chly und großi, gschunde,
Die junge Lüt, wo jasse wend,
Si hodid scho am Tisch, am runde.

Der Seppi strycht siß Schnäuzli zwäg,
Der Bäni pfyft und mischlet d'Charte,
Der Töni aber het es Gfäg,
Er mag uf's Jasse fast nid gwarde.

Do nimm i zerst mis Pfyfli här
Und tue:n es suuber use ruume,
Daz 's nit so chynchi und so chär;
De stopf i Tubak mitem Duume.

Und jeh! do siß i wäger scho
Zni warme:n Ofenegge:n inne,
Und strecke d'Bei so no:bi:no
Und soh a das und dijes sinne.

Aha! 's Maringgli chunnt au ie!
„Bist du scho fertig mit Abwäsche?
„Se chum jeh, Meitschi, zue mer hie
„Mit diner volle Lismertäsche.“

Au 's Mületi mitem Nädli chunnt,
Fohd afoh spinne:n, afoh schnurre;
Und mir ist das gar grüßli gfund,
Das Jasse, Lisme, Spinne, Surre.

I nicke drob jo hübschli u,
Bewache wider au so nölli,
Tubäkle widerum e chli
Und brichte mitem Meß und Betli.

„O stich em au siß Schiltenaß!“
„I stiche ned, es heißt jeh gschunde!“
„Und Buur und Näll! Jeh heßt de Gspaß!
Jeh puße:n ich und du bist bunde“!

So lärmet's luut am runde Tisch,
Und jede tuet si suuber flöße,
As är nur eister gwünn und wüsch,
Und wär's chli cha — tuet au chli bschöffe.

Und 's Müeti spinnt und nicht bezue,
Der Fade ryßt, und äs tut gäine,
Drum hör du, Müeti, hör, 's ist gnue,
E schöne Fade git das feine.

'S Mareili lizmet au so fuul,
Und d's Bit, bim Eich, das schloht scho Bähni!
Und d'Epiler schlädit ihres Muul,
I Ghäller abe schlüft de Bäni.

Er holt es Möstli, holt es Träsch,
Und gleitig bringt 's Marei Läckueche;
He jo! 's ist guet und git Guräsch,
Drum wemm mer 's dank au go versueche.

'S ist luterlötigs Biremost,
Es bessers Most git's nit uf Ärde;
Mit euem suure Wy bigost
Do chönntit ihr mir gsthle wärde.

Und d's Träsch ist urchig und reell,
Es ist es Tröpfli, gwüß, 's ist enzig,
I wette mit ech uf der Stell:
Mis Träsch, das zieht ech Bierezwänzig.

'S Mareili sügglet au dervo,
Au 's Müeti nimmt es ordligs Schlüchli,
Verbräiht sis Muul und nimmt derno
Gar gschwind es tüchtig's Läckuestückli.

„Jä Bäni, Bäni, schlimme Burst,
Ne zweuti Uflag witt Du hole?“
„He jo! das Bschyße macht so Durst!
„Und süßig Saum! — das mag's scho dole.“

Und ich? He nu, was meinist ächt?
Ha ghulfe moste, ghulfe brönne:
Nimmt Wyb und Meitschi, Bueb und Knächt,
Der Meister wird's au öppe chönne.

Doch nimmt mer, wie's manierli ischt,
Und dankt im Herrgott für si Güeti
Und goht zur Rueh: globt s' Jesi's Christi!
Me wöischt guet Nacht und seit: Gott bhüet di.

Dr. Hunkeler.

Es winteret.

Zuhe ihr Buebe-n es windet,
Es schneit und chutet und chützt!
Zuhe! wie der Schnee dur d'Chemi,
Dur d'Äst und Griggele schnützt!

Zuhe! 's git Flocke wie Händsche,
N' es wyßet de Tannewald.
Am Morge chönnid mer schlittle,
Drum juzzid und fingid mer halt!

Los, los! es lüet scho Vieri!
Zuhe! jekt isch d'Schuel uus!
Jekt wird de lustig eis gschneeblet
Und gkrieget, es ist e Gruus.

Do flügid die wyße Granate
No anderst as z'Mez und z'Paryß!
Es wärdid die chlyne Soldate
Vom Bulver und Blei — chrydewyß.

N'e Waffestillstand wird gschlosse,
Doch nur für ne-n einzigi Nacht.
Zo, morn wird's grüfeli gschosse,
Daß 's bräglet und chlippret und chracht!

Vom Hübel abe die Schlitte,
Gib Achtig, si rüefid: „Huet, Huet!“
Suft wirst afe gständ's überritte;
N' es lauft scho gar tufigs guet.

Es lütet z'Bätte-n, ihr Buebe;
Sind still jeh und gönt nocher Huus!
Gönd hei und tüend öppis Lehre,
Und machid no Chifel uus!

J. Roos.

Heiweg.

Wohl schöni Sache allerhand,
Das gseht me au im frönde Land;
Verdienst und Läbtig ha-n i do,
I ha's deheime nie eso.

Doch hätt i do es goldigs Huus,
I halte's nümme lenger uus;
Ha doch nur 's Härz voll Trur und Weh,
So lang i d'Heimet nümme gseh.

Es traunt mer all und jedi Nacht
Vo See-e und vo Alpepracht,
Vom liebe chlyne Vatterguet,
Vom Schähli fräsch wi Milch und Bluet.

Vom Jodle Bärz und Tal etlang,
Vo Sennteglüt und Alphornchlang,
Vo Chilbitanz und Fastnachtzit
Und was' deheim für Freude git.

Wie Ander au, brung's mich dehn,
Drum goh-n i hei, es blybt derby,
Und gib im Schähli 's Ehrewort:
„Ha Fröndis guue, goh nümme fort!“

Alois Rigert.

D' Märli.

Wo:n i bi es Buebli gsy,
Läse chönne ha e chly,
Ha:n i gläse, he jo währli,
Doch am allerliebste d'Märli.

Reise:n in es Zauberland
Ha:n i chönne Hand a Hand
Mit de Zaubermeister, Fee;
Zauberschlöffer, Zauberssee

Ha:ni gseh in voller Pracht,
Wundersache, Tag und Nacht!
Läse, läse hätt i chönne,
Ohne mir nur 's Ässe z'gönne. —

Spöter ist das andrist cho!
Heldeggeschichte ha:n i gnoh,
Bajard, Roland, Haimonskinder,
Schwizerjage:n-au nid minder.

Heiß ist worde mir mis Bluet,
Gwachse:n isch mer Kraft und Muet,
Mänge Drach ha:n ich im Schlooffe
Mit mim Speer zum Stärbe troffe. —

Wider isch do andrist cho,
Ha d'Grammatik z'Hande gnoh,
Dütsch, Latiniisch und au Griechiisch!
— Müekstist hüt no, säg, was miechiisch? —

'S sind gar schöni Zite gsy,
Göthe, Schiller au derby,
Klassiker, die neue, alte,
Ha die Name nit all bhalte.

'S find gar schöni Zite gñ,
'S Gomangläbe-n au derby:
Füchs und Fäßli und Profässer,
Zaubermeister, Zauberschlöffer! —

Wider isch es andrist cho,
'S praktisch Läbe hät mi gnoh;
Zehe chöme d'Heldeggeschichte,
Zeh: „Horus! ihr donners Wichte!“

Zfrig, fürig springt me dry:
„Do und do mueß 's andrist sy,“
Roland, Bajard, andri Geister
Stönb als Muster do und Meister. —

Wider isch es andrist cho!
Mängs ha-n ich erläbet scho,
Freud und Truur und Süß und Bitter,
Doch indeß lauft d'Zit au mit der,

Wäscht der tüchtig Härz und Kopf,
Schlyst en Egge, schnydt e Zopf,
Bringt der Lüssig, Gram und Wunde,
Lot di nümme ganz lo gsunde.

'S Kinderläbe stoht vor mir!
Längizit ha-n ich noch dir;
Läse möcht i, ach ja wahrli
Wider dich, du Zaubermärli.

Andrist wird's bald wider cho,
Bi de aber nümme do,
Bi de erst im Land der Geister
Und im Ryck vom Zaubermeister.

Dr. Hunkeler.

Im Lantzig.

(Wignau.)

I weiß nid, was mi immer ghyt
Im Lantzig, mängi Stund;
Es lyt doch gwüß nid a der Zyt,
Daß 's mier so artig chunnd.
Es blüjet jo Alls, es juzet Alls,
Nur mier isch gar nid drum,
Nur mier wird's gschmuecht und truurig als,
Als drajit' si 's Härz mier um.

Lue, wenn de Mo so müsliftill
Am Dosse füreschlycht,
Reiz Lüftli d'Stilli störe will,
Reiz Müsli umedycht,
De Seej da lyt as wie Krystall
Und silbrig Ströffe ziehd,
Und nur e lyse Widerhall
Vom Gießbach abe fliehd —

Dee pact's mi albig, weiß nid wie;
Doch isch' kei rächte Schmärz,
Und — gsäch mer nur au rächt drinie —
I glaube, 's lachti 's Härz.
I ha z'vil Freud, das isch dā Gspäß,
Und niemet teilt mit mier;
Drum macht der Lantzig 's Aug mier naß,
Chä wäger nüd dervür.

J. Roos.

'S erst Rösli.

(Habsburg.)

De Früehlig het's erschieset,
Das Rösli vor am Huus;
Dā schmüht's do ame Morge
Und 's Rösli schlüft halt uus.

Wie hed das Rösli glachet,
Wo-n ihn's dä Bueb hed gschmüht,
'S hed's schier nid chönne glaupe,
'S ist schier vor Freud versprüht!

„S bi vo allne Rose
„Zeh hüür doch einisch zerst!“ —
Jo jo; wenn d' nur nid öppe
Dä Luufer könne lehrst!

Das hed si gemeint, bim Eicher,
Und hed es Wäse gha —
Hest gemeint, es luegti andri,
So mindri Blüemli a? — —

Jä, lue, wie d' Wolke stngid;
Es pflst e scharpfe Luft.
Es git e Ryf hüt z' Obig;
Dä nimmt der de di Duft.

Oheie, Rösli, heie!
Wer zleggst lacht, lachet z'best!
Wie d' doch so gly verschine,
Verblüjtit, verplamplet heit!

Kei Früehlig chunnd am Morge
Wo 's Rösli uferweckt,
Verchudret isch', verdorbe,
Bom halte Schnee zuetecht.

Do gseh'sch! Drum sett mer d' Nase
Nid eister z' vorderst ha —
Wi isch im Rösli g'gange?
Do nimm es Byipel dra!

J. Roos.

'S Biöndli.

'S Biöndli, heiß't's, das Blüemli
Bedüti d'Bescheidenheit!
Das wär wahrhaft au rüehmli,
Wie's lutet mit und breit.

Es träg' es prächtigs Ehleidli
Im allerschönste Blau
Und bärg sich doch bescheidli,
Daß ihn's nit Jede gschau.

So isch! Es tuet berglyche,
Es sig d'Bescheidenheit,
De Blicke tüüi's uswyche
Und flieh i d'Eisamkeit.

Doch, daß mer's jo chönn finde,
So schickt's ohn Unterbruch
I d'Luft mit alle Winde
Si liebli Wohlgeruch.

So zöcklet's Groß und Ehlyni,
Und Alles rüest voll Lust:
„Du Lieblich, du Fyni!“
Und leid sich's zart a d'Brust.

Napoleon dem Dritte
Isch 's Hofstaatblüemli gyn!
Ist do ächt au — i bitte!
Bescheidenheit derby?

I will's jo nit verneine:
Das Blüemli, das ist nett;
Doch muß ich immer meine:
'S Biöndli sig — goggett.

Fr. Hunkeler.

Der Äpfelbaum.

Im weiß und rote Früeligschleib
Blüet da mi Äpfelbaum,
Eis Herz voll Saft und Chraft und Freud,
Am stille Waldesaum.

Voll Sehnsucht streckt er sini Arm
Zum Morgehimel ue,
Und labt si a der Sunne warm
Und trinkt und trinkt bis gnue.

Und 's tued em wohl bis teuf i's Marg
Und herrli wächst er uuf. —
Witt werde du im Guete starch,
So schnuuf zum Himel uuf! —

E Brütigam voll Bluest und Duft,
Stoht er im grüne Fälb;
Er heb die milbi Maieluft
Als Brut sich ußerwählt.

Ghörst nid ringsum de Vogelsang,
Der Fink- und Dröfstleschlag?
Jo! Busch und Hag voll Sang und Chlang!
Es gilt sim Hochsigttag.

De Chäfer macht em au Eis uuf
Und weuscht em Glück derzue.
Und 's Beieli fäcket lustig druuf,
Und 's Müggli tanzt bis gnue. —

E Hirt stohd do mi Äpfelbaum
Im grüne Ramisol!
Und Schirm und Schatte gib mi Baum,
Als wie-n es Barisol.

Mengs Tierli chunnd und sigt do ab
Im Schatte still und hüel
Und grueht und leid siß Chöpfli ab
Im Schatte lind und müel.

Und 's Rotbrüstli am Obe spot
Nimmt do siß Nachtquatier.
Mi Hirt, er schült 's vor Leid und Not
Und vorem böse Tier.

Wenn d'Sunne sticht vom Himmel heiß,
So nänd sie z'Müni do
Im hüele Schatte imm e Chreis,
Der Buur und d'Chnächte froh. —

Und wien e Wirt tued wirten er,
Mi Baum so mild und hold,
Im Herbst mit finen Äste schwer
Voll Äpfel, geel wie Gold.

Und's Eiferli springt usem Wald
Und chehrt i's Wirtshus η;
Und, wenn's au nur mit Chride zahlt,
Mi Wirt schenkt eistue η.

Und's Büebli chunnt und lacht en a,
Mi Wirt voll Äpfelmost.
Er seid: „Se chumm — mueßt au chli ha;
„Doch folge mueßt, bi Gost!“

„Jo! Chömmid All, i lad ech η,
„Und chert bi mer a,
„Und sigid a grünen Tisch echli,
„'S müend All es Schöppli ha!“

E guete Hirt, e treue Wirt,
Mi Äpfelbaum stohd do;
E Säge-n er für Alli wird.
Verstohst mi? — Mach's au so!

Ag. Röthelin.

Uf de Bärge.

Jez meinst Du gwüß, i well Der bschribe,
Wi schön aß uf de Bärge sig!
O nei! das lo:n i das lo blibe,
I finde, gschider sig's, i schwig.

I sett wohl brichte vo der Sunne,
Wi die am Morge:n ufe schwäbt,
Wi d'Gletscher alli heigib brunne
Und gjublet Alles, was do läbt?

Wi mir 's um 's Härz so eige worde,
Wi:n ich us Andacht abegscheut,
Wi:n ich so rächt im Bueßerorde
Heig mini Sünde:n all bereut?

Wi:n ich im Herrgott, so allmächtig,
Vo ganzer Seele Dank heb gseid,
Dass är so wunderschön und prächting
Heb d'Wält vor üsi Auge gleid?

O nei! das cha:n i nit beschribe
Und bsunders, wenns 's Rothhorn agohd;
I säg es ohni Übertribe:
Me stohd und schwüigt, me schwüigt und stoht.

Nur das ha:n ich ech welle säge:
Es seig so schön, uf d'Bärge z'goß,
Scho, wil mer minder Luft heig z'träge
Und chönn das Tal dehinde lo.

Im Tal sind d'Bärge:n uf eim obe,
Mer gwahrit's dänk am Schnuuse gnue;
Die Sorge, Lüge:n all, di grobe,
Die hend im Ote tüchtig zue.

Doch wenn Du tuest ne Bärge erstige,
So ist der Bärge jo under Deer,
Und Alles ringsum g h ö r s t Du schwige,
Nis lösti Nis uf Gottes Lehr.

Und au die Bärge, wo dich brücke,
Si rütische fort ab diner Brust;
Tuest juble, juzge vor Etzücke
Und tuest es eigli nid umjust.

Denn ufem Bärge bist ab die Bärge,
Di dich im Tal hend grüßli brückt,
Und ufem Bärge chaust's nie verbärge,
Du findist wohl dich und beglückt.

Doch, wenn d' no wettisch bi der bänke,
Me gsäch do über d'Schelme-n uus,
So möcht ich no das Wort ahänke:
Wüsch jo doch zerst im eigne Huus!

Dr. Gunkeler.

© Heuettag im Habsburg.

Im Heuet isch es Läbe,
Dass eim no freue tued,
Drum juchzet nit vergäbe
Wär no bi Chraft und Muet.

Do ziehnd die Mäderschaare
Am Morge früeh i's Gras,
Me hed's halt lengst erfahre:
Bim Tau, de haut's es bas.

Die Meitli sind bizite
Zum Bettle au derby,
Jä 's Trini, d'Mei und d'Jidde
Wend nie behinde sy.

Jetzt nimmt me 's Züni dusse,
Verzelt derbi ne Gspäß;
Vom Schwitze ist me usse,
Vom Trinke inne naß.

No'm „Zähni“ mueß me chehre
Das gester gmähtnig Heu;
Me mueß si zitli wehre,
Se bringt me's einist hei. —

Am Nomittag goht richtig
Das Wärdche erst rächt los;
De Heuet ist halt wichtig
Für d'Bure chly und groß.

De mueß me aber jabble,
Wenn's heißt: „as Zämmetue“,
Und später: „aso gable,
Und ine, go vertue“.

Wie tüend die Manne schwiße,
Und d'Meitli währli au;
Es cha jetzt Niemer siße,
'S alt Mueti rächet au. —

Lue, d' Frau chunnd mit dem Zobig,
Si fällt schier drunter y,
Ich glaube aber nottig,
De Mostchrueg sig no g'chly.

No'm Zobig raslit d'Wäge
No gschwinde ab und zue,
Jez mueß me stoße, träge,
Me mag nit gschnuse gnue. —

Fönd Wätter aso murre
Det gägem Hinterland;
De tued's im Heuwärdch furre
Und strudle durenand.

Doch Obigs cha me raste,
'S sind glückli unter Dach
So zäche Fueberlaste —
'S ist doch e schöni Sach.

Guet's Fueter ist e Säge,
Lohnt Arbet, Müeh und Schweiß,
Drum juchzt me alletwäge
Bim letzte Fueber eis.

So bringt das Schaffe Freude,
Dezue no Gald und Guet;
D'rum sell's an keim verleide —
Und bhaltid frohe Muet!

Alois Rigert.

Ne Summermorge z' Luzärn.

Mänge hed eufi Stadt vo de schönere Syte no nie gseh;
 Rid nur die Frönde, nei währli, au mänge fulärtige Stedtler.
 Bil sind der Meinig, die Luchtestadt seigi am schönste-n am Obig,
 Wenn rychi Russe, monschynig Engländer, churzhöslig Schotte,
 Bockbeinig Pänki und Italiäner, Chineser und Türgge
 Do ussem Schwyzzerhofsggee enandere d'Zeeche-n abtrampid,
 D'Kurmufig spilt, de Pfyffer füürwärdet, Ragete-n uffstygid,
 Omnibüß, Drottsche und Gutsche vor alli di Gasthöf zuefahrid
 Und mer schier meinti, am Gwältsch a, mer wär „am Thurmbau
 zu Babel.“

Rei, nit dee isch am schönste; am schönste isch es am Morge
 Früeh am Bieri. — Wie rüehig ist alls no; es rodt sie keis Lüftli!
 D'Gasse sind still und d'Läde no bschlosse; nur öppe ne Pinte
 Ist scho off, wo allig d'Matrose am Morge-n es Schnaps nänd.
 Niemer ist ume; nur öppe ghörst, wi ne schlarpige Stalchnächt
 Geinet und d'Roß buht und de Strigel usschlopft uff de Bsegi. —
 Abe-n uff d'Seebrugg oder a Ggee! Do isch anderlei z'luege,
 Z'lose und — z'schnuse! Wel es Lüftli zieht do dur d'Rü s uuf!
 Besser as Bier oder Asti, Chianti oder Barbera
 Dunkt eim das Lüftli; besser isch allwäg für Schuelmeisterlungge!
 Chopf uuf! Lue de See, wie süüberli gwäsche und glettet!
 Mittst drüber ufe ziehd si ne trüebe, ghruslete Strygge.
 Grundeli z'Lufsigmillione schwänzli im luutere Wasser
 Umenandre, bis öppe-n es Egli hinder ne dryschießt —
 Reis het's verwütscht und keis wird's verwütsche, so lang as si zäme
 Händ — so dänkid, ihr Lüte: „Do chönntid mer au öppis lehre!“
 Witer obe stohd uf der Schiffbrugg e Ma wie ne Sagboß,
 Hed e Ruete grad use mit eme sydige Schnüerli
 Und eme-n Ängeli dra und a dem e grüslige Mertel —
 Rasi, i glaube de fohst hüt nüd weder Met und — Nase,
 Wenn d'au scho früeh bist am Morge; bi dem Wätter byßed si
 nid a. — —

Ch, wi stohd d'Rigi no schlöfrig im dicke schwarzgraue Nachtrock!

'S Morgerot hed zwar de Ehrage dra goldig verfäumllet;
 Silbrigi Näselbändeli händ re de Chittel a Lyb zue.
 Bleischwäri Schatte deckid no „Tripolis, Tunis und Algier.“
 Bett nur es bigeli! Lue, wi's rotet und heitret uf einist!
 D'Sunne-n ist ufe, d'Sunne-n ist ufe hinderem Söntis!
 Lue wi's si änderet, lueg jeh wi's glichret uf all dene Zingge,
 Höögge, Felse-n und Gletschre! — Urirotstock, Gott grüß di!
 Gott grüß ech, Lödi, Glaride, Schene, Rophaie nud
 Roßstock;

Grüß ech Gott, Frohnalp und Baue, Schwalmis und Brise,
 Schlittchueche, Stanferhorn, Buochserhorn, Bürge-
 stock, alli ihr Burste!

Eh! wie si lachid die Bärge, wenn d'Sunne am Morge si aschynt!
 'S ist nid z'verwundere; d'Möntsche lachid und d'Tierli und Pflänzli.
 Ah, de Pilatis! poß tuusig! Wer meinti, de wärist en Esel?
 Ehnder e Hochzyter! Wi-n er sie meint mit dem graugrüene Schilee;
 Z'tuure sind er, ihr Lütli, du und dis Schägli det, d'Rigi;
 Sider as d'Wält stohd hed no e Reiz im andre ne Schmuß g'gäh,
 Aber wer weiß, ob er underem See dur enandre nid stüpfid
 Mit de Beine, wi d'Vuuremeitschi deheim a de Chilbi? —
 Still jeh, i glaube-n i ghöri es Lied vom Eigelal abe,
 Los: „Dann gehet leise“ — „Der Herr gohd z' Wald!“
 fett's dänk heiße,

S'Chilchli det obe-n am Brügelwäg — grad lütet si 's „Ave!“ — —
 Teufer scho sinkt si, d'Sunne, ist scho ufem Sunnebärg unde.
 „Brünnt's det? Was ist au? Stohd nid das Fuß det i Füür
 und i Flamme?“

Laali du; d'Sunne schynt halt grad i di bschlossnige Pfeister;
 Stundemyt gseh mer das Füürwärd, jo sogar uff der Rigi. —
 Und de Gütschwald jeh, wie streckt er die Schößlig i d'Sunne!
 Wenn di neu Seilbahn nid geußet und rumplet wie d'Bignauer
 Bärgebahn,

Jo, do lohn i mer's g'falle, just aber wär's doch, mi Seel, schad
 Für d'Boesy im Gütschwald und si Stilli, si Fride,
 Wenn er dur Lärme-n und Wüestue tagtäglich verbrosanisirt
 würd. —

D'Rüs ruscht unde-n ufe; si lid no im Schatte-n und 's Rüßtal.
 Aber Afrokorinth! würdige Alte, wie strahlt Du, o Musseg!

Queg is „Land“, öb d'Buure wi d'Stedtler au ghörig verflü-
rid! — — —

Tuusig au, was? ist das mügli, jeh schloht's scho Feusi am Zyt-
turm?

Ch! wi di Zyt ume gohd so amene herrliche Morge!

Säge cha:n i's nid, wi's mer ist, i glaupe:n i bätti;

Aber kei Wörtli chunnd über d'lippe, nur 's Gfühl chunnd vo Härze,
Item, i glaupe, ne Gottesdienst sei au so ne Wandrig.

Jetzt ist er us — und jetzt git's wider z'schaffe:n und z'räble.

D'Milchhärre rumplid scho vo allne Syte dur Stadt dur.

Kapitäne, Kondiktöre, Heizer, Matrose

Gönd gäg de Schiffe:n und Bahnhof zue, wo's au chirschet und
surret.

D'Kollade raßlid, d'Läde göhnd uuf und d'Pinte und d'Hotel.

D'Chappele lütet scho z'Chile; die chlynere Törndli, die viertlid
(Mit mit enandre, verstohd si) und zleggst chunnd di gwaltigi Hof-
uhr —

Das ist mi Tagwacht. Frisch druf los! He nu, i Gotts Name!

J. Roos.

Chäschüchlied.

I n' jeder Stadt zu Fromm und Ruß
Git's öppe Läckerei,
So hed mer z'Bärn de „Bäremuß“
Und z'Bürri „Bölewäje“.

Di Basler wänd scho syner sy
(Usghoh die „Joggeluner“)
Und rüchmid ihri Läckeri
Chindsmägede-n und Draguner.

Hingäge-n über All gohd doch
Es Chäschüchli, nes heißes,
Das stopft ein andrist de sye Loch,
Wenn's fräsch ist und es heißes.

De Großrot und der Aiklat
Und d'Dampfschiffkapitäne,
Die gseh mer all in euser Stadt
So hindreme Flarre-n äne.

Und erst am Zystig — do gohd's zue,
Wenn d'Vuure chöm id z'bätsche!
Do gseh mer Meister, Chnächte und Bue
So ame Drüegg chätsche.

Doch ghört es süffigs Bier derzue,
So wie mer's trinkt im „Dubli“:
Det händ f' de ganze Tag bei Rueh,
Det unde-n i dem Stubli.

He nu, me dörfid stolz druuf sy,
Die Chüchli händ e Name:
Es ist, wi's „Schnitz und Spätz“ scho sy,
E Nazionalsspyß. — Ame!

J. Hoos.

Dä ist nid vo Luzärn.

Wer weiß ächt nid das Städtli,
Das schönsti i de Schwyz?
Am See im grüne Bettli
As wi-n es Blüemli lid's.
Wer blättere mueß und bueche
Und's Baradys fund gärn
Und wer nid weiß wo sueche,
Dä ist nid vo Luzärn.

Drumume stönd grau Manne,
Bil händ wyß Chappe-n uff,
Bil dunkli Hoor vo Tanne
Und Alperose druff.
Und frogst Du, was si machid
Mit Helebard und Stärn,
Weischt nid, was si bewachid,
De bist nid vo Luzärn.

Bil tuisig Fröndi lausid
Das Schwyzerstädtli z'gseh;
Und was si do erschaußid,
Das gsehnd si niene meh.
Nüd wärt ist, was nüd chostet;
De Wirt dänkt: jez isch d'Ärn,
Das risnig Obst wird gmostet —
Die sind nid vo Luzärn.

Wenn d'Gletscher z'Obig blüejd,
Voll Rose lid de Schnee,
Di schöne-n Alpe glüejd
Und füllrvergoldt de See;
Wenn d'Wält will goh zum Nachtschloß,
Die Pracht gseh Jedo gärn;
Nur wägem Gotthardbahnhof
Gohd Reine-n uf Luzärn.

Schön ist de Gletschergarte
Und 's Leuedänkmol gar
Und Hüüser aller Arte
Mit allergattig Baar.
Doch eusi schönste Sache,
Die zeigid mer nid gärn,
Mer lönd nid gärn alache
Die Töchtere vo Luzärn.

Gang suech du settigi Mäitli,
De chaust nid schönri gseh:
Wi Alpegglüeh händ f' Bäggli
Und Huut wi Gletscherschnee;
Und Auge, schwarz, blau,
Die lüüchtid wi ne Stärn,
Und wer hed chagegrau —
Dä ist nid vo Luzärn.

Meinst, chönnid si au tänzle,
Und schaffe nit ellei?
Meinst chönnid f' au scharwänzle
Und parle „nong“ für „nei“?
Meinst, öb f' nid lieber säitid:
Jo, jo i will di gärn!
Gewüß, die wo gärn lang bäitid,
Die sind nid vo Luzärn.

Au d' Fraue sind nur z'lobe.
Si schaffid treu im Ma,
Si bäitid brav und z' Obe
Fönd f' mängist z'predigen a.
Händ f' ächt au bösi Müüli,
Kaffee und d'Hoffert gärn?
Wer das cha froge, fryli,
Dä ist nid vo Luzärn.

Au Burste hed's famosi,
Sind immer uff der Wacht;
Vil chlyni und vil großi,
Die singid, Tag und Nacht.

Si singid, hoolid, pſyffid,
 E Schatz hed Jede gärn;
 Und die, wo's nid begryffid,
 Die find nid vo Luzärn.

Am Schwanepfaz no Chile
 Wird Mänge sonneblind
 Und mueß dä änechile
 Uf roti Müüli gichwind.
 Meinst, tued e das de blooge,
 Meinst, luegt er do nid gärn?
 Ach, wer so dumm cha frooge,
 Dä ist nid vo Luzärn.

So, Tag und Nacht tüend i'finge
 Und Tag und Nacht händ i' Durst,
 Drei Liter abe z'bringe
 Das ist i Jedem Wurst.
 Chääschüechli, Rettig, Schinke,
 Das leid im Durst de Chärn
 Und wer nid cha so trinke,
 Dä ist nid vo Luzärn.

Au Die, wo nümme singid,
 Sittdem si 's Huuschrüüz händ,
 En Ußred füre bringid,
 Wenn i' öppe trinke wänd —
 Hüür hed mer Fäst, ist lustig,
 Hed's au chli boosget färn;
 Gichliht Gülte gänd grad Ruftig
 Für Freudefüür z'Luzärn.

Im Summer gid's Rageete,
 Im Winter Astiwy;
 De gid's erst rächt z'holeete,
 Chunnb no de „Fritsch" dry.
 Jez wird das Böschli gmüetli,
 D'Zöpf hed mer nümme gärn —
 Es Zöpfli underm Hüetli
 Wachst immer no z'Luzärn.

'S hed Bucheli, Ganse, Ante
Und Schwän im Wasser do,
'S hed chrüüzfideel Studänte,
Die gönd fem Wasser noh.
Si tüend im Buech studiere,
Rohär im Glas au gärn;
Wer nid e chli cha biere,
Dä gohd nid uf Luzärn.

Es hed au alti Brugge
Und alti Türm und Lüüt;
Die Brugge, die wänd lugge,
Di Türm die luggid nüd.
Di Brugge lohd mer flicke,
D'Lüüt au vo Döftere gärn;
Und wer mueß dra versticke —
Dä seid: Ade Luzärn!

Peter Halter.

Entlebucher-Lied.

Es schöner's Ländli cha nit si
Als d's Entlebuch, miß Heimatland;
Wer einist da ist häbli gsi,
Dä chlebt em a mit Härz und Hand.

Im Tälti wächst üs, was mer wei,
Und d'Alpe gei üs chüstigs Gras,
Und d'Flueh die schönste Meie — nei —
Mi Seel! es gfallt mer niene bas.

Im Hüstig gai mer fröhli z'Alp —
Hei, weler Freud und Lust ist das!
Wer da nit lebt, lebt ume halb
Und byßt no vorem Herbst i d's Gras.

De Chüdhne leit me Trichlen a,
Daß' tönt und gunglet z'Wald und z'Flueh;
Me stimmt es Chüdhherliedli a
Und d's Beh, das sekundirt derzue.

Und Mueti bindt dem Chäbli gschwind
Uf d's Chöpfli tolli Meie uuf,
Doch het's de Sorg zum eigne Grind,
Es kriegti süß es Mütschi druuf.

Wer keini Chuehli trybe cha,
Der trybt e schöni Tschupple Geiß
Und nährt grad sini Buebe dra,
Das macht si busper, stark und feiß.

Am Gnadenort zum heilig Chrüz
Erhört üs Gott i jeder Not;
Und chöme Geuer ganzi Rük,
So gilt der Ziger, was me wott.

„E Schöne heit er da am Zopf,“
So säge s': „Gloht sei Eses Christ!“
Und Zweue nei der Grus bim Schopf,
Und mürpfe dra, bis nüb me ist.

Wenn's afig uf de Bärge schneit,
So zieht me ab, wie uuf im Mei,
Und bsorgt mit aller Redlichkeit
Da dunte Handel, Huß und Hei.

Und hei mer d'Sächli z'Vage ta,
So packt me s' mit de Sünde y
Und macht z'Luzärn am Abblis ja
De d'Seel und d's Ländli schuldefry.

Und weler Meitschi hei mer — ha!
Was das für styffi Truschili si!
Si lache ein so ordli a,
'S wird d's Herz zum Geuggel fast derbi.

Hei roseroti Mülti ja,
Und Bäggli hei s' wie Milch und Bluet.
Und rat mer y, und rat mer a,
Was steit ne öppe de no guet?

Am Sunntig luegt me zue ne z'cho,
Und geutschet vorem Huß e chlei,
E Sprung ist bald uf d'Bigi to,
De hei mer scho schier, was mer wei.

'S sell Eine neb mi use Duß,
Da nim i es Grigili vom e Aft
Und chlopf em fini Härli us.
Was gilt's, 's vergeit em so der Jast?

Was über ds Bohneliedli geit,
Das treit me dem Kapetschiner a,

Und will er's nit, so sig's em gseit,
Mi Seel! er mueß kes Ankli ha.

Me tschöplet selig öppis Zyt;
De frägt me: „Wei mer echt enand?“
Wenn d's Mueti, d'r Ätti d's Jawort git,
So chnüpft me endli d's Hochzytband.

De bsorgt me flyßig Härđ und Huuß,
Geit fromm dur d's Läbe Hand i Hand
Und zieht, was d'Wiege haltet uus,
Für Gott und d's liebe Vatterland.

Laurenz Hildebrand.



Inhaltsverzeichnis.

	Seite
Luzerner Wiehnechtsmusikante, von Melchior Schürmann . . .	3
Fürro, Mörbio, Hälfo! Es Gschichtli für d'Fasnecht, vom Räm- mert vom Mösli	23
En lusschießet <u>hi-n</u> enß beheim im Habsburgeramt, v. <u>J. Roos</u>	31
Ne Michelschrük-Ghilbi vor öppe zwänzg Johre, von <u>J. Roos</u> .	41
Es Märli füre Winter, vom Rämmert vom Mösli	47
Wi ji be arm, alt Bäre vertränt händ, vom Rämmert vom Mösli	52
De totnig Hanseli, vom Rämmert vom Mösli	61
Der Goldkrystall vom Eglital, von Ignaz Röthelin	63
Im Düfel Zwo, sim Schwoger Eini. Eine Volksage v. <u>J. Bucher</u>	69
'S Lisele, von Unbekannt	71
Ich stirbe, von <u>J. H.</u>	74
Kurioß, von Jr. Hunkeler	75
All Neu und Wäbel, von <u>J. Roos</u>	77
Als Bifari, von Jr. Hunkeler	78
Fride, von Jr. Hunkeler	81
Usem See am Obig, von Jr. Hunkeler	82
Herbstlied, von <u>J. Roos</u>	83
So um Wiehnecht ume, von Jr. Hunkeler	84
Es winteret, von <u>J. Roos</u>	87
Heimeh, von Alois Rigert	88
D'Märli, von Jr. Hunkeler	89
Im Lanzig, von <u>J. Roos</u>	91
'S erst Röseli, von <u>J. Roos</u>	91
'S Biöndli, von Jr. Hunkeler	93
Der Öpfelbaum, von Jg. Röthelin	94

	Seite
Uf de Bärge, von Fr. Hunfeler	96
U Heuettag im Habsburg, von Alois Rigert	97
Ne Summermorge z' Luzärn, von J. Roos	100
Ghäschtelied, von J. Roos	103
Dä ist nid vo Luzärn, von Peter Halter	104
Entlebucher-Lied, von Laurenz Hildebrand	108



9. Kanton Basel, 2. Hest. Wie die fünf Bluemen us em Meschlemer-Kaffiranz zue ihre Männer so sin (Schluß). E Familietag bi der Cusinen Ester, v. E. Kron. Eppis vo der Basler Mätz (Basl. Nachr.). Der Her Vikar und d'Margreth, v. Th. Meyer-Merian. Die nächtliche Irrfahrt v. J. Breitenstein. Uf der Bluemmatt, v. J. Breitenstein, 2c. 2c.

10. Kanton Schaffhausen. Bun enen am Rhy, v. J. H. Bökli. E Gsicht, we mer berig am Rande obe verzellt, v. J. H. Bökli. Drei Bitten am Randen=Quell, v. Frauenfelder. Vor hundert Johre, v. A. Pfetscher. 'S Schometgretkli, v. J. Sulger. Hans in der Fremde, v. J. Sulger. Die gnädigi Frau (Hausfreund 1835). 2c. 2c.

11. Kanton Solothurn. Dr Tannhöfer, eine Dorfgeschichte v. J. Hoffstätter. 'S Wydebüfeli, eine Dorfgeschichte v. J. Hoffstätter. Aus der Lebensgeschichte des Gunzger Hans, v. J. Joachim. Ein Vormittag in einer Bauernstube, v. J. Joachim. E Dorfschuel usgänds vom XVIII. Johrhundert, v. J. J. Schib. Dr Zehnte, v. J. J. Schib. 2c. 2c.

12. Kanton Bern, 2. Hest. Was heimelig sigg, v. J. R. Wyß, dem jüngeren. Heimelig, v. J. E. Ott. Abendlieb, v. G. J. Kuhn. Schwizer-Heimweh, v. J. R. Wyß, dem jüngeren. Sehnsucht nach der Heimat, v. G. J. Kuhn. Des Guggisberger Mädchens Heimweh, v. H. Rydegger. E Gruetz us dr Heimat, v. G. Straßer. Gang hei, Franzos! v. G. J. Kuhn. Lieb für alli brave Schwizer, v. G. J. Kuhn. 2c. 2c.

13. Kanton Basel, 3. Hest. Das Schülertuch, v. K. R. Hagenbach. Der Häfelimärt, v. E. Kron. Die Lumpensammlerin, v. Ph. Hindermann. Eines alten Bürgers Festgruß an Hans Peter Hebel, v. K. R. Hagenbach. Ufem Münsterthurm, v. Th. Meyer-Merian. Der Zopf, v. J. Mähly. Im Kloster, v. J. Mähly. Am Wienachtsfraustemärt, v. J. B. Bi Liecht, v. J. B. Blindi-Muus, v. J. Mähly. Raß und Muus, v. Th. Meyer-Merian. E Gruß, v. J. Dser. Kurz und gut, v. Th. Meyer-Merian. Uf Erbe, v. Th. Meyer-Merian. E voll Herz, v. Th. Meyer-Merian. Am Taufstage eines Mädchens, v. Ph. Hindermann. 2c. 2c.

14. Kanton Zürich, 2. Hest. Ausgewähltes aus den Schriften v. Aug. Corrobi: Vor alter Zyt. Min Hans. Selbstbeherrschung. 'S Anneli. Es Wätter im Walb. De Vikari. De Vikari schrybt an en alte Fründ z'Basel. Schwizer-Bille. Diheim. Schwizerisches Chernebrod. Amanda, Lustspiel.

15. Kanton Zürich, 3. Hest. Ausgewähltes aus den Schriften v. Jb. Stup: 'S Storcheneegg-Anneli ist i der Stadt inne z'Dorf ghy. Schrecken und Verwirrung. Das beschaidene Veeteli. 2c. 2c.

16. Kanton Zürich, 4. Hest. Ausgewähltes aus den Schriften v. Jb. Stup: Kriegsjammer oder de Heiri mueß ge Basel. Hansels Klage. Berufswahl. 'S Venewirts Ghind hät i der Chille bbätet. Einbildung. Ein alter Schulmeister. Altes Heerebütsch. Die Wünsche.

17. Kanton Zürich, 5. Hest. Ausgewähltes aus den Schriften v. J. M. Usteri. De Vikari. Aus dem „Herr Heiri“. Verglieb. Was i gern möcht. De verliebt Mächemeister. So wird 's cho. Kinderlieder. 2c. 2c.

18. Kanton Solothurn, 2. Hest. 'S Anneli unter der Bornlinde, v. B. Wyß. Die Wildsaujagb im Herswald bei Solothurn, v. A. Gluf. Dr Tüfel chömt dr Lätz näh, v. J. J. Schib. Wien i bin e Kaufer worde, v. J. Hoffstätter. Ryte, Ryte Rößli, v. J. J. Schib. D' Schnäggen-Ufläsete, v. J. J. Schib. D' Keujohebachete, v. J. J. Schib. Dr Wäber, v. J. J. Schib. Dr Lächema, v. J. J. Schib. Alles het zwo Site, v. J. J. Schib. Der Sennli und der Zaageli n G St. Gluf. Die nerlarne Schwinzertrachte

19. Kanton Graubünden. Das alt Mändli am Flüela, v. A. a. Z. Eine ländliche Conversation in St. Antonien, v. Leonhard Fleisch. I weß Öppis! Nach Andreas Barfuß. Im Kriafat, v. J. Kuoni. Abendsridä, v. Ch. Karnuzzer. D' Schälfigger Bfäsig, v. Christian Balkmeister. cc. cc.

20. Kanton Thurgau. Der Pfarrer als Korbmacher, v. J. Christinger. Eine ländliche Brautschau, v. J. Erni. D' Sponsari, v. J. H. Thalman. De Hundsmörder vor Gericht, v. G. Bion. D' Rastvisite, v. J. H. Thalman. 'S Glück, v. R. Ruffbaumer. Wer chlopft? v. R. Sigwart. Daß men au so dumm cha sy, v. R. Sigwart. Der glückliche Alpler, v. R. Sigwart. 'S Wörtli „frei“, v. Th. Bornhauser. Wie der Bichelsee entstande ist, v. J. Häberlin-Schaltegger. 'S Woppe vo Krausefeld, v. J. Häberlin-Schaltegger. Dr Tüfel im Thurgi, v. J. Häberlin-Schaltegger. Der Heiri vo Gerlise, v. M. S. Der Ring im Fisch, v. J. A. Bachmann cc. cc.

21. Kanton Zug. 'S Ägerital, v. Th. Ruffbaumer. Zugerburgerlied, v. J. Boffard. Ein Waschweibergespräch, v. G. E. Reiser. Zwiegespräch zwischen einem Bauern und seiner Frau, v. J. Boffard. Flöchnerfest 1880, v. J. Boffard. Dr leßt Wildeburger. Sage, v. J. Koller.

Kanton Freiburg. Der verliebte Hans Joosi, v. H. Rydegger. Volkschwänke: Der reservierte Paß, v. H. Rydegger. Die hundert Messen, v. H. Rydegger. Der schreckliche Traum, v. H. Rydegger.

Kanton Wallis. Die Räuber im Pfinwald, v. Pfr. Lehner. Die Verladung vor Gottesgericht, v. Pfr. Lehner. Der Untergang von Täsch, v. Pfr. M. Tscheinen. Das Holzhaus in Materz, v. Pfr. M. Tscheinen. Der ewige Jud auf dem Theodulpäß, v. Pfr. M. Tscheinen. Geistergeschichte vom Hame, v. Pfr. M. Tscheinen. Poltergeist auf'm Hauig, v. Pfr. M. Tscheinen. Dr Bozo am Blattu-Schuz, v. Pfr. M. Tscheinen. Der Geist im Erbji, v. Pfr. M. Tscheinen. Das Marßli vom Zermatter, v. Pfr. M. Tscheinen cc. cc.

22. Wörterverzeichnis, Nachwort, Berichtigungen und Ergänzungen zu Heft 1—21.

23 u. 24. Kanton Basel. 4. u. 5. Heft. Krusi-Musi, G jamos Ried. rezept us der Frau Synbille-n ihrem Kochbuechli (Basl. Nachr.) Wie der Ruebi d' Schatz gfunde het (Schweiz. Volksfr.). Was mim Ma, im Großroth A., passier isch. G wohri Gschicht (Schweiz. Volksfreund). Jatali Berwerlige. Zwei wahrhaftige Geschichten (Schweiz. Volksfreund). Wien e Hochziter im Chartei abischwört, v. W. Senn. D' Eyberaupe (Schweiz. Volksfreund). Die Waldburgerbahn, (Baselland), v. W. Senn. Die Begegnung, (Baselland), v. W. Schneider. Aus dem Posamenterleben (Baselland), v. R. Schneider. Im Herbi (Basler Nachrichten). G Tannezwoggli us der Haimet. Zuem 24. Christmon (Basler Nachrichten), v. E. Hegel. Jagd und Krieg (vom Ludwig in de Nseburg), v. L. Sieber. 1. Der Fischraigel, 2. Der Traum, 3. Der Dirgge Hans. Dr Bordrettmoler uff dr Steer, v. E. Hegel. cc. cc.

25. Kanton Zürich. 6. Heft. Züritüütsch, e dramatisches Läseshüß i 3 Acte, von W. J. Niedermann.

26, 27, 28. Für d'Chinderstube. 1. — 3. Heft. I. Wiegentlieder II. Abend- und Morgenlieder. III. Schöpfreime und Flaudereien. IV. Kinderfreunde a. d. Thierwelt. V. Tanz u. Spiel. VI. Haus, Schule, Leben. VII. Jahreszeiten. VIII. Heimut und Vaterland. IX. Märchen, Erzählungen, Sprichwörter.

29, 30. Bilder aus dem Volksleben des Vorder-Prättigau's von Michael Kuoni. Bauerntypen. Die Herengerichte im Prättigau. D' Spusagang: D' Bafanntschaft, d' Mafoog und a schlächti Bscheid, d' Liabi. 'Sach chunnt



Stanford University Libraries



3 6105 010 162 290

DATE DUE			

STANFORD UNIVERSITY LIBRARIES
STANFORD, CALIFORNIA 94305-6004



Stanford University Libraries



3 6105 010 162 290

DATE DUE			

STANFORD UNIVERSITY LIBRARIES
STANFORD, CALIFORNIA 94305-6004



